

雍音叙



余謂虞夏殷周之盛大道之行文武周公咸雍  
產焉雍固天下雄都也稽漢蘭臺令史稱述據  
崤函表太華界褒隴帶洪河山川雄博類若茲  
肆靈秀孕發聖當昌運已廼仗節入關睎秦嶺  
瞰北阜觀豐鎬亂涇渭歷覽雍疆無慮什七因  
往蒐雍籍文學大夫忠臣志士鉅儒哲匠代多  
彬出維是古稱英俊之域則靈秀攸鍾靡直文  
武周公已爾於乎盛哉迺天水可泉胡公示編



次雍音凡四卷始于周太伯冠以逸詩暨漢晉  
隋唐止乎元凡百五十人詩若干首以李杜王  
韋諸家大雅者列為內編未盡雅馴者列為外  
編其人自文武周公下大都雍產其詩自後慕  
下大都雍音雖中間殊人品異造詣判體裁迥  
瑜瑕大都發乎性情止乎禮義固叛去于文武  
周公而足以風夫道在天下經制之為謨列典  
章若三聖列王踐脩之為忠孝節義若子卿董  
廋至慷慨激發諷誦規諫則點綴為詩若李杜

572920  
n. 9, 1939

輩是詩固道之華不可後經制踐脩而觀之也  
按藝文志古者諸侯卿大夫交際必稱詩喻意  
別賢不肖觀盛衰焉故曰王迹熄而詩亡然則  
雍音惡其後諸粵孔子說禮嘆杞宋無徵廋今  
茲編備一方之文獻昭百代之典刑俾文卿準  
古庶陳詩觀風之道直入上乘泝文武周公于  
西周之盛者茲豈秦雍之杞宋也邪可泉學濟  
妙悟獨宗嗜古司封部編秦漢文鳥鼠山編擊  
郡記再編雍音表暢風物彪炳前脩他尚多也



匪雅負良史才伊疇喜之余讀雍音重嘉雍座  
且嘆文武周公之道未墜也臺政旁午聊以愚  
管題其端如藻采以俟博雅

嘉靖戊申春二月望

賜進士第通議大夫都察院右副都御史奉  
勅巡撫陝西等處地方鴈門宛溪謝蘭撰



之澤嶠冢之湍太白之鹿崆洞之鶴仙掌之松  
嶰谷之竹龍門之瀾清渭之漪藍田之玉洮水  
之石隴山之鸚鵡川之棹其音穆穆然皆應於  
岐周之鳳宣暢于世代者若泰帝之琴之瑟之  
簫鳩皇之笙黃帝之管之笛之鼓其音雖離然  
皆合於上帝之節而雍之詩所由大也試按乎  
聲律則成周之詩鈞天之樂也成周而後之詩  
漢其絲竹乎晉其金石乎唐其匏土乎陳隋宋  
元其革木乎協而被之翕而繹之蓋亦廣庭之



樂歟謂不取法于時邁清廟生民大明之什乎  
是雍音也音也者飲也剛柔清濁和而相飲也  
是詩之體裁也今觀蘇李之淳朴秦徐之悽惋  
傳陰之質遂李杜之雄渾王韋之精澹益賈之  
雋奇權竇之冲瞻白杜之平逸以至宋元之疎  
散大都三百篇之餘韻而西周之流風也凡我  
雍人所當先天下士莊誦佩服以羽翼風雅者  
續宗山居煩暇乃裒而輯之以與我秦隴士說  
詩者共之蓋亦有志於三代而未能也夫二書  
基乎周矣秦風周之舊也豳風周公之東也小  
雅周之德不忒也大雅熙熙周之德也周頌德  
之至而周之盛也誦雍之詩而不本諸此非雍  
夫矣雍後學胡續宗世甫序

附

是編成會諸節使先循行隴西大中丞九畹公見  
之曰雍文獻在是矣蘇李企周李杜嗣漢古體賦  
風近體洋洋而金聲玉色虎躍龍翔且忠節炳炳  
讀其詩亡不想見其人雍文獻不在是乎續宗曰



文獻不在是也然亦在是也侍御鵝山先生見之  
曰風詩之旨也三百篇可以興下動上上動下也  
雍州秦漢晉唐之詩多可風者雍不有詩乎雍士  
不可以言詩乎續宗曰雍亦有詩也可以言詩者  
子夏而后盖不多見也古泉先生見之曰聞之先  
生云詩五言起於漢然亡愧風雅七言盛於唐然  
亡愧騷楚漢四百年都尉一人而已唐三百載翰  
林工部二人而已然皆雍賢也雍不有詩人乎續  
宗曰古今人不同而詩同詩不同而興同然感發  
少參婁石先生見之曰述觀雍詩周盛矣

後乃有秦漢然晉不及漢隋不及晉宋元不及唐  
觀其什知其世矣續宗曰惟世有隆替斯文有盛  
衰盖不特詩也憲僉西坡先生見之曰詩以道性  
情然皆止以禮義今觀雍詩或於其彛倫或於其  
闕庭或於其羈旅或於其征戍皆不苟作文不在  
茲乎續宗曰文未敢以爲在茲也自周觀之詩乃  
在茲爾因命托之梓人既閱月梓人告成事嘉靖  
二十有七年上巳也續宗識

子夏寓居西河有所  
居石室及讀書洞

詩攷

漢都尉李陵詩



其源出於楚辭文多悽愴怨者之流陵名家子  
有殊才生命不諧聲頽身喪使陵不遭辛苦其  
文亦何能至此

漢婕妤班姬詩

其源出於李陵團扇短章辭旨清捷怨深文綺  
得匹婦之致侏儒一節可以知其工矣

漢上計秦嘉妻徐淑詩

夫妻事既可傷文亦悽怨爲五言者不過數家  
而婦人居二徐淑叙別之作亞於團扇矣

漢令史班固詩

漢上計趙壹詩

孟堅才流而老於掌故觀其詠史有歎感之詞  
元叔散憤蘭惠指斥囊錢苦言切句良亦勤矣  
斯人也而有斯困悲夫

晉司隸傅玄詩

晉太僕傅咸詩

長虞父子繁富可嘉

晉征南將軍杜預詩

詩闕

宋嘉以來清虛在俗爰泊江表玄風尚備

宋尚書令傅亮詩

季友文余常忽而不察今沈特進撰詩載其數  
首亦復平矣



漢魏晉詩

漢魏詩氣象混沌難以句摘晉以還方有佳句

唐太宗皇帝詩

龍鳳之姿天文秀發延攬英賢首倡斯道

唐縣令楊炯詩

永徽以還四傑並秀雖未遏新體亦稍變流靡

唐許公蘇頲詩

春遊詩明皇嘉賞親以御花插其中上時榮之

唐翰林李白詩

太白詩如黃帝張樂洞庭之野無首無尾不生

故常非墨工槩人所可擬議如無法度乃從

容於法度之中蓋聖於詩者太白多天仙之

詞自風雅之後馳騁屈宋鞭撻楊馬千載獨步

一人而已驅駕氣勢殆與南山秋色爭高

唐工部杜甫詩

少陵詩憲章漢魏而取材於六朝至自得之妙

則前輩所謂集大成者也

子美蓋所謂上薄風雅下該沈宋言奪蘇李氣

吞曹劉掩顏謝之孤高雜徐庾之流麗盡得古

人之體勢而兼昔人之所獨專矣



子美之悲歡窮泰發歛抑揚疾徐縱橫無施不可故其所作平淡簡易綺麗精確而嚴重威武若三軍之帥奮迅馳驟若泛駕之馬澹泊閑靜若山谷隱士風流醞藉若貴介公子蓋其緒密深觀者苟不能臻其間奧未易識其妙處夫豈淺近者所能窺哉此子美所以光掩前人也

工部律法變化尤高難以句摘

唐右丞王維詩

維詩詞秀調雅意新理愜在泉爲珠著壁成繪一句一字皆出常境右丞蘇州皆學陶王得其

自在

沉鬱頓挫抑揚悲壯法度森嚴神情俱

詣一味妙悟而佳句輒來遂出常情之外與高

岑崔李同稱王常澄澹精緻格在其中

唐左相李適之詩

唐刺史裴迪詩

唐平章王縉詩

皆盛唐作者聲律神秀近體詞簡而意味尤長

絕句於翰林右丞實相羽翼

唐刺史韋應物詩

蘇州詩如深山采藥飲泉坐石日晏忘歸潤者如石淡而緩靜而深高於王孟者以



其無聲色臭味也 發纖稠於簡古寄至味於  
澹泊非餘子所及 詩律深妙流出肺腑盖非  
學力 馳驟建安以還各得風韻

唐拾遺竇叔向詩

五子聯珠奎壁爭輝

唐尚書李益詩

每篇成樂工爭取取之而被聲歌供奉天子

以受降城詩爲聲樂度曲以征人歌早行詩爲  
圖畫 故大曆間稱才子

唐中丞竇參詩

唐文公權德輿詩

天寶後若竇時中權載之相與接跡興起翹翹  
大曆貞元之間其篇什不減開元盛時 載之  
四歲知變四聲弱冠稱諸儒間其詩有絕似盛  
唐者又有似韋蘇州劉長卿處

唐協律李賀詩

長吉詩天縱奇才驚邁時輩所得離絕凡近遠  
去筆墨畦徑使假之以年少加於理雖奴僕命  
騷可也 長吉鬼仙之辭

長吉之瑰詭天地間自欠此體不得

唐僕射白居易詩



元和後元白相尚其辭欲贍欲達去離務近明  
露肝膽而道情叙事悲歡窮泰如寫出人胸臆  
中語亦古歌謠之遺意然近理

唐中書杜牧詩 唐校書韋莊詩

牧之詩張爲每取爲主客圖 情致豪邁人稱  
爲小杜 李義山擬之梁江撝 牧之端已雖  
興象不同而聲律亦未遠尚有盛時餘韻絕句  
唐詩

唐以詩取士故多專門然當以盛唐爲法

元川胡被攷

雍音目錄卷之一



逸詩

天水胡續宗編次

泰伯 一首

文王 二首

武王 五首

周公 一首

成王 一首

宣王 十首

內編

古體四言


班固 三首

樂府

梁鴻 一首

馬援 一首







虛明見纖毫羽蟲亦飛揚物情無巨細自適固其常  
念彼荷戈士窮年中邊疆何由一洗濯執熱互相望  
竟夕擊斗斗喧聲連萬方青紫雖被體不如早還鄉  
北城悲笳發鸛鶴鳴且翔况復煩促倦激烈思時康

遣興

朔風飄胡鴈慘澹帶砂礫長林何蕭蕭秋草淒更碧  
北里富薰天高樓夜吹笛馬知南隣客九猶絺綌

長陵銳頭兒出獵待明發驛弓金瓜鎬白馬蹴微雪

未知所馳逐但見暮光滅歸來懸兩狼門戶有旌節

秦將白起長陵人頭小而銳



班婕妤 一首

京兆民 一首

傅玄 四首

陰鑿 一首

章懷太子 一首

常元甫 二首  
李白 十四首

王維 七首

杜甫 十九首

韋應物 一首

李益 二首

權德輿 一首

吳筠 三首

李賀 四首

白居易 三首

古體五言

李陵 三首

蘇武 四首

楊惲 一首

傅玄 一首



興我之業望來兮

武王

尅商操

謝希逸琴集曰武王伐紂武王自作也

上告皇天兮可以行乎

古今樂錄曰武王伐紂而作此歌

辟離辭

舟張辟離鷁鷁相從八風回回鳳皇喈喈

有昭辟離有賢泮宮田里周行濟濟鏘鏘相從執質

有族以文

敕爾瞽率爾衆工奏爾悲誦肅離離無怠無凶

飫歌國語武王克殷作此詩以為飫歌名之曰



支禮之立成者為飲  
蓋飲時所歌也

天之所支不可壞也其所壞也亦不可支也

周公爻辭見易

越裳操琴操曰越裳操  
周公所作也

古今樂錄曰越裳獻白雉周  
公作歌遂傳之為越裳操

於戲嗟嗟非旦之力乃文王之德

成王

神鳳操一曰鳳皇來儀  
謝希逸琴集曰鳳  
皇來儀成王所作

古今樂錄曰周成王時  
鳳皇翔舞成王作此歌

鳳皇翔兮於紫庭予何德兮以感靈賴先人兮恩澤

臻于胥樂兮民以寧

宣王

古體

石鼓文

甲鼓文六十六重文十共七十六字一十九句

避本音吾讀  
作我下同車既工讀作攻古文  
省進擊也避馬既同避車既

致古文避  
好字馬既駐音阜與驛  
同馬肥兒君子鼎鼎讀作爰於也  
古字通用下

同邈邈讀作  
獵鼎同上旂當作塵廉速速君子之求絳當作

肉音  
系兮音  
系茲以寺當作時亦  
古文省許當作  
驅其時古文  
時字

其來趨趨讀作  
小兒見趨趨變變  
大來切今作  
即許御良



釋讀

—

文六十一重文七共六十八字一十七句

賣作

言作  
有下

甘肅

又鯨

漢漢

同佳

1

文六十九重文五共七十四字一十八句

古文既

隋于闐

又作時

我  
越  
越

子又  
遊  
執

同音

文六十九重文三共七十二字一十八句

孔碩

卷之四



四馬其寫六轡沃若徒

古文車𨋖音載字  
宣字十

遼瀋同陰陽趨趨六馬射音石之矧讀作台藥

如虎獸震如冢台言作性

六重文三共六十九字一十六句

奔林逆勇益益品品菜息  
古文  
列切

馬慄開毆泊淒永士駕言囟

舟自廩徒馭駢連連佳舟以行道

或深以戶出于水一方永徒徨止

阻亦其直乃更却事

二重文三共五十五字十二句

亦古  
同  
遼乍周道追  
即遼  
字省  
我詞  
即辭

莽白音莽或作為世里希徵音

昨音域音其音援音櫟音宗音格音庸

其琴音華可音何為所旂憂音憂水

九重文三共六十二字一十五句

然填而依真然會司又如釋

矢孔也甚衆滔滔是即熾射夫

五、青胃冲空



寫矢具集即奪并舊音肇讀若刺其徒荀即肝來或

羣或爻悉率左右燕樂洛音天子來嗣王始振振音復

古我來攸所止

辛鼓文二十三重文四共二十七字一不成句

爰走驕驕未詳馬麋標音哲哲音華雉毘丑界立舊音

多庶微我師氏憲憲文武可如其一之

壬鼓文七十四重文七共八十一字二十句

避水既靜與避道道字既平避行既止嘉樹刪古文

則里天子求寔古文寧日佳惟丙申旭旭杲杲逝其

旁古旁導叶上乘馬既迎音殺夏康康駕及四

黃左驂駮駮音教駮右驂駮駮音速亦械音名兵戟

以奕女讀作不執惠德旂音翰靈音黎靈音黎熒讀作熒

其旂也旂音宜旂音宜公謂大來余及如茲邑周即

字讀作曷何也不余及

癸鼓文七十二重文一共七十三字一十句

吳人恣古恣偃與朝夕憇儆惕飢載函古文餽北

勿奄勿伐若而出奇俗作進獻即獻用特遘與格

也輶同祖告于大祝禘嘗受古文稟古致其方輶

與藝同音寓逢音園古文孔庶鹿鹿逢溼既坦

疆理音大田不授當君子可何求又謀

音作亦



又始周爰止于是

今文

我車既攻我馬既同我車既好我馬既驕君子爰獵  
爰獵爰遊鹿鹿速速君子之求麋麋肉弓弓茲以時  
我驅其時其來趨趨趨哀哀即御即時鹿鹿趨趨  
其來大塗我驅其僕其來趨趨射其豚屬

右一

汧絜泛泛丞彼潮淵鯉鯉處之君子漁之漫漫有鯈  
其游趨趨白魚鱗鱗其道底鮮黃白其鰈有鮒有白  
其胡孔庶鱗之魚鳧洋洋趨趨其魚惟何惟鯉惟鯉

何以橐惟楊及柳

右二

甲車孔安鑿勒驛驛六師既簡左騶翻翻右騶驍驍  
我以隋于原我戎止陸宮車其寫秀弓時射麋豕孔  
庶鹿鹿雉兔其原有迪其戎奔奔大車出洛亞獸白  
澤我執而勿射多庶趨趨君子乃樂

右三

帥彼鑾車忽速填如秀弓孔碩彤矢矣矢四馬其寫  
六轡沃若徒駢孔庶鄼騎宣博酋車載道如徒如童  
原隰陽陰趨趨六馬射之簇簇有貆如虎獸鹿如兕



列前  
卷一  
怡爾多賢迪禽奉雉我免允異

右四

我來自東靈雨奔流逆湧盈盈湛隱君子既涉我馬  
流汧汧繫泊淒丞士駕言西歸舫舟自廓徒駢連連  
惟舟以道或陰或陽極深以戶出于水一方丞徒徨  
止其奔我以阻其乃事

右五

宣猷作原作周導邁我辭攸除帥彼阪田莽為世里  
希微猷盛乃罟漆栗柞械其技搬榕庸庸鳴條亞箬  
其華何為所旂駸駸水墊導首樹幽晤

右六

徒我嘽嘽然而師旅填然會同又繹以左戎墮弓矢  
孔庶滔滔是熾射夫寫矢具奪舉擘其徒肝來或羣  
或友悉率左右燕樂天子來嗣王始振振復古我來  
攸止

右七

彼走驕驕馬鹿暫暫華華雉位多庶微我師氏憲  
憲文武可其一之

右八

我水既淨我道既平我行既止嘉樹則里天子求寧



日惟丙申旭旭杲杲我其旁道乘馬既連敎夏康康  
駕彼四黃左驂駮駮右驂駮駮戟戟以奕汝不執德  
旛翰黎黎旂旂施施公謂大來余及如茲邑曷不余  
及

右九

吳人憐亟朝夕倣惕載西載北勿奄勿伐若而出奇  
進獻用特歸格藝祖告于大祝禘嘗受享致其方藝  
寓逢中囿孔庾麇鹿原隰旣坦疆理蕃蕃大田不蒐  
君子何求有謀有始周爰止于是

右十

按常應物諸家詩周衰四海鼎  
堂受諸侯朝賀苞於岐山刻石

續述開明

內編

古體四言

班固

孟堅安陵人司空掾虎  
之子自蘭臺令遷爲郎

東都詩

孟堅旣賦兩都復系五詩於東  
都之後以頌美光武之盛德

明堂

於昭明堂明堂孔陽聖皇宗祀穆穆煌煌上帝宴饗  
五位時序誰其配之世祖光武普天率土各以其職  
猗歟緝熙允懷多福



辟雍

乃流辟雍辟雍湯湯聖皇莅止造舟為梁幡幡國老  
乃父乃兄抑抑威儀孝友光明於赫太上示我漢行  
洪化惟神永觀厥成

靈臺

乃經靈臺靈臺既崇帝勤時登爰考休徵三光宣精  
五行布序習習祥風祁祁甘雨百穀蕃蕤庶草蕃廡  
屢惟豐年於皇樂胥

樂府

梁鴻

伯鸞平陵人  
隱居不仕

五噫歌

鴻東出關過京師作五噫之  
歌肅宗聞而非之求鴻不得  
陟彼北邙方噫顧瞻帝京兮意宮闕崔嵬兮噫民之  
勛勞兮噫遼遼未央兮噫

馬援

文淵茂陵人伏  
波將軍新息侯

武溪深行

武陵五溪蠻反援為伏波將軍自請擊之援  
門生爰寄生善吹笛援作歌令寄生吹笛以  
和之名曰武溪深武溪  
自武陵一曰武陵深行

滔滔武溪一何深鳥飛不度獸不敢臨嗟哉武溪多

毒淫



班婕妤左曹婕妤投杼況女而處之姑也

怨歌行

此和歌詞之楚調曲也

新裂

一作齊紈素鮮

一作皎如霜雪裁為合歡扇

團圓一作似明月出入君懷袖動搖微風發常恐秋節

至涼飈奪炎熱葉指篴箏中恩情中道絕

京兆民成帝時

黃雀

桂赤色漢家象華不實無繼嗣也王莽自謂黃象黃爵集其類也

郭徑收良田讒口亂善人桂樹華不實黃爵巢其頂

故為人所羨今為人所憐

傳亥司隸校尉

玄雲

漢古辭亡晉依舊名言聖皇用人各盡其材也

玄雲起丘山祥氣萬里會龍飛何蜿蜒鳳翔何颼颼

昔在唐虞朝時見青雲際今親遊萬國流光溢天外

鶴鳴在後園清音隨風邁成湯隆顯命伊摯來如飛

周文獵渭濱遂載呂望歸符合如影響先天天弗違

輟耕綜時綱解褐衿天維元功配二王芬馨世所稀

我皇叙群才洪烈何巍巍桓桓征四表濟濟理萬機

卷一 青



神化感無方髦才盈帝畿丕顯惟昧旦日新孔所咨  
茂哉聖明德日月同光輝

金靈運

金靈運天符發聖徵見參日月惟我皇體神聖受魏  
禪應天命皇之興靈有徵登大麓御萬衆皇之輔若  
闕虎爪牙奮莫之禦皇之佐讚清化百事理萬邦賀  
神祇應嘉瑞童蒙享禮蒙先皇樂時奏聲管鐃鼓淵  
淵鐘噲噲實樽俎實王觴神歆饗咸悅康宴孫子祐  
無疆太孝烝烝德教被萬方

景龍飛

景龍飛御天威聰聖察動與神明勦機從之者顯  
逆之者滅夷文教敷武功魏晉被四海萬邦望風莫  
不來綏聖德潛斷先天弗遠弗遠祥享世永長猛以  
致寬道化光亦明明祚隆無疆帝績惟期有命旣集  
崇此洪基

吳楚歌一作燕美人歌

燕美人兮趙女佳其室則邇兮限曾崖雲爲車兮風  
爲馬玉在山兮蘭在野雲無期兮風有止思心多端  
誰能理

陰鏗

子堅姑臧人員外散騎常侍



班婕妤

柏梁新寵盛長信管恩傾誰謂詩書巧當為歌舞輕  
花月分窻進苔草共階生接淚衫前滿單眠夢裏驚  
可惜逢秋扇何用合歡名

童懷太子名賢高宗子

黃臺底辭

種底黃臺下底熟子離離一摘使底好再摘令底稀  
三摘尚云可四摘抱夢歸

帝元甫萬年人河

木蘭歌

理雲鬟挂鏡貼花黃出門看火伴火伴始驚惶同行  
十二年不知木蘭是女郎雄兔脚撲朔雌兔眼迷離  
一作兔傍地走安能辨我是雄雌

又歌

木蘭抱杼嗟借問復為誰欲問所憾憾感激疆其顏  
老父隸兵籍氣力日衰耗豈足萬里行有子復尚少  
胡沙沒馬足朔風裂人膚老父舊羸病何以疆自扶  
木蘭代父去秣馬備戎行易却紉綺裳洗却鉛粉妝  
馳馬赴軍幕慷慨携干將朝屯雪山下暮宿青海傍  
夜襲燕支虜更携干闥走將軍得勝歸士卒還故鄉



父母見木蘭喜極成悲傷木蘭能承父母顏却御巾  
韞理絲簧昔為烈士雄今復嬌子容親戚持酒賀父  
母始知生女與男同門前舊軍都十年共崎嶇本結  
兄弟交死戰誓不渝今也見木蘭言聲雖是顏貌殊  
驚愕不敢前歎重徒嘻吁世有臣子心能如木蘭郎  
忠孝兩不渝千古之名焉可滅

李白

大白成紀人其宅與井存父客謫徙河西避  
也應漢乃生白章明有疑白生之蜀不當為  
之秦者考之史鑑李陽米云漢前將軍廣十八  
世孫范傳正云京武昭王昆九世孫白不系之  
臨廣成不起之龍邪  
父客何寓之蜀邪

沐浴子

馬天山雪中草萬里長征戰三軍盡衰老匈奴以殺  
戮為耕作古來唯見白骨黃沙田秦家築城何胡處  
漢家還有烽火發烽火然不息征戰一作長征無已時野  
戰格鬪死敗馬號鳴向天悲烏鴛啄人腸銜飛上挂  
枯樹枝一作上枯枝士卒塗草莽將軍空爾為乃知兵者  
是凶器聖人不得已而用之

鳥栖曲

賀知章云此詩可以泣鬼神矣  
蕭士斌云深得國風刺詩之體

姑蘇臺上鳥栖時吳王宮裏醉西施吳歌楚舞歡未  
畢青山欲啣半邊月銀箭金壺漏水多起看秋月墜  
江波東方漸高柰樂何



鳥夜啼

范德機云此篇與鳥栖曲可爲精金粹玉矣

黃雲城邊鳥欲栖歸飛啞枝上啼機中織錦秦川  
女碧紗如烟隔窓語停梭悵然憶遠人獨宿孤房淚  
如雨

蜀道難

噫吁戲危乎高哉蜀道之難難於上青天蚕叢及魚  
鳧開國何茫然爾來四萬八千歲不與秦塞通人烟  
西當太白有鳥道可以橫絕峨眉巔地崩山摧壯士  
死然後天梯石棧相鈎連上有六龍回日之高標下  
有衝波逆折之迴川黃鶴之飛尚不得過猿猱欲度

秋攀援青泥何盤盤百步九折縈巖巒扞參歷井仰  
脅息以手撫膺坐長嘆問君西遊何特還畏途巉岩  
不可攀但見悲鳥號古木雄飛呼雌繞林間又聞子  
規啼夜月秋空山蜀道之難難於上青天使人聽此  
凋朱顏連峰去天不盈尺枯松倒挂倚絕壁飛湍瀑  
流爭喧豗冰崖轉石萬壑雷其險也如此嗟爾遠道  
之人胡爲乎來哉劍閣崢嶸而崔嵬一夫當關萬夫  
莫開所守或匪親化爲狼與豺朝避猛虎夕避長蛇  
磨牙吮血殺人如麻錦城雖云樂不如早還家蜀道  
之難難於上青天側身西望長咨嗟



遠別離

此太白詩傷時君子失位小人用事以致亂身在江湖之上欲往而不可哀

遠別離古有皇英之二女乃在洞庭之南蕭湘之浦

海水直下萬里深誰人不言此離苦日慘慘兮雲冥

冥猩猩啼烟鬼嘯雨我縱言之將何補皇穹竊恐不

照余之忠誠雲憑憑兮欲吼怒堯舜當之亦禪禹君

失臣兮龍為魚權歸臣兮鼠變虎或言堯幽囚舜野

死九疑聯綿皆相似重瞳孤墳竟何是帝子泣兮綠

雲間隨風波兮去無還慟哭兮遠望見蒼梧之深山

蒼梧山崩湘水絕竹上之淚乃可滅楚人風所貴乎

楚言者斷如後亂而詞意反覆折其間者實朱常斷而亂也使人一唱三嘆而有遺音至於收淚謳吟又足以興乎三統五典之重者豈虛也哉茲太白所以為不可及也

行路難

金樽清酒斗十千玉盤珍羞直萬錢停杯投筋不能

食拔劍四顧心茫然欲渡黃河水塞川將登太行雪

暗天間來垂釣坐溪上忽復乘舟夢白邊行路難行

路難多岐路今安在長風破浪會有時直挂雲帆濟

滄海

將進酒

君不見黃河之水天上來奔流到海不復回君不見



高堂明鏡悲白髮朝如青絲暮成雪人生得意須盡  
歡莫使金樽空對月天生我材必有用千金散盡還  
復來烹羊宰牛且為樂會須一飲三百杯岑夫子丹  
丘生將進酒杯莫停一作莫停君與君歌一曲請君為我  
傾耳聽鐘鼓饌玉不足貴但願長醉不復醒古來賢  
達皆寂寞唯有飲者留其名陳王昔時宴平樂斗酒  
十千恣歡譁主人何為言少錢徑須沽酒對君酌五  
花馬千金裘呼兒將出換美酒與爾同銷萬古愁

白鳩辭

鏗鳴鐘考朗鼓歌曰鳩引拂舞白鳩之白誰與一作誰與

衣雪襟誠可珍含哺七子能平均食不咽性安馴首  
農政鳴陽春天子刻玉杖鏤形賜耆人白鷺一作白鷺亦  
白非純真外潔其色心匪仁闕五德無司晨胡為啄  
我葭下之紫鱗鴈鷗鷗貪而好殺鳳皇雖大聖不  
願以為臣

公無渡河

黃河西來決崑崙咆乳萬里觸龍門波滔天堯咨嗟  
大禹理百川兒啼不窺家殺湍烟洪水九州始桑麻  
其害乃去茫然風沙被髮之叟狂而癡清晨徑欲  
奚為旁人惜妻止之公無渡河苦渡之虎可搏河



難憑公果弱死流海湄有長鯨白齒若雪山公平公  
乎挂目於其間篋篋所悲竟不還

王維

摩詰太原人寓居  
藍田尚書右丞

迎神曲

坎坎擊鼓魚山之下吹洞簫望極浦女巫進紛屢舞  
陳瑤席湛清醑風淒淒兮夜雨神之來兮不來使我  
心兮苦復苦

送神曲

紛進拜兮堂前目眷眷兮瓊筵來去語兮意不傳作  
暮雨兮愁空山悲急管思作繁絲絃靈之駕兮儼欲旋

修雲收兮雨歇山青青兮水潺潺

老将行

少年十五二十時步行奪取胡馬騎射殺陰山一作山中

白額虎肯數鄴下黃鬚兒一身轉戰三千里一劍曾

當百萬師漢兵奮迅如霹靂虜騎崩騰畏疾勦衛青

不敗由天幸李廣無功緣數奇自從棄置便衰朽世

事蹉跎成白首昔時飛箭無全目今日垂楊生左肘

路傍時賣故侯瓜門前學種先生柳茫茫一作蒼茫古木

連窮巷遼落寒山對虛牖誓令疏勒出飛泉不似潁

川空使酒賀蘭山下陣如雲羽檄交馳日夕聞節使



三河募年少詔書五道出將軍試拂鐵衣如雪色聊  
持寶劍動星文願得燕弓射天將耻令一作敢越甲鳴  
吳軍莫嫌舊日雲中守猶堪一戰樹一作立功勲

隴頭吟

長安少年遊俠客夜上戍樓看太白隴頭明月迥一作  
尚臨關隴上行人夜吹笛關西老将不勝愁駐馬聽  
之雙滄流身經大小百餘戰麾下偏裨萬戶侯蘇武  
纔爲典屬國節旄空盡一作落海西頭

送友人歸山歌

山寂寂兮無人又蒼蒼兮多木群龍兮滿朝君何爲

兮空谷文憲和兮思深一作遠道難知兮行獨悅石上  
兮流泉與松間兮草屋入雲中兮養雞上山頭兮抱  
犢神與棗兮如瓜虎賣杏兮收穀愧不才兮妨賢嫌  
既老兮貪祿擔解印兮相從何詹君兮可卜

山中人兮欲歸雲冥冥兮雨霏霏水驚波兮翠管靡  
白鷺忽兮翻翻飛君不可兮褰衣山萬重兮一雲混  
天地兮不分樹陰暖兮氛氲猿不見兮空聞忽山西  
兮夕陽見東臯兮遠村平蕪綠兮千里眇惆悵兮思  
君

燕支行



漢家天將才且雄來時謁帝明光宮萬乘親推雙闕  
下千官出餞五陵東誓辭甲第金門裏身作長城玉  
塞中衛霍才堪一騎將朝廷不數貳師功趙魏燕韓  
多勁卒關西俠小何咆哮報讎只是聞嘗膽飲酒不  
曾妨刮骨盡戟雕戈白日寒連旗大旆黃塵沒疊鼓  
遙翻瀚海波鳴笳亂動天山月麒麟錦帶佩吳鉤颯  
踏青驪躍紫騮拔劍已斲天驕臂歸鞍共飲月支頭  
漢兵大呼一當百虜騎相看哭且愁教戰雖令赴湯  
火終知上將先伐謀

夷門歌

七雄一作七國雄雌猶未分攻城殺將何紛紛秦兵益圍  
邯鄲急魏王不救平原君公子爲嬴停駟馬執轡逾  
恭意逾下亥爲屠肆鼓刀人嬴乃夷門抱關者非但  
慷慨獻良謀意氣兼將身命酬向風勿頭送公子七  
十老翁何所求

杜甫

子美杜陵人檢校  
尚書工部員外郎

前出塞

戚戚去故里悠悠赴交河公家有程期亡命嬰禍羅  
君已富土境開邊一何多棄絕父母恩吞聲行負戈



出門日已遠不受徒旅期骨肉恩豈斷男兒死無時  
走馬脫轡頭手中挑青絲捷下萬仞岡俯身試舉旗

劉云如親歷甘苦極征行之意人所不能  
自道詩必如此有精閑勞之際其廢幾手

磨刀鳴咽水水赤刀傷手欲輕腸斷聲心緒亂已久

繼云怨丈夫擅許國憤惋復何有功名圖麒麟戰骨

當速朽

送徒既有長遠戍亦有身生死向前去不勞吏怒嗔

路逢相識人附書與六親哀哉兩決絕不復同苦辛

五

迢迢萬餘里領我赴三軍軍中異苦樂上將寧盡聞

劉云眼前語意中事通透自隔河見胡騎倏忽數百  
別亦極哀怨之體所以何傳

群我如為奴僕幾時樹功勲

挽弓當挽強用箭當用長射人先射馬擒賊先擒王

殺人亦有限列國自有疆苟能制侵陵豈在多殺傷

劉云此其自負經濟  
者軍中常有此人

驅馬天雨雪軍行入高山徑危抱寒石指落曾米間

已去漢月遠何時築城還浮雲莫南征可望不可攀

劉云作者  
緩急自合

單于寇我壘百里風塵昏雄劍四五動彼軍為我奔

虜其名王歸繫頸授轅門潛身備行列一勝何足論



劉云千載不死墜淚未乾

從軍十年餘能無分寸功衆人貴荷得欲語羞雷同

劉云乃併與軍中婦思之意得之必不可少者中原有鬪爭况在狄與戎丈

夫四方志安可辭固窮

### 後出塞

男兒生世間及壯當封侯戰伐有功業焉能守舊丘  
召募赴薊門軍動不可留千金買馬鞍百金粧刀頭  
閭里送我行親戚擁道周班白居易上列酒酣進度羞  
少年別有贈含笑看吳鉤

朝進東門營暮上河陽橋落日照大旗馬鳴風蕭蕭

夜久語聲絕如聞泣幽咽天明登前途獨與老翁別

### 潼關吏

士卒何草草築城潼關道天城鐵不如小城萬丈餘  
借問潼關吏脩關還備胡要我下馬行爲我指山隅  
連雲列戰格飛鳥不能踰胡來但自守豈復憂西都  
丈人視要處窄狹容單車艱難奮長戟千古用一夫  
哀哉桃林戰百萬化爲魚請囑防關將慎勿學哥舒

### 新婚別

兔絲附蓬麻引蔓故不長嫁女與征夫不如棄路傍  
結髮爲妻子席不暖君牀暮婚晨告別無乃太匆忙



君行雖不遠守邊赴河陽妾身未分明何以拜姑嫜  
父母養我時日夜令我藏生女有所歸雞狗亦得將  
君今死生地沉痛迫中腸誓欲隨君往形勢反蒼黃  
勿爲新婚念努力事戎行婦人在軍中兵氣恐不揚  
自嗟貧家女久致羅襦裳羅襦不復施對君洗紅粧  
仰視百鳥飛大小必雙翔人事多錯迕與君求相望

垂老別

四郊未寧靜垂老不得安子孫陣亡盡焉用身獨完  
教兒出門去同行爲辛酸幸有牙齒存所悲骨髓乾  
老兒今宵長揖別上官老妻卧路旁歲暮衣裳單

孰知是死別且復傷其寒此去必不歸還聞勸加餐  
土門壁甚堅杏園度亦難勢異鄴城下縱死時猶寬  
人生有離合豈擇衰盛端憶昔少壯日遲迴竟長歎  
萬國盡征戍烽火被岡巒積屍草木腥流血川原丹  
何鄉爲樂土安敢尚盤桓棄絕蓬室居塌然摧肺肝

無家別

寂寞天寶後園廬但高藜我里百餘家世亂各東西  
存者無消息死者爲塵泥賤子因陣敗歸來尋舊蹊  
久行見空巷日瘦氣慘悽但對狐與狸豎毛怒我啼  
四鄰何所有一二老寡妻宿鳥戀本枝安辭且窮棲



方春獨荷鋤日暮還灌畦縣吏知我至召令習鼓鞀  
雖從本州役內顧無所攜近行止一身遠去終轉迷  
家鄉既盡遠近理亦齊永痛長病母五年委溝谿  
生我不得力終身兩酸嘶人生無家別何以爲蒸黎

### 新安吏

客行新安道喧呼聞點兵借問新安吏縣小更無丁  
府帖昨夜下次選中男行中男絕短小何以守王城  
肥男有母送瘦男獨伶俜白水暮東流青山猶哭聲  
莫自使眼枯收汝淚縱橫眼枯却見骨天地終無情  
我軍取相州日夕望其平意賊難料歸軍星散營

就糧近故壘練卒依舊京掘壕不到水牧馬役亦輕  
況乃王師順撫養甚分明送行勿泣血僕射如父兄

### 麗人行

三月三日天氣新長安水邊多麗人態濃意遠淑且  
真肌理細膩骨肉勻繡羅衣裳照暮春蹙金孔雀銀  
麒麟頭上何所有翠微盃菜垂鬢脣身後何所見珠  
壓腰袂穩稱身就中雲幕椒房親賜名大國號與秦  
紫駝之峯出翠釜水精之盤行素鱗犀筋厭飫久未  
下鑾刀縷切空紛綸黃門飛鞚不動塵御厨絲絡送  
八珍簫鼓哀吟感鬼神賓從雜遝實要津後來鞍馬



何逡巡當軒下馬入錦茵楊花雪落覆白蘋青鳥飛  
去銜紅巾炙手可熱勢絕倫慎莫近前丞相嗔

韋應物

左司郎中

相逢行

二十登漢朝英聲邁今古適從東方來又欲謁明主  
猶酣新豐酒尚帶灞陵雨邂逅兩相逢別來問寒暑  
寧知白日晚輾向花間語忽聞長樂鐘走馬東西去

李益

君虞隴西人寓姑臧禮部尚書

野田行

日沒出古城野田何茫茫寒狐嘯青塚鬼火燒白楊

瓊臺疑爲伋孤映太羅表常有三素雲凝光自飛繞  
羽童泛明霞升降何縹緲鸞鳳嘯雅音栖翔絳林標  
至虛無晝夜靈景何皎皎一覩太上京方知衆天小

其三

二氣播萬有化機無停輪而我操其端乃能出陶鈞  
寥廓大漠上所遇皆清真澄瑩含元和氣同自相親  
絳樹結丹實紫霞流碧津以茲保童嬰永用超形神

李賀

長吉鄭王之後協律郎

隴西人

李馬空侯引

吳絲蜀桐張高秋空山凝雲頽不流江娥啼竹素女



愁李憑中國彈箏篋崑山玉碎鳳凰叫芙蓉泣露香  
蘭笑十二門前融冷光二十三絲動紫皇女媧鍊石  
補天處石破天驚逗秋雨夢入神山教神嫗老龍跳  
波瘦蛟舞吳質不眠倚桂樹露脚斜飛濕寒兔

鴈門太守行

黑雲壓城城欲摧甲光向月金鱗開角聲滿天秋色  
裏塞土臘脂凝夜紫半卷紅旗臨易水霜重鼓聲寒  
不起報君黃金臺上意提携玉龍爲君死

江南弄

江中綠霧起涼波天上疊嶂紅嵯峨水風浦雲生老

竹渚暝蒲帆如一幅鱸魚千頭酒百斛酒中倒卧南  
山綠吳歛越吟未終曲江上團團帖寒玉

少年樂

芳草落花如錦地二十長遊醉鄉裏紅纓不重白馬  
驕垂柳金絲香拂水吳娥未笑花不開綠鬢從隨蘭  
雲起陸郎倚醉牽羅袂棄得寶釵金翡翠

白居易

樂天下却人刑  
部尚書謚曰文

采蓮曲

菱葉繁波荷颭風荷花深處小船通逢郎欲語低頭  
笑碧玉搔頭落水中



竹枝詞

瞿塘峽口冷烟低白帝城頭月向西唱到竹枝聲咽  
處寒猿啼鳥一時啼

巴東船舫上巴西波面風生兩脚齊水蓼冷花紅簇  
簇江籬濕葉碧萋萋

古體 五言

李陵

少卿成紀人前將軍廣之孫時都尉

蘇武

少卿既失身匈奴思欲復還漢庭不可得矣及蘇武歸因作詩為贈

良時不再至離別在須臾屏營衢路側執手野踟躕

仰視浮雲馳奄忽互相踰風波一失所各在天一隅

長當從此別且復立斯須欲因晨風發送子以賤軀

屏營惶恐不安貌

攜手上河梁遊子暮何之徘徊蹊路側恨恨不能作

得辭行人難久留各言長相思安知非日月弦望自

有時努力崇明德皓首以為期

嘉會難再遇三載為千秋臨河濯長纓念子悵悠悠

遠望悲風至對酒不能酬行人懷徃路何以慰我愁

獨有盈觴酒與子結綢繆

蘇武

子卿杜陵人典屬國圖像麒麟閣



詩四首

骨肉緣枝葉結交亦相因四海皆兄弟誰爲行路人  
况我連枝樹與子同一身昔爲鴛鴦今爲參與辰  
昔者常相近去聲貌若胡與秦惟念當離別思情日以  
新鹿鳴思野草可以喻嘉賓我有一尊酒欲以贈遠  
人願子留斟酌叙此平生親

結髮爲夫妻恩愛兩不疑歡娛在今夕燕婉及良時  
征夫懷往路起視夜何其音基參辰皆已沒去去從此  
辭行役在戰場相見未有期握手一長歎淚爲去聲生  
別滋努力愛春華如字莫忘歡樂時韻生當復來歸死

當長相思

黃鵠一遠別千里顧徘徊叶胡威反胡馬失其群思心常  
依依何况雙飛龍羽翼臨當乖叶公威反幸有絃歌曲可  
以喻中懷叶胡威反請爲遊子吟冷冷一何悲絲竹厲清  
聲慷慨有餘哀叶於希反長歌正激烈中心愴以摧叶但爲反  
欲展清商曲念子不得一作能歸俛仰內傷心淚下去聲  
不可揮願爲雙黃鵠送子俱遠飛

燭燭晨明月馥馥秋舊作我字誤蘭芳芬馨長一作良夜

發隨風聞去聲我堂征夫懷遠路遊子戀故鄉寒冬十

二月晨起踐嚴霜俯觀江漢流仰視浮雲翔良友遠



別離各在天一方山海隔中州相去悠且長嘉會難  
再一作遇歡樂殊未央願言一作崇令德隨時愛景  
光

楊惲

子幼華陰人丞相  
敞之子光祿勳

拊缶歌

惲答孫會宗書云田家作苦歲時伏臘烹羊  
魚羔斗酒自勞家本秦也能為秦聲婦趙女  
也雅善鼓瑟如卿歌者數人酒後  
耳熱仰天拊缶而呼鳥鳥其詩曰

田音彼南山蕪穢不治種一頃豆落而為箕人生行

樂耳湏富貴何特

傅玄

雜詩

志士惜日短愁人知夜長攝衣步前庭仰觀南鴈羽  
玄景隨形運流響歸空房清風何飄颻微月出西方  
繁星依五臣作衣音去聲青天列宿息反自成行蟬鳴高樹  
間野鳥號東廂纖雲時鬢髮溼露露我裳良時無停  
景北斗忽低昂常恐寒節至疑氣結為霜落葉隨風  
摧一絕如流光

傅咸

長虞玄之子  
司隸校尉

贈何劭王濟

侍中何敬祖國子祭酒王武子一賢相得甚  
歡咸亦慶之然自恨閭劣雖願其繼繼而從



之末由歷試無效且有家艱心  
有目替賦詩申懷以貽之云爾

日月光太清列宿曜紫微赫赫大晉朝  
明月關皇闈  
吾兄既鳳翔王子亦龍飛雙鸞遊蘭渚  
二離揚清暉  
攜手升玉階并坐侍丹帷金璫綴惠文  
煌煌發令姿  
斯榮非攸庶縉綬情所希豈不企高蹤  
麟趾貌難追  
臨川靡芳餌何爲空守坻槁葉待風飄  
逝將與君違  
遠君能無戀尸素當言歸歸身逢革  
廬樂道以忘飢  
進則無云補退則恤其私但願隆弘美  
玉度日清夷

楊炯

華陰人  
盈川  
李後直習藝館

### 從軍行

烽火照西京心中自不平牙璋辭鳳闕鐵騎繞龍城  
雪暗凋旗畫風多雜鼓聲寧爲百夫長勝作一書生

劉生

卿家本六郡年長入三秦白壁酬知己黃金謝主人  
劍鋒生赤電馬足起紅塵日莫歌鐘發喧喧動四隣

紫驄馬

俠客重周游金鞭控紫驄蛇弓白羽箭鸛纒赤茸鞦  
發跡來南海長鳴向北州匈奴今未滅畫地取封侯

駘馬

駘馬鐵連錢長安俠少年帝畿平若水官路直如弦



夜玉粧車軸秋金鑄馬鞭風霜但自保窮達任皇天  
和劉侍郎入隆唐觀

福地陰陽合仙都日月開山川凌四嶮城樹隱三臺  
伏檻排雲出飛軒繞澗迴參差陵倒景蕭灑軼浮埃  
百果珠爲實羣峰錦作苔縣蘿暗疑霧瀑布響成雷  
方士燒丹液真人泛玉杯還如問桃水更似得蓬萊  
漢帝求仙日相如作賦才自然金石奏何必上天台  
送劉校書從軍

天將下三官星門召五戎生謀資廟畧飛檄佇文雄  
赤土流星劍烏號明月弓秋陰生蜀道殺氣繞湟中

風雨何年別琴尊北日同離亭不可望溝水自西東

送臨津房少府

岐路三秋別江津萬里長烟霞駢征蓋絃管促飛觴  
階樹含斜日池風泛早涼贈言未終竟流涕忽霑裳

送豐城王少府

愁結亂如麻長天照落霞離亭隱喬樹溝水浸平沙  
左尉才何屈東關望漸賒行看轉牛斗持此報張華

送鄭州周司功

漢國臨清渭京城枕蜀河居人下珠淚寶御促驪歌  
望極關山遠秋深烟霧多唯餘三五夕明月暫經過



李曰

李陽水云太白多天何之詞凡言多賦興自後馳騁為宋鞭撻揚馬千載獨步惟公一人而已

古風

朱子曰李白詩不事足豪放如大雅久不作多少和緩

大雅久不作吾衰竟誰陳王風委蔓草戰國多荆榛  
龍虎相啖食兵戈逮狂秦正聲何微茫哀怨起騷人  
揚馬激頽波開流蕩無垠廢興雖萬變憲章亦已淪  
自從建安來綺麗不足珍聖代復元古垂衣貴清真  
羣才屬休明棄運共躋鱗文質相炳煥衆星羅秋旻  
我志在匪述垂輝快千春希聖如有立絕筆於獲麟

其二

蟾蜍薄暈太清蝕此瑤臺月圓光虧中天金魄遂淪  
沒蟬蜋入紫微大明夷朝暉浮雲隔兩曜萬象昏陰  
霏蕭蕭長門宮昔是今已非挂露花不實天霜下去聲  
嚴威沉歎終求夕感我涕霑衣

代馬不思越越禽不戀燕情性有所習風土固其然  
昔別鴈門關今戍龍庭前驚沙亂海日飛雪迷胡天  
蟣蟲生虎鵠心魂逐旌旃苦戰功不賞忠誠難可宣  
誰憐李飛將白首沒三邊

羽檄如流星虎符合專城喧呼救邊急群鳥皆夜鳴  
白日曜紫微三公運權衡天地皆得一澹然四海清



借問此何爲，蒼言楚徵兵。渡瀘及五月，將赴雲南征。  
怯卒非戰士，炎方難遠行。長號別嚴親，日月慘光明。  
泣盡繼以血，心摧兩無聲。困獸當猛虎，窮魚餌奔鯨。  
千去不一回，投軀豈全生。如何舞干戚，一使有苗平。

其五

秦皇按寶劍，赫怒震威神。逐日巡海右，驅石架一作

駕

滄津。徵卒空九寓，作橋傷萬人。但求蓬島藥，豈思農  
扈春力盡，功不贍千載，爲悲辛。

歿后亂天紀，楚懷亦已昏。夷羊滿中野，菰施盈高門。  
比干諫而死，屈力勿反平竄湘源。虎口何婉孌，女嬃空

嬋媛。彭咸久淪沒，此意與誰論。

咸陽二三月，宮柳黃金枝。綠幘誰家子，賣珠輕薄兒。  
日暮醉酒歸，白馬驕且馳。意氣人所仰，冶遊方及時。  
子雲不曉事，晚獻長楊辭。賦達身已老，草去鬢若絲。  
拔閣良可歎，但爲此輩嗤。

燕昭延郭隗，遂築黃金臺。劇辛方趙至，鄒衍復齊來。  
柰何青雲士，棄我如塵埃。珠玉買歌笑，糟糠養賢才。

方知黃鶴一作鶴

鳴

舉千里獨徘徊。

郢客吟白雪，遺響飛青天。徒勞歌此曲，舉世誰爲去聲

傳。試爲巴人唱，和者乃數千。吞聲何足道，音歎息空



凄然

越客採明珠提携出南隅清輝照海月美價傾皇都  
獻君君按劔懷寶空長吁魚目復相哂寸心增煩紆

其十一

綠羅紛歲蕤繚繞松柏枝草木有所託歲寒尚不移  
柰何天桃色坐嘆葑菲詩玉顏艷紅彩雲髮非素絲  
君子恩已畢賤妾將何爲

世道日交喪澆風散淳源不采芳桂枝反棲惡木根  
所以桃李樹吐花竟不言大運有興沒群動多飛奔  
歸來廣成子去入無窮門

鳳飢不啄粟所食唯琅玕焉能與群雞刺蹙爭一粲  
朝鳴崑丘樹夕飲砥柱湍歸飛海路遠獨宿天霜寒  
幸遇王子晉結交青雲端懷恩未得報感別空長歎

其十四

燕臣昔慟哭五月飛秋霜庶女號蒼天震風擊齊堂  
精誠有所感造化爲去聲悲傷而我竟何辜遠去聲身金  
殿傍浮雲蔽紫闥白日難回光群沙穢明珠衆草凌  
孤芳古來共嘆息流淚空霑裳

青春流驚湍朱明驟回薄不忍看秋蓬飄揚竟何託  
光風滅蘭蕙白露洒葵藿美人不我期草木日零落



羽族稟萬化小大各有依周周亦何辜六翮掩不揮  
願銜衆禽翼一向黃河飛飛者莫我願嘆息將安歸

其十六

莊周夢胡蝶胡蝶爲莊周一體更變化萬事良悠悠  
乃知蓬萊水復作清淺流青門種瓜人舊日東陵侯  
富貴固如此營營何所求

君平旣棄世世亦棄君平觀變窮太易探元化群生  
寂寞綴道綸空簾閉幽情騶虞不虛來鸞鶴有時鳴  
安知天漢上白日懸高名海客去已久誰能測冥沉

其十八

太白何蒼蒼星辰上森列去天三百里邈爾與世絕  
中有綠髮翁披雲卧松雪不笑亦不語冥棲在巖穴  
我來逢真人長跪問寶訣粲然啓王齒授以鍊藥說  
銘骨傳其語竦身已電滅仰望不可及蒼然五情熱  
吾將營丹砂永與世人別

齊有個儻生魯連特高妙明月出海底一朝開光曜  
却秦振英聲後世仰末照意輕千金贈顧向平原笑  
吾亦滄蕩人拂衣可同調

松栢本孤直難爲桃李顏昭昭嚴子陵垂釣滄波間  
身將客星隱心與浮雲閒長揖萬乘君還歸富春山



清風灑六合邈然不可攀使我長嘆息宜棲巖石間

其二十一

我行巫山渚尋古登陽臺天空綵雲滅地遠清風來  
神女去已久襄王安在哉荒淫竟淪沒撫牧徒悲哀

其二十二

天津三月時千門桃與李朝爲斷腸花暮逐東流水  
前水復後水古今相續流新人非舊人年年橋上遊  
雞鳴海色動謁帝羅公侯月落西上陽餘輝半城樓  
衣冠照雲日朝下散皇州鞍馬如飛龍黃金絡馬頭  
行人皆辟易志氣橫滿丘入門上高堂列鼎錯珍羞

香風引趙舞清管隨齊謳七十紫鴛鴦雙雙戲庭幽  
行樂爭晝夜自言度千秋功成身不退自古多愆尤  
黃犬空嘆息綠珠成纍籬何如鴟夷子散髮浮扁舟

蘇武

蘇武在匈奴十年持漢節白鴈上林飛空傳一書札  
牧羊邊地苦落日歸心絕渴飲月窟水飢餐天上雪  
東還沙塞遠北愴河梁別泣把李陵衣相看淚成血

擬古

此篇喻賢者慕君纔得位而害之者已至欲有所獻而爲讒所間也

涉江弄秋水愛此荷花鮮攀荷弄其珠蕩漾不成圓  
佳期綵雲重欲贈隔遠大相思無由見悵望涼風前



贈盧司戶

秋色無遠近出門盡寒山白雲遙相識待我蒼梧間  
借問盧耽鶴西飛幾歲還

贈秋浦柳少府

秋浦舊蕭索公庭人吏稀因君樹桃李此地忽芳菲  
搖筆望白雲開簾當翠微時來引山月縱酒酣清輝  
而我愛夫子淹留未忍歸

贈何七判官昌浩

有時忽惆悵匡坐至夜分平明空嘯咤思欲解世紛  
心隨長風去吹散萬里雲羞作齊甯生九十誦古文

不然拂劍起沙漠收奇勳老死阡陌間何因揚清芬  
夫子今管樂英才冠三軍終與同出處豈將沮溺群  
以詩代書答元丹丘

青鳥海上來今朝發何處口御雲錦字與我忽飛去  
鳥去凌紫烟書留綺窓前開緘方一笑乃是故人傳  
故人深相勗憶我勞心曲離君在咸陽三見秦草綠  
置書雙袂間引領不暫閒長望杳難見浮雲橫遠山

讀諸葛武侯傳懷贈長安崔少府叔封昆季

漢道昔云季群雄方戰爭霸圖各未立割據資豪英  
赤伏起頽運臥龍得孔明當其南陽時隴畝躬自耕



魚水三顧合風雲四海生武侯立岷蜀壯志吞咸京  
何人先見許但見崔州平余亦草間人頗懷拯物情  
晚途值子玉華髮同衰榮託意在經濟結交為弟兄  
毋令管鮑鮑千載獨知名

贈崔司戶文昆季

雙珠出海底俱是連城珍明月兩特達餘輝仿照人  
英聲振名都高價動殊隣豈伊箕山故特以夙期親  
唯昔不自媒蟾蜍登西入秦攀龍九天上忝列歲星臣  
布衣侍丹墀密勿草絲綸才微惠渥重讒巧生緇磷  
一去已十年今來復盈前清霜入曉鬢白露生衣巾

側見綠水亭開門列華茵千金散義士四坐無凡賓  
欲拆月中桂特爲寒者薪路傍已竊笑天路將何因  
垂恩倘丘山報德有微身

酬崔五郎中

朔雲橫高天萬里起秋色壯志心飛揚落日空嘆息  
長嘯出原野凜然寒風生幸遭聖明時功業猶未成  
奈何懷良圖鬱悒獨愁坐杖策尋英豪立談乃知我  
崔公生民秀緬邈青雲姿制作參造化託諷含神祇  
海嶽尚可傾吐諾終不移是時霜飈寒逸興臨華池  
起舞拂長劒四座皆揚眉因得窮懽情贈我以新詩



又結汗漫期九垓遠相待舉身憇蓬壺濯足弄滄海  
從此凌倒景一去無時還朝遊明光宮暮入閭闔關  
但得長把袂何必嵩丘山

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯  
中原走豺虎烈火焚宗廟太白晝經天頽陽掩餘照  
王城皆蕩覆世路成奔峭四海望長安頰眉寡西笑  
蒼生疑落葉白骨空相弔連兵似雪山破敵誰能料  
我垂北溟翼且學南山豹崔子賢主人歡娛每相召  
胡床紫玉笛却坐青雲斗楊花蒲州城置酒同臨眺

忽思剡溪去水石遠清妙雪盡天地明風開湖山貌  
悶爲洛生諫醉發吳越調赤霞動金光日足森海嶠  
獨散萬古意閒垂一溪釣猿近天上啼人移月邊棹  
無以墨綬苦來求丹砂要華髮長折腰將貽陶公誚  
望終南山寄紫閣隱者

出門見南山引領意無限秀色難爲名蒼翠白在眼  
有時白雲起天際自舒卷心中與之然託興每不淺  
何當造幽人滅跡棲絕巘

寄東魯二稚子

吳地桑葉綠吳蠶已三眠我家寄東魯誰種龜陰田



春事已不及江行復茫然南風吹歸心飛墮酒樓前  
樓東一株桃枝葉拂青煙此樹我所種別來向三年  
桃今與樓齊我行尚未旋嬌女字平陽折花倚桃邊  
折花不見我淚下如流泉小兒名伯禽與姊亦齊眉  
雙行桃樹下撫背復誰憐念此失次第肝腸日憂煎  
裂素寫遠意因之汶陽川

送張舍人之江東

張翰江東去正值秋風時天晴一鴈遠海闊孤帆遲  
白口行欲暮滄波杳難期吳洲如見月千里幸相思  
同王昌齡送族弟襄歸桂陽

西登香爐峰南見瀑布水挂流三百丈噴壑數十里  
歛如飛電來隱若白虹起初驚河漢落半洒雲天裏  
仰觀勢轉雄壯哉造化功海風吹不斷江月照還空  
空中亂潑射左右洗青壁飛珠散輕霞流沫拂穹石  
而我樂名山對之心益閒無論漱瓊液且得洗塵顏  
且諧宿所好永願辭人間

遊泰山

四月上泰山石屏御道開六龍過萬壑澗谷隨縈迴  
馬跡遶碧峯手今滿青苔飛流洒絕巘水急松聲哀  
北眺崑崙嶂奇傾崖向東摧洞門閉石扇地低與雲霽



登高望遠瀛想像金銀臺天門一長嘯萬里清風來  
玉女四五人飄飄下九垓含笑引素手遺我流霞杯  
稽首再拜之自愧非仙才曠然小宇宙棄世何悠哉

經下邳圯橋懷張子房

子房未虎嘯破產不爲家滄海得壯士椎秦博浪沙  
報韓雖不成天地皆振動潛匿遊下邳豈曰非智勇  
我來圯橋上懷古欽英風唯見碧流水曾無黃石公  
嘆息此人去蕭條徐泗空

望月有懷

清泉映疎松不知幾千古寒月搖清波流光入窻

對此空長吟思君意何深無因見安道興盡愁人心

春日醉起言志

處世若大夢胡爲勞其生所以終日醉頽然卧前楹  
覺來聆庭前一鳥花間鳴借問此何時春風語流鶯  
感之欲嘆息對酒還自傾浩歌待明月曲盡已忘情

江行寄崔員外

飄飄江風起蕭颯海樹秋登臚羨清夜挂席移輕舟  
月隨碧山轉水合青天流香如星河上但覺雲林幽  
歸路方浩浩徂川去悠悠徒悲董章歎復聽菱歌愁  
岸曲迷後浦沙明瞰前洲懷君未可見望遠增離憂



日夕山中忽然有懷

久卧名山雲遂爲名山客山深雲更好賞弄終日夕  
月銜樓間峯泉漱階下石素心自此得真趣非外借  
麗帝桂方秋風滅籟歸寂緬思洪崖術欲往滄海一作  
島隔雲重來何遲撫几空歎息

秋登巴陵望洞庭

清晨登巴陵周覽無不極明湖映天光徹底見秋色  
秋色何蒼然際海俱澄鮮山青滅遠樹水綠無寒煙  
來帆出江中去鳥向日邊風清長沙浦霜空雲夢田  
瞻光惜頽髮閱水悲徂年北渚旣蕩漾東流日滯滯

郢人唱白雪越女歌採蓮聽此更腸斷憑崖淚如泉

金鄉送常八之西京

客自長安來還歸長安去狂風吹我心西挂咸陽樹  
此情不可道此別何時遇望望不見君連山起烟霧

王維

渭川田家

斜光照墟落窮巷牛羊歸野老念僮僕一作牧童倚杖候

荆扉雉雉麥苗秀蠶眠桑葉稀田夫荷鋤至一作立相

見語依依即此羨閒逸悵然歌式微

藍田山石門精舍



落日山水好，漾舟信歸風。玩奇不覺遠，因以緣源窮。  
遙愛雲木秀，初疑路不同。安知清流轉，偶與前山通。  
捨舟理輕策，果然愜所適。老僧四五人，逍遙蔭松柏。  
朝梵林未曙，夜禪山更寂。道心及牧童，世事問樵客。  
暝宿長林下，焚香卧瑤席。澗芳襲人衣，山月映石壁。  
再尋畏迷誤，明發更登歷。笑謝桃源人，花紅復來覲。

贈祖三詠

蠨蛸挂虛牖，蟋蟀鳴前除。歲晏涼風至，君子復何如。  
高館閒無人，離居不可道。開門寂已閉，落日照秋草。  
雖有近音信，千里阻河關。中復客汝潁，去年歸舊山。

結交二十載，不得一日展。貧病子旣深，契濶余不淺。  
仲秋雖未歸，莫秋以爲期。良會詎幾日，中自長相思。

宿鄭州

朝與周人辭，莫投鄭人宿。他鄉絕傳侶，孤客親僮僕。  
宛洛望不見，秋霖晦平陸。田父草際歸，村童雨中牧。  
主人東牟上，時稼繞茅屋。蟲思機杼鳴，雀喧禾黍熟。  
明當渡京水，昨晚猶金谷。此去欲何言，窮邊徇微禄。

冬日遊覽

步出城東門，試騁千里目。青山橫蒼林，赤日團平陸。  
渭北走邯鄲，關東出函谷。秦地萬方會，來朝九州牧。



雞鳴咸陽市冠蓋相追逐丞相過列侯羣公錢光祿  
相如方老病獨歸茂陵宿

崔僕陽兄季重前山興

秋色有佳興况君池上閒悠悠西林下自識門前山  
千里橫黛色數峯出雲間嵯峨對秦國合沓蔽荆關  
殘雨斜日照夕嵐飛鳥還故人今尚爾歎息此顏顏

過李楫宅

閑門秋草色終日無車馬客來深巷中大吠寒籬下  
散髮時未簪道書行尚把與我同心人樂道安貧者  
一罷宜城酌還歸洛陽社



青青楊柳陌陌上別離人  
愛子游燕趙高堂有老親  
不行無可養行去百憂新  
切切委兄弟依依向四隣  
都門悵飲畢從此謝賓親  
揮淚逐行侶含悽動征輪  
車從望不見時時起行塵  
余亦辭家者看之淚滿巾

歎白髮

我年亦何長鬢髮已白  
俛仰天地間能爲幾時客  
惆悵故山雲徘徊空日夕  
何事與時人東城復南陌

李陵詠

漢家李將軍三代將門子  
結髮有奇策少年成壯士  
長驅塞門兒深入單于壘  
旌旗列相向簫鼓悲何已



日暮沙漠陲戰聲烟塵裏將令驕虜滅豈獨名王侍  
旣失大軍援遂嬰旁廬耻小小蒙漢恩何堪坐思此  
深衷欲有報投軀未能死引領望子卿非君誰相理

贈劉藍田

籬中大迎吠出屋候柴扉歲晏輪井稅山村人夜歸  
晚田始家食餘布成我衣詎肯無公事煩君問是非  
休暇還舊業便使

謝病始告歸依依入桑梓家人皆佇立相候柴門裏  
時輩皆長年成人舊童子上堂家慶畢願與姻親齒  
論舊忽餘悲目存且相喜田園轉蕪沒但有寒泉火



漆以用而割骨以明自煎蘭摧白露下桂折秋風前  
府中羅舊尹沙道尚依然赫赫蕭京兆今爲時所憐

故事凡拜相府縣載沙堤路自宮城至其第名沙堤

朝逢富家葬前後皆輝光共指親戚大總麻百夫行

戶郎反送者各有死不須羨其強君看束縛去亦得歸

山岡

遂生非無根漂蕩隨高風天寒落萬里不復歸本叢  
客子念故宅三年門巷空悵望但烽火戎車滿關東  
生涯能幾何常在羅罽中

我今日夜憂諸弟冬異方不知死與生何況道路長

避寇一分散飢寒求相望豈無柴門歸欲出畏虎狼  
仰視雲中鴈禽鳥亦有行

昔在洛陽時親友相追攀送客東郊道遨遊宿南山  
煙塵阻長河樹羽成臯間回首載酒地豈無一日還  
丈夫貴壯健慘戚非朱顏

下馬古戰場四顧但茫然風悲浮雲去黃葉墜我前  
朽骨穴螻蟻又爲蔓草纏故老行歎息今人尚開邊

漢虜互勝負封疆不常全安得廉頗將三軍同晏眠  
廉頗趙之良將

高秋登寒山南望馬邑州降虜東擊胡壯健盡不留

572920  
m. 9, 1939



穹廬蒼宇落上有行雲愁老弱哭道路願聞甲兵休  
鄴中事反覆死人積如丘諸將已茅土載驅誰爲謀

述古

赤驥頽長纓非無萬里姿悲鳴淚至地爲問馭者誰  
鳳凰從天來何意復高飛竹花不結實念子忍朝飢  
古來君臣合可以物理推賢人識定分進退固其宜

其二

市人日中集於利競錐刀置膏烈火上哀哀自煎熬  
農人望歲稔相率除蓬蒿所務穀爲本邪贏無乃勞  
舜舉十六相身尊道何高秦時任商鞅法令如牛毛

廉賈獲  
利邪贏

漢光得天下祚求固有開豈惟高祖聖功自蕭曹來  
經綸中興業何代無長材吾慕寇鄧勳濟時信良哉  
耿賈亦宗臣羽翼共徘徊休運終四百圖畫在雲臺

赤谷

天寒霜雪繁遊子有所之豈但歲月暮重來未有期  
晨發赤谷亭險難方自茲亂石無改轍我車已載脂  
山深苦多風落日童稚飢悄然村墟迴煙火無由追  
貧病轉零落故鄉不可思常恐死道路未爲高人嗤

寒硤



行邁日悄悄山谷勢多端雲門轉絕岸積阻霾天寒  
寒硤不可度我實衣裳單况當仲冬交汧浚增波瀾  
野人尋烟語行子傍水飡此生免荷殳未敢辭路難

石龕

熊羆咆我東虎豹號我西我後鬼長嘯我前狻又啼  
天寒昏無日山遠道路迷驅車石龕下仲冬見虹霓  
伐竹者誰子悲歌上雲梯爲官採美箭五歲供梁齊  
苦云直幹盡無以充提携奈何漁陽騎颯颯驚紫黎

成都府

翳翳桑榆日照我征衣裳我行山川異忽在天一方

但逢新人民未卜見故鄉大江東流去荇子去日長  
曾城填華屋季冬樹木蒼喧然名都會吹簫聞笙簧  
信美無與適側身望川梁鳥雀夜各歸中原杳茫茫  
初月出不高衆星尚爭光自古有羈旅我何苦悲傷

鳳凰臺

成州東南十二里有鳳凰山  
即秦并王簫史吹簫之地

亭亭鳳凰臺北對西康州西伯今寂寞鳳聲亦悠悠  
山峻路絕蹤石林氣高浮安得萬丈梯爲君上上頭  
恐有無母雛飢寒日啾啾我能剖心血飲啄慰孤愁  
心以當竹實烟然忘外求血以當醴泉豈徒比清流  
所重王者瑞敢辭微命休坐看采羽長舉意八極周



自天銜瑞圖飛下十二樓圖以奉至尊鳳以垂鴻猷  
再光中興業一洗蒼生憂深衷正爲此羣盜何淹留

白沙渡

畏途隨長江渡口下絕岸差池上舟揖杳窅入雲漢  
天寒荒野外日暮中流半我馬向北嘶山猿飲相喚  
水清石礚礚沙白灘漫漫迥然洗愁辛多病一踈散  
高壁抵嶽岑洪濤越凌亂臨風獨回首覽纓復三嘆

水會渡

山行有常程中夜尚未安微月沒已久崖傾路何難  
大江動我前洶若溟渤寬篙師暗理楫歌笑輕波濺

霜濃水石滑風急手足寒入舟已千憂陟嶽仍萬盤  
回眺積水外始知衆星乾遠游令人瘦衰疾慙加殫

五盤

謂棧道盤屈有五重

五盤雖云險山色佳有餘仰凌棧道細俯映江水踈  
地僻無網罟水清反多魚好鳥不妄飛野人半巢窟  
喜見淳樸俗坦然心神舒東郊尚格鬪巨猾何特除  
故鄉有弟妹流落隨丘墟成都萬事好豈若歸吾廬

望嶽

岱宗天如何齊魯青未了造化鍾神秀陰陽割昏曉  
盪胸生層雲決眇入歸鳥會當凌絕頂一覽衆山小



遊龍門奉先寺

已從招提遊更宿招提境陰壑生靈籟月林散清影  
大闕象緯逼雲臥衣裳冷欲覺聞晨鐘令人發深省

白馬

白馬東北來空鞍覆貫箭可憐馬上郎意氣今誰見  
近時主將戮中夜商於戰喪亂死多門嗚呼淚如霰

羗村

崢嶸赤雲西日脚下平地柴門烏雀噪歸客千里至  
妻孥怪我在驚定還拭淚世亂遭飄蕩生還偶然遂  
隣人滿牆頭感嘆亦戲歛夜闌更秉燭相對如夢寐

云當時適然千載之淚常任人目詩三百篇不多見也

雨

峽雲行清曉烟霧相徘徊風吹蒼江樹雨灑石壁來  
淒淒生餘寒殷殷兼出雷白谷變氣候朱炎安在哉  
高鳥濕不下居人門未開楚宮久已滅幽佩爲誰哀  
侍臣書王夢賦有冠古才冥冥翠龍駕多自巫山臺

夢李白

白坐永王璘事當誅會赦還尋陽復坐事下獄

死別已吞聲生別常惻惻劉云使其死耶當不復哭矣乃使人不能忘者生別  
故江南瘴癘地逐客無消息故人入我夢明我長相  
憶恐非平生鬼路遠不可測魂來楓林青魂返關塞



黑君今在羅網何以有羽翼落月滿屋梁猶疑照顏

色詩話云白風神起水深波浪濤無使蛟龍得

王華宮按唐志在坊州宜君縣之鳳凰谷梅聖俞曰宮近晉符堅墓

溪迴松風長蒼鼠竄古瓦不知何王殿遺構絕壁下

劉云哀怨苦語轉換自傷陰房鬼火青壤道哀湍瀉萬有長篇餘韻未更自傷

簾直笙竿秋色正瀟灑美人爲黃土况乃粉黛假當

時侍金輿故物獨石馬憂來藉草坐浩歌淚盈把冉

冉征塗間誰是長年者劉云起結悽黯讀者殆難爲情

佳人

絕代有佳人幽居在空谷自云良家子零落依草木

關中昔喪亂兄弟遭殺戮官高何足論不得收骨肉

世情惡衰歇萬事隨轉燭夫婿輕薄兒新人美如玉

劉云閑言冷語無不可感也合婚尚知時鴛央不獨宿但見新人

笑那聞舊人哭在山泉水清出山泉水濁侍婢賣珠

迴牽蘿補茅屋劉云侶悲侶訴自言自誓矜持慷慨修絮端麗畫所不能如論所不能及

摘花不插髮采栢動盈掬天寒翠袖薄日莫倚脩竹

同諸公登慈恩寺塔

高標跨蒼穹烈風無時休自非曠士懷登茲翻百憂

方知象教力足以追冥搜仰穿龍蛇窟始出枝撐幽

七星在北戶河漢聲西流羲和鞭白日少昊行清秋



泰山忽破碎涇渭不可求俯視但一氣焉能辨皇州  
迴首叫虞舜蒼梧雲正愁惜哉瑤池飲日晏崑崙丘  
黃鵠去不息哀鳴何所投君看隨陽鴈各有稻粱謀

寫懷

勞生共乾坤何處異風俗冉冉自趨競行行見羈束  
無貴賤不悲無富貧亦足萬古一骸骨隣家虎歌哭  
鄙夫到巫峽三歲如轉燭全命甘留滯忘情任榮辱  
朝班及莫齒日給還脫粟編蓬石城東採藥山北谷  
用心霜雪間不必條蔓綠非關故安排曾是順幽獨  
達士如弦直小人似鈎曲曲直吾不知負暄候樵牧

其二

夜深坐南軒明月照我膝驚風翻河漢梁棟日已出  
羣生各一宿飛動自儔匹吾亦驅其兒營營爲私實  
天寒行旅稀歲暮日月疾榮名忽中人世亂如蟻虱  
古者三皇前滿腹志願畢胡爲有結繩陷此膠與漆  
禍首燧人氏厲階董狐筆君看燈燭張轉使飛蛾客  
放神八極外俛仰俱蕭瑟終契如往還得匪合仙術

自京赴奉先縣詠懷

杜陵有布衣老大意轉拙許身一何愚竊比稷與契  
居然成濩落白首甘契闊蓋棺事則已此志常覲豁



窮年憂黎元歎息腸內熱取笑同學翁浩歌彌激烈  
非無江海志蕭灑送日月生逢堯舜君不忍便永訣  
當今廊廟具構厦豈云缺葵藿傾太陽物性固莫奪  
顧惟螻蟻輩但自求其穴胡爲慕大鯨輒擬偃溟渤  
以茲悟生理獨耻事干謁兀兀遂至今忍爲塵埃沒  
終愧巢與由未能易其節沉飲聊自遣放譌頗愁絕  
歲暮百草零疾風高岡裂天衢陰崢嶸客子中夜發  
霜嚴衣帶斷指直不得結凌晨過驪山御榻在嵒岬  
蚩尤塞寒空蹴踏崖谷滑瑤池氣鬱律羽林相摩戛  
君臣留懽娛樂動殷轅囑賜浴皆長纓與宴非短褐

彤庭所分帛本自寒女出鞭撻其夫家聚歛貢城闕  
聖人筐籠恩實欲邦國活臣如忽至理君豈棄此物  
多士盈朝廷仁者宜戰慄况聞內金盤盡在衛霍室  
中堂有神仙煙霧蒙玉質煖客貂鼠裘悲管逐清瑟  
勸客駢蹄羹霜橙壓香橘朱門酒肉臭路有凍死骨  
榮枯咫尺異惆悵難再述北轅就涇渭官渡又改轍  
群水從西下極目高崕兀疑是崆峒來恐觸天柱折  
河梁幸未折枝撐聲窅窅行旅相攀援川廣不可越  
老妻既異縣十口隔風雪誰能久不顧庶往共飢渴  
入門聞號咷幼子飢已卒吾寧捨一哀里巷猶嗚咽



所愧爲人父無食致夭折豈知秋未登貧窶有倉卒  
生常免租稅名不隸征伐撫迹猶酸辛平人固騷屑  
默思失業途因念遠戍卒憂端齊終南頽洞不可撥

### 北征

皇帝二載秋閏八月初吉杜子將北征蒼茫問家室  
維時遭艱虞朝野少暇日顧慙恩私被詔許歸蓬華  
拜辭詣闕下林楊冬恭出雖乏諫諍姿忍君有遺失  
君誠中興主經緯固密勿東胡反恭已臣甫憤所切  
揮涕戀行在道途頓挫乾坤含瘡痍憂虞何時畢  
靡靡踰阡陌人煙眴蕭瑟所遇多被傷呻吟更流血

回首鳳翔縣旌旗晚明滅前登寒山重屢得飲馬窟  
郊入地底涇水中蕩潏猛虎立我前蒼崖吼特裂  
菊垂今秋花石戴古車轍青雲動高興幽事亦可悅  
山果多瑣細羅生雜橡栗或紅如丹砂或黑如黥漆  
雨露之所濡甘苦齊結實緬思桃源內益歎身世拙  
坡陀望鄜時谷巖互出沒我行已水濱我僕猶木末  
鳴鳥鳴黃桑野鼠拱亂穴夜深經戰場寒月照白骨  
潼關百萬師往者散何卒遂令半秦民殘害爲異物  
况我墮胡塵及歸盡華髮經年至茅屋妻子衣百結  
慟哭松聲迴悲泉共幽咽平生所矯兒顏色白勝雪



見爺背而啼垢膩脚不韞牀前兩小女補綻纔過膝  
海圖坼波濤舊繡移曲折天吳及紫鳳顛倒在短褐  
老天情懷惡嘔泄卧數日那無囊中帛救汝寒凜慄  
粉黛亦鮮苞衾稠稍羅列瘦妻面復光癡女頭自櫛  
學母無不爲曉粧隨手抹移時施朱鈿狼籍畫眉闌  
生還對童稚似欲忘飢渴問事競挽髻誰能即噴喝  
翻思在賊愁甘受雜亂聒新歸且慰意生理焉得說  
至尊尚蒙塵幾日休練卒仰看天色改旁覺妖氣豁  
陰風西北來慘澹隨回鶻其王願助順其俗喜馴突  
逐兵五千人驅馬一萬匹此輩少爲貴四方服勇決

所用皆鷹騰破敵過箭疾聖心頗虛佇時議氣欲奪  
伊洛指掌收西京不足拔官軍請深入蓄銳伺俱發  
此舉開青徐旋瞻略恒碣昊天積霜露正氣有肅殺  
禍轉亡胡歲勢成擒胡月胡命其能久皇綱未宜絕  
憶昨狼狽初事與古先別姦臣競殖醢同惡隨蕩析  
不聞憂殷衰中自誅褒姒周漢獲再興宣光果明哲  
桓桓陳將軍仗鉞奮忠烈微爾人盡非于今國猶活  
淒涼大同殿寂寞白獸闥都人望翠華佳氣向金闕  
園陵固有神掃洒數不缺煌煌太宗業樹立甚宏達

劍門



惟天有設險，劍閣天下壯。連山抱西南，石角皆北向。  
兩崖崇墉倚，刻畫城郭狀。一夫怒臨關，百萬未可傍。  
珠玉走中原，岷峨氣淒愴。三皇五帝前，雞犬莫相放。  
後王尚柔遠，職貢道已喪。至今英雄人，高視見霸王。  
并吞與割據，極力不相讓。吾將罪真宰，意欲鉅壘障。  
恐此復偶然，臨風默惆悵。

發秦州

當在前

我衰更嬾拙，生事不自謀。無食問樂士，無衣思南州。  
漢源十月交，天氣如涼秋。草木未黃落，況聞山水幽。  
栗亭名更嘉，下有良田疇。充腸多豐實，積崖密亦求。

密竹復冬筍，清池可方舟。雖傷旅寓遠，庶遂平生游。  
此邦俯要衝，實恐人事稠。應接非本性，登臨未銷憂。  
谿谷無異石，塞田始微收。豈復慰老夫，惘然難久留。  
日色隱孤戍，鳥啼滿城頭。中宵驅車去，飲馬寒塘流。  
磊落星月高，蒼茫雲霧浮。大哉乾坤內，吾道長悠悠。

牽牛織女

牽牛出河西，織女處其東。萬古永相望，七夕誰見同。  
神光意難候，此事終蒙籠。飄然精靈合，何必秋遂通。  
亭亭新粧立，龍駕具曾空。世人亦爲爾，祈請走兒童。  
稱家隨豐儉，白屋達公宮。膳夫翊堂殿，鳴玉棲房櫳。



曝衣遍天下曳月揚微風蛛絲小人態曲綴瓜果中  
初筵泥重露日出甘所終嗟汝未嫁女素心鬱忡忡  
防身動如律竭力機杼中雖無舅姑事敢昧織作功  
明明君臣契咫尺或未容義無棄禮法恩始夫婦恭  
小大有佳期戒之在至公方圓有齟齬丈夫多英雄

北風

北風破南極朱鳳日威垂洞庭秋欲雪鴻鴈將安歸  
十年殺氣盛六合人煙稀吾慕漢初老特清猶茹芝

九成宮

蒼山入百里崖斷如杵臼曾宮憑風迴峩業土囊口

立神扶棟樑鑿翠開戶牖其陽產靈芝其陰宿斗牛  
紛披長松倒揭礫怪石走哀猿啼一聲客淚迸林數  
荒哉隋家帝製此今頽朽向使國不亡焉爲巨唐有  
雖無新增脩尚置官居守巡非瑤水遠跡是雕牆後  
我來屬特危仰望嗟歎久天王守太白駐馬更搔首

喜晴

皇天久不雨旣雨晴且佳出郭眺四郊蕭蕭春增華  
青熒陵坡麥窮窈窕桃李花春夏各有實我飢豈無涯  
干戈雖橫放慘澹鬪龍蛇甘澤不猶愈且耕今未賒  
丈夫則帶甲婦女終在家力難及黍稷得種菜與麻



千載商山芝往者東門瓜其人骨已朽此道誰疵瑕  
英賢遇輶軻遠引蟠泥沙顧慙昧所適迴首白日斜  
漢陰有鹿門滄海有靈查焉能學衆口咄咄空咨嗟  
常應物

擬古

辭君遠行邁飲此長恨端已謂道里遠如何中險艱  
流水赴大壑孤雲還暮山無情尚有歸行子何獨難  
驅車背鄉國朔風捲行跡嚴冬霜斷肌日入不遑息  
憂懽客髮變寒暑人事易中心君詎知冰玉徒貞白

劉云古別離多矣此作更古者以其有  
清潔自然意如秋風曠野自難爲懷

酒星非所酌月挂不爲食虛薄空有名爲君長歎息  
蘭蕙雖可懷芳香與時息豈如凌霜葉歲暮靄顏色  
折柔將有贈延意千里客草木知賤微所貴寒易

春至林木變洞房夕含清單車誰能裁好鳥對我鳴  
良人久燕趙新愛移平生別時雙鴛綺留此千恨情  
碧草生舊跡綠琴歇芳聲思將魂夢懽反側寐不成  
擊衣迷所次起望空前庭孤影中自惻不知雙涕零

劉云單居誰能裁好鳥對我鳴流動自然後非  
苦吟所及未意取耿情性適然不假外物而見

有客天一方寄我孤桐琴迢迢萬里情託此傳幽音  
冰霜中自結龍鳳相與吟絃以明直道漆以固交深



此古詩缺二句然即止此意亦自足

白日淇上沒空閨生遠愁寸心不可限淇水長悠悠  
芳樹正研鬱春禽自相求徘徊東西廂孤妾誰與儔  
年華逐絲淚一落俱不收

黃鳥何關關幽闌亦靡靡此時深閨婦日照紗窗裏  
娟娟覆青蛾微微啓玉齒自惜桃李年誤身遊俠子  
無事久離別不知今生死劉云柔暢欲無而有不可紀之色深復深而語淺  
嘉樹藹初綠靡蕪吐幽芳君子不在賞寄之雲路長  
路長信難越惜此芳時歎孤鳥去不還緘情向天末

劉云常言常意枯淡欲無

綺樓何氛氲朝日正杲杲四壁含清風丹霞射其牖  
玉顏上哀轉絕耳非世有但感離恨情不知誰家婦  
孤雲忽無色邊馬爲迴首曲絕碧天高餘聲散秋草

徘徊帷中意獨夜不堪守思逐朔風翔一去千里道

劉云四壁含風丹霞射牖別是清麗起凡入聖可望而不可即末極尋常以古調勝淡而綺綺而不煩

月滿秋夜長驚鳥號北林天河橫未落斗柄當西南  
寒蛩悲洞房好鳥無遺音商飈一夕至獨宿懷重衾  
舊交日千里隔我浮與沉一作隔我如浮沉人生豈草木寒

暑移此心

高陵書情寄三原盧少府



直方難爲進守此微賤班開卷不及顧沉埋案牘間  
兵凶久相踐徃役豈得閒促戚下可哀寬政身致患  
音還日夕思自退出門望故山君心倘如此携手相與  
還

寄盧庾一作庚

悠悠遠離別分此歡會難如何兩相近反使心不  
安亂髮思一櫛垢衣思一浣音豈如望友生對酒  
起長歎時節異京洛孟冬天未寒廣陵多重馬日夕  
自遊盤獨我何耿耿非君誰爲音聲去聲

送李侍御益赴幽州幕

二十揮篇翰三十窮典墳音書五府至名爲四海聞  
始從車騎幕今赴嫖姚音聲去聲軍契闊晚相遇草檄遽  
離群悠悠行子遠耿耿川塗分登高望燕代日夕生  
憂雲司徒擁精甲誓將除國氛儒生幸持斧可以佐  
功勲無言羽書急坐關相思文

寄大梁諸友

分竹守南譙弭節過梁池雄都衆君子出餞擁河湄  
燕譙始云洽方舟已解維一爲風水便但見山川馳  
昨日次睢陽今夕宿符離雲樹愴重疊煙波渺一作念  
還期相敦在勤事海內方勞師



冬至夜寄京師諸弟兼懷崔水部

理郡無異政所憂在素食徒令去京國羈旅當歲寒  
子月生一氣陽景極南端已懷時節感更抱離別酸  
私宴席云罷還齊夜方闌家宇沉空幙孤燭照牀單  
應同茲夜念寧忘故歲懽川塗怳悠邈涕下一闌干

寄暢當

寇賊起東山英俊方未閑聞君新應募藉藉動京關  
出身文翰場高步不可攀青袍未及解白羽挿腰間  
昔爲瓊樹枝今有風霜顏秋郊細柳道走馬一日還  
丈夫當爲國破敵如摧山何必事州府坐使鬢毛斑

京師叛亂寄諸弟

弱冠遭世難二紀猶未平羈離守遠郡虎豹滿西京  
上懷大馬戀下有骨肉情歸去在何時流涕忽沾纓  
憂來上北樓左右但軍營函谷行人絕淮南春草生  
鳥鳴田野間思憶故園行何當四海晏甘與齊民耕

郡齋雨中與諸文士燕集

俯仰一聯正合題亦可謂樂而不淫者矣

兵衛森畫戟燕寢凝清香海上風雨至逍遙池閣涼  
煩疴近消散嘉賓復滿堂自慚居處崇未覩斯民康  
理會是非遣性達形跡忘鮮肥屬時禁蔬果幸見嘗  
俯飲一杯酒仰聆金玉章神懽體自輕意欲凌風翔



死音 卷一 吳中盛文史羣彥今汪洋方知大藩地豈曰財賦疆

軍中冬燕

滄海已云晏皇恩猶念勤式燕徧恒秩柔遠及斯人  
茲邦實大藩伐鼓軍樂陳是時冬服成戎士氣益振  
虎竹謬朝寄英賢降上賓徒罄周旋禮愧無海陸珍  
庭中九劔闌堂上歌吹新光景不知晚觥酌豈言頻  
單醪昔所感大醕況同欣願謂軍中士仰答何由申

雜詩

沉沉匣中鏡爲此塵垢蝕暉光何所如月在雲中黑  
五字近野南金旣雕錯鑿帶共輝錦空存鑒物名坐使妍

媼感美人竭肝膽思照冰玉色自非磨瑩工日日空  
歎息

同聲自相應體質不必齊誰知賈音人鐸能使大樂

諧叶弦鏗鏘發宮徵音和樂音變其哀叶於人神旣

昭享鳳鳥亦下音豈非至賤物一奏升天階

叶堅夷反物情苟有合莫問玉與泥

碌碌荆山璞卞和獻君門荆璞非有求和氏非有恩  
所獻知國寶至公不待言是非吾欲默此道今豈存

暮相思

朝出自不還暮歸花盡發豈無終日會惜此花間月



空館忽相思微鍾坐來歇劉云只結句神意悄然得於實境故題曰暮相思彼

效陶彭澤

霜露悴百草時菊獨妍華胡物情有如此寒暑其奈何掇英泛濁醪日入會田家何反盡醉茅簷下一生豈在多

初發揚子寄元大校書

悽悽去親愛泛泛入烟霧歸棹洛陽人殘鍾廣陵樹  
今朝此爲別何處還相遇世事波上舟汎泯安得住  
夕次野貽縣

落帆逗淮鎮停舫臨孤驛浩浩風起波冥冥日沉夕  
人歸山郭暗鴈下蘆洲白擲夜憶秦關聽鐘未眠客  
寄全椒山中道士

今朝郡齋冷忽念山中客澗底束荆薪歸來煮白石  
欲持一杯酒遠慰風雨夕落葉滿空山何處尋行跡

淮上即事寄廣陵親故

前舟已渺渺欲度誰相待秋山起莫鍾楚雨連滄海  
風波離思滿宿昔容髮改獨鳥下東南廣陵何處在

劉云足以極初別之懷獨鳥下東南偶然景偶然語亦不容再得



與友生野飲效陶體

擢酒花林下前有千載墳於時不共酌柰此泉下人  
始自玩芳物行當念徂春聊舒遠世蹤坐望還山雲  
且遂一歡笑焉知賤與貧

劉云全章體  
素默合自然

酬盧嵩秋夜見寄

喬木生夜涼月華滿前墀去君咫尺地勞君千里思  
素秉棲遁志况貽招隱詩坐見林木榮願赴滄洲期  
何能待歲晏携手當此時

幽居

貴賤雖異等出門皆有營獨無外物牽遂此幽居情

微雨夜來過不知春草生青山忽已曙烏雀繞舍鳴  
時與道人偶或隨樵者行自當安蹇劣誰謂薄世榮

同德寺雨後寄元侍御李博士

川上風雨來須臾滿城闕  
宮堦青蓮畧蕭條孤興發  
前山邊已淨陰靄夜來歇  
喬木生夏涼流雲吐華月  
巖城自有限一水非難越  
相望曙河遠高齋坐超忽  
夏夜憶盧嵩

靄靄高館暮開軒  
條煩襟不知湘雨來  
蕭洒在幽林  
炎月得涼夜芳樽誰共斟  
故人南北居累月間微音  
人生無閒日歡會當在今  
反側候天旦層城苦沉沉



藍嶺精舍

石壁精舍高排雲聊直上佳遊愜始願忘嶮得前賞  
崖傾景方晦谷轉川如掌綠林含蕭條飛閣起弘敞  
道人上方至夜深還獨往日落郡山陰天秋百泉響  
所差累已成安得長偃仰

留別洛京親友

握手出都門駕言適京師豈不懷舊慮惆悵與子辭  
麗日生高閣清觴宴華池昨遊倏已過後遇良未知  
念結路方永歲陰野無暉單車我堂前莫雪子獨歸  
臨流一相望零淚忽沾衣

送鄭長源

少年一相見飛轡河洛間歡遊不知罷中路忽言還  
泠泠鵾絃哀悄悄冬夜閑丈夫雖耿介遠別多苦顏  
君行拜高堂速駕難久攀鷄鳴儔侶發朔雪滿河關  
須臾在今夕罇酌且循環

送終

奄忽逾時節日月獲其良蕭蕭車馬悲祖載發中堂  
生平同此居一旦異存亡斯須亦何益終復委山岡  
行出國南門南望鬱蒼蒼日入乃云造慟哭宿風霜  
晨遷俯玄廬臨訣但遑遑方當未潛翳仰視白日光



俯仰遽終畢封樹已荒涼獨留不得還欲去結中腸  
童稚知所失啼號捉我裳即事猶倉卒歲月始難忘

宴別幼遐與君貺兄弟

乖闕意方弭安知忽來翔累日重懽宴一旦復離傷  
置酒慰茲夕秉燭坐華堂契闊未及展晨星出東方  
征人慘已辭車馬儼成裝我懷自無權原野滿春光  
群水含時澤野雉鳴朝陽平生有壯志不覺淚沾裳  
况自守空宇日夕但徬徨

西郊燕集

濟濟衆君子高燕及時光群山靄遐矚綠野布熙陽

列坐遵曲岸披襟龍蘭芳野庖薦嘉魚激澗泛羽觴  
衆鳥鳴茂林綠草延高岡盛時易徂謝浩思坐飄颺  
眷言同心友茲游安可忘

移疾會詩客元生與釋子法朗因貽諸曹

對此嘉樹林獨有戚戚顏抱瘵知曠職淹旬非樂閒  
釋子來問訊詩人亦扣關道同意輒遣客散疾徐還  
園徑自幽靜玄蟬噪其間高窓瞰遠郊暮色起秋山  
英曹幸休暇恨恨心所攀

龍門遊眺

鑿山道伊流中斷若天闢都門遙相望佳氣生朝夕



素懷出塵意適有攜手客精舍繞層阿千龕隣峭壁  
綠雲路猶緬憇澗鐘已寂花樹發烟華淙流散石脉  
長嘯招遠風臨潭漱金碧日落望都城人間何役役  
登西南岡卜居遇雨尋竹浪至澧壩縈帶數里  
清流茂樹雲物可賞  
登高創危構林表見川流微雨颯已至蕭條川氣秋  
下尋密竹盡忽曠沙際遊紆直水分野綿延稼盈疇  
寒花明廢墟樵牧笑榛丘雲水成陰澹竹樹更清幽  
適自戀佳賞復茲永日留

寄子西

雲澹水容夕雨微荷氣涼一寫情勤音寧用訴華顛

對芳樹

遙遙芳園樹列映清池曲對此傷人心還如故時綠  
風條灑餘靄露葉承新旭佳人不再攀下有往來屢

夏日

已謂心苦傷如何日方永無人不晝寢獨坐山  
悟澹將遣意學空庶遺境積俗易爲侵愁來復

閑齋對雨

幽獨自盈抱陰澹亦連朝空齋對高樹疎雨共蕭條  
巢燕翻泥濕蕙花依砌消端居念往事倏忽若驚鷗



春日郊居寄萬年吉少府中孚三原元少府  
夏侯校書審

谷鳥時一轉田園春雨餘光風動林早高窓照日初  
獨飲澗中水吟詠老氏書城闕應多事誰憶此閒居  
秋夜南宮寄禮上二弟及諸生

暝色起烟閣沉抱積離憂况茲風雨夜蕭條梧葉秋  
空宇感涼至顏顏驚歲周日夕遊闕下山水憶同遊  
夏景端居即事

北齋有涼氣嘉樹對層城重門永日掩清池夏雲生  
遇此庭訟簡始聞蟬初鳴逾懷故園愴默默以絃情

送李十四山東遊

聖朝有遺逸披膽謁至尊豈是賢榮寵誓將救元元  
權豪非所便書奏寢禁門高歌長安酒忠憤不可吞  
歛來客河洛日與靜者論濟世魏小事丹砂駐精魂  
東遊無復繫梁楚多大藩高論動侯伯踈懷脫塵喧  
送君都門野飲我林中樽立馬望東道白雲滿梁園  
踟躕欲何贈空是平生言

送李儋

別離何從生乃在親愛中反念行路子拂衣自西東  
日晏不留宴嚴車出崇墉行遊非所樂端憂道未通



春野百卉發清川思無窮芳特坐離散世事誰可同  
歸當掩重關默默想音容

李賀

感諷

合浦無明珠龍州無木奴足知造化力不給使君須  
越婦未織作吳蠶始蠕蠕縣官騎馬來獐色虬紫鬚  
懷中一方板板上數行書不因使君怒焉得詣爾廬  
越婦拜縣官桑牙今尚小會待春日晏絲車方擲掉  
越婦通言語小姑具黃梁縣官跣食去簿吏復登堂  
申胡子感栗歌

顏熱感君酒含露蘆中聲花娘綵綏安休睡芙蓉屏  
誰截太平管列點排空星直貫開花風天上驅雲行  
今夕歲華落令人惜平生心事如波濤中坐時時驚  
朔客騎白馬劒弢懸蘭纓俊健如生孫骨拾蓬中螢  
蜀國絃

楓香晚花靜錦水南山影驚石墜猿哀竹雲愁半嶺  
涼月生秋浦玉沙粼粼光誰家紅淚客不忍過瞿塘  
仙人

彈琴石壁上翻翻一仙人手持白鸞尾夜掃南山雲  
鹿飲寒澗下魚歸清海濱當時漢武帝書報桃春



雅音卷之一上

雅音卷之一下

古體 七言

班固

東都詩

寶鼎

天水胡纘宗編次

嶽脩貢兮川效珍吐金景兮歆浮雲寶鼎見兮色紛  
緼煥其炳兮披龍文登祖廟兮享聖神昭靈德兮彌  
意年

白雉

啓靈廟兮披瑞圖獲白雉兮效素鳥嘉祥阜兮集皇



都發皓羽兮奮翹英容絜朗兮於純精彰皇德兮侔  
周成永延長兮膺天慶

傳玄

兩儀

天時泰兮昭以陽清風起兮景雲翔仰觀兮辰象日  
月兮運周俯視兮河海百川兮東流

李白

長相思

長相思在長安絡繹秋啼金井闌微霜淒淒簷色寒  
孤燈不眠思絕卷惟望月空長嘆美人如花隔雲

端上有青冥之長天下有綠水之波瀾天長路遠魂  
飛苦夢魂不到關山難長相思摧心肝

北風行

燭龍栖寒門光耀猶旦開日月照之何不及此唯有  
北風怒號天上來燕山雪花大如席片片吹落軒轅  
臺幽州思婦十二月停歌罷笑雙蛾摧倚門望行人  
念君長城苦寒良可哀別時提劍救邊去遺此虎紋  
金鞞韞中有一雙白羽箭蜘蛛結網生壁埃箭空在  
人今戰死不復迴不忍見此物焚之已成灰黃河捧  
土尚可塞北風吹雪恨難裁



灞陵行送別

送別灞陵亭灞水流浩浩上有無花之古樹下有傷  
心之春草我向秦人問路岐云是王粲南登之古道  
古道連縣走西京紫闕落日浮雲生正當今夕陽斷  
處黃鸝愁絕不忍聽

侍從宜春苑奉詔賦龍池柳色初青聽新鶯百  
轉歌

東風已綠瀛州草紫殿紅樓覺春好池南柳色半青  
青縈烟裊娜拂綺城垂絲百尺挂雕楹上有好鳥相  
和鳴聞關早得春風情春風卷入碧雲去千門萬戶

皆春聲是時君王在鎬京五雲垂輝耀紫清仗出金  
宮隨日轉天回玉輦繞花行始向蓬萊看舞鶴還過  
藍石聽新鶯新鶯飛繞上林苑願入蕭韶雜鳳笙

此賦物詩格調既高法  
度又謹妙而易見者也

單父東樓秋夜送族弟沈之秦

爾從咸陽來問我何勞苦沐猴而冠不足言身騎土  
牛滯東魯沈弟欲行疑弟留孤飛一鴈秦雲秋坐來  
黃葉落四五北斗已挂西城樓絲桐感人絃欲絕滿  
堂送君皆惜別卷簾見月清興來疑是山陰夜中雪  
明日斗酒別惆悵清路塵遙望長安日不見長安人



長安宮闕九天上此地曾經為近臣一朝復一朝髮  
白心不改屈原憔悴滯江潭亭伯流離放遼海折翮  
翻飛隨轉蓬聞絃虛墜下霜空聖朝久棄青雲士他  
日誰憐張長公蕭士賦云此篇卷顧宗國之意深矣

扶風豪士歌

洛陽三月飛胡沙洛陽城中人怨嗟天津流水波赤  
血白骨相撐如亂麻我亦東奔向吳國浮雲四塞道  
路賒東方日出啼早鴉城門人開掃落花梧桐楊柳  
拂金井來醉扶風豪士家扶風豪士天下奇意氣相  
傾山可移作人不倚將軍勢飲酒豈顧尚書期雕盤

綺食會衆客吳歌趙舞香風吹原草春陵六國特開  
心寫意君所知堂上各有三千士明日報恩知是誰  
撫長劍一揚眉清水白石何離離脫吾帽向君笑飲  
君酒為君吟張良未逐赤松去橋邊黃石知我心

廬山謠寄盧侍御虛舟

我本楚狂人鳳歌笑孔丘手持綠玉杖朝別黃鶴樓  
五岳尋仙不辭遠一生好入名山遊廬山秀出南斗  
傍屏風九疊雲錦張影落明湖青黛光金闕前開二  
峰長銀河倒挂三石梁香爐瀑布遙相望迴崖沓嶂  
凌蒼蒼翠影紅霞映朝日鳥飛不到吳天長登高壯



觀天地間大江茫茫去不還黃雲萬里動風色白波  
九道流雪山好爲廬山謠興因廬山發閑窺石鏡清  
我心謝公行處蒼苔沒早服還丹無世情琴心三疊  
道初成遙見仙人綵雲裏手把芙蓉朝玉京先期汗  
漫九垓上願接盧敖遊太清

梁園吟

我浮黃雲去京闕掛席欲進波連山天長水闊厭遠  
涉訪古始及平臺間平臺爲客憂思多對酒遂作梁  
園歌却憶蓬池阮公詠因吟綠水揚洪波洪波浩蕩  
迷舊國路遠西歸安可得人生達命豈暇愁且飲美

酒登高樓平頭奴子搖大扇五月不熱疑清秋玉盤  
楊梅爲君設吳鹽如花皎白雪持鹽把酒但飲之莫  
學夷齊事高潔昔人豪貴信陵君今人耕種信陵墳  
荒城虛照碧山月古木盡入蒼梧雲梁王宮闕今安  
在牧馬先歸不相待舞影歌聲散綠池空餘汴水東  
流海沉吟此事淚滿衣黃金買醉未能歸連呼五白  
行六博分曹賒酒酣馳輝歌且謠意方遠東山高卧  
時起來欲濟蒼生未應晚

夢遊天姥吟留別

海客談瀛洲烟濤迷茫信難求越人語天姥雲霓明



滅或可觀

范云盡洲難求而不必求天姥可天姥連

天向天橫勢拔五嶽掩赤城天台四萬八千丈對此

欲倒東南傾我欲因之夢吳越一夜飛度鏡湖月湖

月照我影送我至剡溪謝公宿處今尚在淥水蕩漾

清猿啼脚着謝公屐身登青雲梯半壁見海日空中

聞天雞

此其千岩萬轉路不定迷花倚石忽已暝

熊咆龍吟殷岩泉慄深林兮驚層巔雲青青兮欲

雨水澹澹兮生烟列缺霹靂丘巒崩摧洞天石扇訇

然中開青冥浩蕩不見底日月照耀金銀臺

其霓為衣兮風為馬雲之君兮紛紛而來下虎鼓瑟兮鸞

迴車仙之人兮列如麻忽魂悸以魄動况驚起而長

嗟惟覺時之枕席失向來之烟霞世間行樂亦如此

古來萬事東流水別君去時何時還且放白鹿青崖

間須行即騎訪名山安能摧眉折腰事權貴使我不

得開心顏

范云夢吳越以下夢之源也次諸節夢之

烟霞極與人接矣非太白之曾次筆力亦不能發此

把酒問月

青天有月來幾時我今停杯一問之人攀明月不可  
得月行却與人相隨皎如飛鏡臨丹闕綠煙滅盡清  
輝發但見宵從海上來寧知曉向雲間没白兔擣藥



秋復春嫦娥孤棲與誰鄰今人不見古時月今月曾  
經照古人古人今人若流水共看明月皆如此唯願  
當歌對酒時月光長照金樽裏

野田黃雀行

游莫逐炎洲翠栖莫近吳宮燕炎洲逐翠遭網羅吳  
宮火起焚爾窠蕭條兩翅蓬蒿下縱有鷹鷂奈爾何

憶舊游寄譙郡元參軍

憶昔洛陽董糟丘爲予天津橋南造酒樓黃金白璧  
買歌笑一醉累月輕王侯四海賢豪青雲客與君一  
遇心莫逆迴山轉海不作難傾情倒意無所惜我向

淮南攀桂枝君留洛北愁夢思不忍別還相隨相隨  
迢迢訪仙城三十六曲水迴縈一溪初入千花明萬  
壑度盡松風聲銀鞍金絡到平地漢東太守來相迎  
紫陽之真人邀我吹玉笙飧霞樓上動仙樂嘈然宛  
似鸞鳳鳴袖長管摧欲輕舉漢東太守醉起舞手持  
錦袍覆我身我醉橫眠枕其股當筵意氣凌九霄星  
離雨散不終朝分飛楚關山水遙余旣還山尋故巢  
君亦西歸度渭橋君家嚴君勇貔虎作尹并州遏戎  
虜五月相呼度大行推輪不道羊腸苦行來北京歲  
月深感君貴義輕黃金瓊杯綺食青玉案使我醉飽



無歸心時時出向城西曲晉祠流水如碧玉浮舟弄  
水簫鼓鳴微波龍鱗荇草綠興來携妓恣經過其若  
楊花似雪何紅粧欲醉宜叙日百尺清潭寫翠娥嬋  
娟初月輝美人更唱舞羅衣清風吹歌入空去歌曲  
自繞行雲飛此時歡樂難再遇西游因獻長楊賦北  
闕青雲不可期東山白首還歸去渭橋南頭一遇君  
鄧臺之北又離羣問余恨別今多少落花春暮爭紛  
紛言亦不可盡情亦不可極呼兒長跼緘此辭寄君  
千里遙相憶

長相思

日色欲盡花含烟月明欲素秋不眠趙瑟初停鳳皇  
柱蜀琴欲奏鴛鴦絃此曲有意無人傳願隨春風寄  
燕然憶君迢迢隔青天昔時橫波目今作流淚泉不  
信妾腸斷歸來看取明鏡前

古意

白酒初熟山中歸黃雞啄黍秋正肥呼童烹雞酌白  
酒兒女嬉笑牽人衣高歌取醉欲自慰起舞落日爭  
光輝游說萬乘苦不早着鞭跨馬涉遠道會稽愚婦  
輕買臣余亦辭家西入秦仰天大笑出門去我輩豈  
是蓬蒿人



唐史云白興聖皇帝九世孫也隋末以罪徙西域神龍初遣還客巴西李陽米序其文云白隴西人也范傳正志云白涼武昭王九世孫隴西人隋末祖父以罪徙西域神龍時父客逃居綿之巴西而白生焉杜甫

乾元中寓居同谷縣作歌

師友記聞李太白遠別隴蜀道難與子美

寓居同谷縣上歌風騷之極致不在屈原之下也

有客有客字子美白頭亂髮垂兩耳歲拾橡栗隨狙公天寒日暮山谷裏中原無書歸不得手脚凍皴皮肉死嗚呼一歌兮歌已哀悲風爲我從天來

二歌

長鑱長鑱白木柄我生托此以爲命黃精無苗白雪

盛短衣數挽不掩脛此特與子空歸來男呻女吟四壁靜嗚呼二歌兮歌始放閭里爲我色惆悵

三歌

有弟有弟在遠方三人各瘦何人強生別展轉不相見胡塵暗天道路長東飛駕鵝後鵝鵠安得送我置汝傍嗚呼三歌兮歌三發汝歸何處收元骨

四歌

有妹有妹在鍾離良人早歿諸孤癡長淮浪高蛟龍怒十年不見來何時扁舟欲往箭滿眼杳杳南國多旌旗嗚呼四歌兮歌四奏林猿爲我啼清晝



五歌

四山多風溪水急寒雨颯颯枯樹濕黃蒿古城雲不開  
白狐跳梁黃狐立我生胡爲在窮谷中夜起坐萬感  
集嗚呼五歌兮歌正長魂招不來歸故鄉劉云何其招魂  
不來耶歸故鄉也

六歌

南有龍兮在山湫古木龍從其相樛木葉黃落龍正  
蟄螭蛇東來水上遊我行怪此安敢出拔劍欲斬且  
復休嗚呼六歌兮歌思遲溪壑爲我迴春姿

七歌

男兒生不成名身已老三年飢走荒山道長安御榻  
多少年富貴應須教身卑山中儒生舊相識但語宿  
昔傷懷抱嗚呼七歌兮情終曲仰視皇天白日速

秋風

秋風淅淅吹我衣東流之外西日微天清小城搗練  
急石古細路行人稀不知明月爲誰好早晚孤帆他  
夜歸會將白髮倚庭樹故園池臺今是非劉云如竹矯長句不必親切爲已

短歌行贈王郎司直

王郎酒酣拔劍斫地歌莫哀我能援爾仰塞磊落之



奇才豫樟翻風白日動鯨魚跋浪滄溟開且脫劍佩  
休徘徊西得諸侯棹錦水欲向何門毀珠履仲宣樓  
頭春已深青眼高歌望吾子眼中之人吾老矣劉云

激人堂堂  
後堂堂

哀江頭

曲江為京師勝常之地遭祿山  
焚劫之後荒涼公故有感也

少陵野老吞聲哭春日潛行曲江曲江頭宮殿鎖千  
門細柳新蒲為誰綠憶昔霓旌下南苑苑中萬物生  
顏色昭陽殿裏第一人同輦隨君侍君側輦前才人  
帶弓箭白馬嚼嚙黃金勒翻身向天仰射雲一箭正  
墜金籠翼明眸皓齒今何在血污遊魂歸不得清渭

東流劍閣深去住彼此無消息人生有情淚沾臆江

水江花豈終極黃昏胡馬塵滿城欲往城南念城北

蘇子由云哀江頭篇詞氣如百金戰馬  
注披瀝瀾如履平地得詩人之遺法

哀王孫

時祿山驚潼關上夜半山延秋門諸王  
公主皆不及從多為賊所屠此詩記而

之哀

長安城頭頭白烏夜飛延秋門上呼又向人家啄大

屋屋底達官走避胡金鞭斷折九馬死骨肉不待同

馳驅腰下寶玦青珊瑚可憐王孫泣路隅問之不肯

道姓名但道困苦乞為奴已經百日竄荆棘身上無

有完肌膚高帝子孫盡隆準龍種自與常人殊豺狼



在邑龍在野王孫善保千金軀不敢長語臨交衢且  
為王孫立斯須昨夜春風吹血腥東來索駝滿舊都  
朔方健兒好身手昔何勇銳今何愚竊聞太子已傳  
位聖德北服南單于花門務面請雪耻慎勿出口他  
人但哀哉王孫慎勿踈五陵佳氣無時無忠臣之盛  
心倉卒之  
隱語備  
盡情態

觀公孫大娘弟子舞劍器行并序

大曆二年十月十九日夔府別駕元特宅見臨穎  
李十二娘舞劍器壯其蔚茲問其所師曰余公孫  
大娘弟子也開元三載余向童稚記於郾城觀公  
孫氏舞劍器渾脫瀾攤頓挫獨出冠時自高頭宜  
春梨園二伎坊內人洎外供奉曉是舞者聖文神  
武皇帝初公孫一人而已王貌錦衣况余白首公

茲弟子亦匪盛顏既辭其山來知波洞英二撫事  
慷慨聊為劍器行昔者吳人張加善草書書忙數  
常於鄴縣見公孫大娘舞西河劍器自  
此草書長進豪蕩感邊即公孫可知矣

昔有佳人公孫氏一舞劍器動四方觀者如山色沮  
喪天地為之久低昂燿如羿射九日落矯如群帝駢  
龍翔來如雷霆收震怒罷如江海凝清光絳脣珠袖  
兩寂寞晚有弟子傳芬芳臨穎美人在白帝妙舞此  
曲神揚揚與余問答既有以感特撫事惓惋傷先帝  
侍女八千人公孫劍器初第一五十年來似反掌風  
塵澌洞昏王室梨園弟子散如烟女樂餘姿映寒日  
金粟堆南木已拱瞿塘石城草蕭瑟玳筵急管曲復



終樂極哀來月東出老夫不知其所往足蘭荒山轉

愁疾劉云濃至慘黯如野笛中斷聞者猶未堪也

漢陂行

岑參兄弟皆好奇携我遠來遊漢陂天地黯慘忽異色波濤萬頃堆琉璃琉璃汗漫泛舟入事殊興極憂思集鼉作鯨吞不復知惡風白浪何嗟及主人錦帆相為開舟子喜甚無氛埃白鷺散亂棹謳發絲管啁啾空翠來沉竿續蔓深莫測菱葉荷花靜如拭宛在中流渤澥清下歸無極終南黑半陂已南純浸山動影曩窺冲融間船舷暝戭雲際寺水面月出藍山關

劉云寫景入微烟波遠近變態具足此時驪龍亦吐珠馬夷擊鼓群龍

趨湘妃漢女出歌舞金支翠旗光有無咫尺但愁雷

雨至蒼茫不曉神靈意劉云慘愴之容如師之思

者置不復道吾嘗遊西湖遇風雨誦此詩如同舟同時也少壯幾時奈老何向來

哀樂何其多

兵車行此詩為唐玄宗用兵吐蕃而作託漢武以風刺也

車轆轤馬蕭蕭行人弓箭各在腰爺娘妻子走相送

塵埃不見咸陽橋牽衣頓足攔道哭哭聲直上干雲

霄道傍過者問行人行人但云點行頻或從十五北

防河便至四十西營田去時里正與裏頭歸來頭白

催音



還戍邊庭流血成海水武皇開邊意未已君不見  
漢家山東二百州千村萬落生荆杞縱有健婦把鋤  
耜禾生隴畝無東西况復秦兵耐苦戰被驅不異犬  
與雞長者雖有問役夫敢伸恨且如今年冬未休關  
西卒縣官急索租稅從何出信知生男惡反是生  
女好生女猶得嫁比隣生男埋沒隨百草君不見青  
海頭古來白骨無人收新鬼煩冤舊鬼哭天陰雨濕  
聲啾啾

玄都壇寄元逸人

故人昔隱東蒙峰已佩含景蒼精龍故人今居子午

谷獨在陰崖結茆屋前太古玄都壇青石漠漠常  
風寒子規夜啼山竹裂王母臺下雲旗翻知君此計  
成長往芝草琅玕日應長鍊鍊高垂不可攀致身福  
地何蕭爽

送孔巢父謝病歸遊江東兼呈李白

巢父掉頭不肯住東將入海隨烟霧許卷長留天地  
間釣竿欲拂珊瑚樹深山大澤龍蛇遠春寒野陰風  
景暮

劉云不必有所從來不必有所指玄又玄衆妙門○七字浩然以其特隱也

蓬萊織

女迴龍車指點虛無引歸路自是君身有仙骨世人  
那得知其故惜君只欲苦死留

劉云兩君具實宅

富貴何如



草頭露蔡侯靜者意有餘清夜置酒臨前除罷琴惆  
悵月照席幾歲寄我空中書南尋禹穴見李白道南  
問信今何如劉云其迭蕩制休類  
得意故成一家言

飲中八仙詩

知章騎馬侶乘船眼花落井水底眠汝陽三斗始朝  
天道逢麴車口流涎恨不移封向酒泉左相日興費  
萬錢飲如長鯨吸百川銜盃樂聖稱世賢或云世宗  
當作避宗  
之蕭灑美少年舉觴白眼望青天皎如玉樹臨風前  
蘇晉長齋綉佛前醉中往往愛逃禪李白一斗詩百  
篇長安市上酒家眠天子呼來不上船自稱臣是酒

中僊張旭三盃聖傳脫帽露頂王公前揮毫落紙  
如雲煙焦遂五斗方卓然高談雄辯驚四筵

洗兵馬行

公自注云  
收京後作

中興諸將收山東捷書夜報清晝同河廣傳聞一蒿  
過胡兒命在破竹中祗殘鄴城不日得獨任朔方無  
限功京師皆騎汗血馬回紇餒肉蒲萄宮已喜皇威  
清海岱常思仙仗過崆峒三年笛裏關山月萬國兵  
前草木風劉云悲壯  
少及成王功大心轉小郭相謀深古來  
少司徒清鑒懸明鏡尚書氣與秋天杳二三豪俊爲  
時出整頓乾坤濟時了東走無復憶鱸魚南飛各有



安巢鳥青春復隨冠冕入紫禁正耐烟花繞劉云有氣象有  
風鶴駕通宵鳳輦備雞鳴問寢龍樓曉攀龍附鳳勢  
莫當天下盡化為侯王汝等豈知蒙帝力時來不得  
誇身強劉云事外句關中既留蕭丞相莫下復用張  
子房張公一生江海客身長九尺鬚眉蒼微起適遇  
風雲會扶顛始知籌策長青袍白馬更何有後漢今  
周喜再昌寸地尺天皆入貢奇祥異瑞爭來送不知  
何國致白環復道諸山得銀甕隱士休歌紫芝曲詞  
人解撰清河頌田家望望惜雨乾布穀處處催春種  
淇上健兒歸莫懶城南思婦愁多夢安得壯士挽天

河洗淨甲兵長不用

劉云此篇對律甚嚴而春容醜藉

### 古栢行

孔明廟前有老栢柯如青銅根如石

范元實云此形似之語霜

皮溜雨四十圍黛色參天二千尺君臣已與時際會

樹木猶為人愛惜雲來氣接巫峽長月出寒通雪山

白

范元實云此激昂之語

日昨路繞錦亭東先主武侯同閼宮

崔嵬枝幹郊原古窈窕丹青戶牖空落落盤踞雖得

地冥冥孤高多烈風扶持自是神明力正直元因造

化功大廈如傾要梁棟萬牛回首丘山重不露文章

世已驚才辭剪伐誰能送苦心豈免容螻蟻香葉終



經宿鸞鳳志士幽人莫怨嗟古來材大難為用

駘馬行

鄧公馬癖人共知初得花駘大宛種夙昔傳聞思一見牽來左右神皆竦雄姿逸態何崢嶸顧影驕嘶自矜寵兩目清熒夾鏡懸肉駿礪連錢動朝來久試華軒下朱覺千金滿高價赤汗微生白雪毛銀鞍却覆香羅帕卿家舊賜公取之天廐真龍此其亞晝洗須騰涇渭深夕趨河刷幽并夜吾聞良驥老始成此馬數年人更驚豈有四蹄疾於鳥不與八駿俱先鳴時俗造次那得致雲霧晦冥方降精近聞下詔喧都

邑肯使騏驎地上行

王維

同崔傳答賢弟

洛陽才子姑蘇客杜宛殊非舊鄉陌九江楓樹幾回青一片揚州五湖白揚州時有下江兵蘭陵鎮前吹笛聲夜火人歸富春郭秋風鶴唳石頭城周郎陸弟爲儔侶對舞前溪歌白紵曲几書聞小吏家草堂基賭山陰墅衣冠若話外臺臣先數夫君席上珎更聞臺閣求三語遙想風流第一人

登樓歌



聊上君兮高樓飛薨鱗次兮在下俯十二兮通衢綠  
槐參差兮車馬却瞻兮龍首前睡兮宜春王畿爵兮  
千里山河壯兮咸秦舍人下兮青宮據胡床兮書空  
執戟疲兮下位老夫好隱兮墻東亦幸有張伯英草  
聖兮龍騰虬躍擺長雲兮捩回風琥珀酒兮彫胡飯  
君不御兮日將晚秋風兮吹衣夕鳥兮爭返孤砧發  
兮東城林薄莫兮蟬聲遠時不可兮再得君何爲兮  
嫿蹇

桃源行

漁舟逐水愛山春兩岸桃花夾去津坐看紅樹不知

遠行盡青溪不見人山口潛行始隈隩山開曠望旋  
平陸遙看一處攢雲樹近入十家散花竹樵客初傳  
漢姓名居人未改秦衣服居人共住武陵源還從物  
外起田園月明松下房櫳靜日出雲中雞犬喧驚聞  
俗客爭來集競引還家問鄉鄰一作邑平明聞巷掃花  
開薄暮漁樵乘水入初因避地去人間更聞成仙遂  
不還峽裏誰知有人事世中遙望空雲山不疑靈境  
難聞見塵心未盡思鄉縣出洞無論隔山水辭家終  
疑長游衍自謂經過舊不迷安知峯壑今來變當時  
只記入山深青谿幾度到雲林春來偏是桃花水不



辨仙源何處尋

送崔五太守

長安廐吏來到門朱文露網動行軒黃花縣西九折  
坂玉樹官南五丈原褒斜谷中不容幘惟有白雲當  
露冕子午山裏杜鵑啼嘉陵水頭行客飯劍門忽斷  
蜀川開萬井雙流滿眼米霧中遠樹刀州出天際澄  
江巴字回使君年紀三十餘少年白哲專城居欲持  
畫省郎官筆回與臨邛公老書

故人張諲工詩書不兼能丹青草隸頃以詩  
見贈聊獲荅之

不逐城東遊俠兒隱囊紗帽坐彈碁蜀中夫子時開  
卦洛下諸生解詠詩藥闌花徑衡門裏時復攬梧聊  
隱几屏風誤點惑孫郎團扇草書輕內史故園高枕  
度三春永日垂帷絕四隣自想蔡邕今已老更將書  
籍與何人

寒食城東即事

清谿一道穿桃李演漾綠蒲涵白芷谿上人家几幾  
家落花半落東流水蹴踞屢過飛鳥上秋千競出畫  
楊裏少年分日作遨遊不用清明燕上已

常應物



聽鶯曲

東方欲曙花冥冥啼鶯相喚亦可聽  
去年來時近遠纔聞南陌又東城  
忽似上林翻下苑綿綿蠻蠻如  
有情欲轉不轉意自嬌羞兒弄笛  
曲未調前聲後聲不相及秦女學  
箏指猶澁須臾風暖朝日暎流音  
變作百鳥喧誰家懶婦驚殘夢何  
處愁人憶故園伯勞飛過聲跼促  
戴勝下時桑田綠不及流鶯日日啼  
花間能使萬家春意閑有時斷續聽  
不了飛去花枝猶裊裊還棲碧樹  
鎖千門春漏方殘一聲曉

長安道

人家宮殿含雲煙兩宮十里相連延  
晨霞山沒弄丹闕春雨依微自甘泉  
春雨依微春尚早長安貴游愛芳草  
寶馬橫來下建章香車却轉避馳道  
貴游誰最貴衛霍世難比何能蒙主恩  
幸遇邊塵起歸來甲第拱皇居朱門  
峩峩臨九衢中有流蘇合歡之寶帳一  
百二十鳳凰羅列含明珠下有錦鋪翠  
被之燦爛博山吐香五雲散麗人綺閣  
情飄飄頭上鴛鴦雙翠翹低鬟曳袖回  
春雪聚黛一聲愁碧霄山珍海錯棄藩  
籬烹犢炰羔如折葵旣請列侯封部曲  
還將金印授兒穉榮若此何所苦但苦  
白日西南馳



鷺銜泥

泥鷺聲嚶尾涎涎秋去何所歸春來復相見豈  
不解決絕高飛碧雲裏何爲地上銜泥滓泥雖賤  
意有營畫梁朝日巢欲成不見百鳥畏人林野宿翻  
遭網羅俎其肉未若銜泥入畫屋鷺銜泥百鳥之智  
莫與齊

橫塘行

妾家住橫塘夫婿鄰家郎玉盤的歷矢白魚相簞玲  
瓏透象床象床可寢魚可食不知郎意何南北岸上  
種蓮豈得生池中種蓮豈得成丈夫一去花落樹

獨長夜心未平

李賀

秦宮詩

漢秦宮將軍梁冀之嬖奴也秦宮得寵內舍  
故以驕名大譟於人子撫舊作長辭辭以馮  
子都之事相對望  
又云昔有之詩

越羅衫袂迎春風玉刻麒麟腰帶紅樓頭曲宴仙人  
語帳裏吹笙香霧濃人間酒暖春茫茫花枝入簾白  
日長飛窓複道傳籌飲午夜朦朧燭黃禿衿小袖  
調鸚鵡紫繡麻霞踏哮虎斫桂燒金待曉筵白鹿青  
蘇夜半煮桐英永巷騎新馬內屋深屏生色畫開門



爛用水衡錢卷起黃河向身瀉皇天厄運猶曾裂秦宮一生花底活靈覺奪得不還人醉睡艷艷滿堂月

金銅仙人辭漢歌并序

魏明帝青龍元年八月詔宮官牽車西取漢孝武捧露盤仙人欲立置前殿宮官既折盤仙人臨載潸然淚下唐諸王孫李長吉遂作金銅仙人辭漢歌

茂陵劉郎秋風客夜聞馬嘶曉無跡畫欄桂樹懸秋香三十六宮吐花碧魏官牽車指千里東關酸風射眸子空將漢月出宮門憶君清淚如鉛水哀蘭送客咸陽道天若有情天亦老携盤獨出月荒涼渭城已遠波聲小

浩歌

南風吹山作平地帝遣天吳移海水王母桃花千徧紅彭祖巫咸幾回死青毛驄馬參差錢嬌春楊柳含細煙箏人勸我金屈卮神血未凝身問誰不須浪飲丁都護世上英雄本無主買絲繡作平原君有酒惟澆趙州土漏催水咽玉蟾蜍衛娘髮薄不勝梳看見秋眉換新綠二十男兒那刺促

天上謠

天河夜轉漂回星銀浦流雲學水聲玉宮桂樹花未落仙妾采香垂珮纓秦妃卷簾北窓曉窓前植桐青



鳳小王子吹笙鵝管長呼龍耕煙種瑤草粉霞紅綬  
藕絲裙青洲步拾蘭茗春東指義和能走馬海塵新  
生石山下

春坊正字劍子歌

先輩匣中三尺水曾入吳潭斬龍子隙月斜明刮露  
寒練帶平鋪吹不起蛟胎皮老瘳藜刺鵝鵝淬花白  
鵝尾直是剗軻一片心莫教照見春坊字按絲團金  
懸聲歎神光欲截藍田玉提出西方白帝驚數嗷鬼  
母秋郊哭

李夫人

紫皇宮殿重重開夫人飛入瓊瑤臺綠香繡帳何時  
歇青雲無光宮水咽翺翹桂花墜秋月孤鸞驚帝商  
絲發紅壁闌珊懸佩璫歌臺小妓遙相望玉蟾滴水  
雞人唱露華蘭葉參差光

貴主征行樂

奚騎黃銅連鎖甲羅旗香榦金畫葉中軍留醉河陽  
城驕嘶紫鸞踏花行春營騎將如紅玉走馬捎鞭上  
空綠女垣素月角咿咿牙帳未開分錦衣

神絃別曲

巫山小女隔雲別春風松花山上發綠蓋獨穿芳逕



歸白馬花竿前子子蜀江風澹水如羅隋蘭誰泛相  
經過南山桂樹爲君死雲衫淺汗紅脂花

夢天

老兔寒蟾泣天色雲樓半開壁斜白玉輪軋露濕團  
光鸞珮相逢桂香陌黃塵清水三山下更變千年如  
走馬遙望齊州九點煙一泓海水杯中瀉

雍音卷之一



雅音目錄卷之二



絕句五言

天水胡續宗編次



楊炯 一首

李白 十二首

王維 廿首

王縉 一首

裴迪 六首

杜甫 六首

韋應物 九首

令狐楚 十首

李益 七首

柳談 一首

權德輿 四首

唐文宗 一首

李賀 三首

白居易 二首

杜牧 二首

又三首補見外編



之當自見也然不可入樂府則不可列古體矣蓋  
起自沈宋無復鏡歌等曲之渾樸故次于絕句絕  
句五言今得八十有六首六言今得五首七言今  
得百有一十二首近體五言今得百有一首七言  
今得五十有一首亦皆先正編輯入選者學者苟  
肆力絕律即此亦足矣嗟乎近體既盛古體斯微  
而詩去風雅愈遠矣豈聲律易為工而古體難為  
力邪敢告今之好古者

雍音目錄卷之二

關西王完

校讐

隴西張光孝

雍音卷之二



絕句 五言

天水胡縝宗編次

楊炯

夜送趙縱

趙氏連城壁由來天下傳送君還舊府明月滿前川

李白

靜夜思

牀前看月光疑是地上霜舉頭望山月低頭思故鄉

劉頂溪云自是  
古意不須言笑

淶水曲



口號贈盧徵君鴻

陶令辭彭澤  
梁鴻入會稽  
我尋高士傳  
君與古人齊  
雲卧留丹壑  
天書降紫泥  
不知楊伯起  
早晚向關西

訪戴天山道士不遇

犬吠水聲中  
桃華帶雨濃  
樹深時見鹿  
溪午不聞鐘  
野竹分青靄  
飛泉挂碧峰  
無人知所去  
愁倚兩三松

送友人

青山橫北郭  
白水遶東城  
此地一爲別  
孤蓬萬里征  
浮雲遊子意  
落日故人情  
揮手自茲去  
蕭蕭班馬鳴

宮中行樂詞



于武陵一首

韓偓 三首

絕句六言

王維 五首

絕句七言

喬知之 一首

李白 十九首

王維 九首

嚴武 一首

杜甫 四首

韋應物 八首

李益 九首

竇常 一首

竇牟 一首

竇羣 一首

竇序 二首

竇羣 三首

李賀 二首

柳談 一首

長孫佐輔 二首

權德輿 一首

令狐楚 一首

白居易 七首

杜牧 廿首

李郢 一首

李洞 二首

李拯 一首

韓偓 三首

韋莊 二首

鍾離權 一首

近體五言

唐玄宗 一首

蘇頲 一首

李白 十五首

王維 廿五首

572920  
n.9, 1939



杜甫 四十一首

韓休 一首

韋應物 六首

竇叔向 一首

竇常 一首

白居易 一首

李洞 一首

于武陵 五首

李咸用 二首

近體七言

韋元旦 一首

蘇頲 二首

李白 四首

王維 九首

杜甫 廿四首

李益 二首

竇叔向 一首

竇常 一首

白居易 一首

杜牧 三首

李郢 三首

絕句起于李唐蓋變吳樂府子夜歌而為之者也  
至王右丞乃効顧陸而為六言許敬宗復依挾瑟  
歌為樓曲而為七言李翰林王江寧而後作者益  
多自王摩詰杜子美以至李義山杜牧之先後相  
承音響琤琤而開元天寶之間盛矣夫絕句出于  
樂府比之近體猶為近古故次于古體若近體則  
始于唐盛于唐亦衰于唐太白古體尚多子美古  
今體相半至君虞遺直而下視盛唐諸君迥異讀



淶水明秋月南湖採白蘋荷花嬌欲語愁殺蕩舟人

玉階怨

玉階生白露夜久侵羅襪却下水精簾玲瓏望秋月

劉云於麗素淨可人自愧前作○蕭士斌云此篇無一字言怨而隱然幽怨之意見於言外

秋浦歌

白髮三千丈緣愁似箇長不知明鏡裏何處得秋霜

蕭云後聯活活脫脫真作家手段

憶東山

不向東山久薔薇幾度花白雲還自散明月落誰家

獨坐敬亭山

衆鳥高飛盡孤雲獨去閒相看兩不厭只有敬亭山

自遣

對酒不覺暝落花盈我衣醉起步溪月鳥還入亦稀

送陸判官往琵琶峽

水國秋風夜殊非遠別時長安如夢裏何日是歸期

夏日山中

懶搖白羽扇裸體青林中脫巾掛石壁露頂洒松風

劉云後人以此語入畫真復可愛妙是結句

陪侍郎叔遊洞庭醉後作

剗却君山好平鋪相水流巴陵無限酒醉殺洞庭秋



對雪獻從兄虞城宰

昨夜梁園雪第寒兄不知庭前看玉樹腸斷憶連枝

劉云詩然惻然可以感動

答友人贈烏紗帽

頗得烏紗帽全勝白接離山人不照鏡稚子道相宜

王維

班婕妤

宮殿生秋草君王恩幸跡那堪聞鳳吹門外度金輿

其二

玉窗螢影度金殿人聲絕秋夜守羅帷孤燈耿不滅

其三

惟來粧閣閉朝下不相迎總向春園裏花間語笑聲

息夫人

劉云正尔憔悴得人

莫以今時寵能忘舊日恩看花滿眼淚不共楚王言

鳥鳴

劉云昔非着意

人間桂花落夜靜春山空月出驚山鳥時鳴春澗中

送別

劉云古今斷正不在多

山中相送罷日暮掩柴扉春草年年綠王孫歸不歸

孟城

劉云復欲二語如此俯仰曠達不可得

新家孟城口古木餘衰柳來者復爲誰空悲昔人有



辛夷塢劉云其意不語着  
一字漸可語禪

木末芙蓉花山中發紅萼澗戶寂無人紛紛開且落

漆園

劉云使在謝東山輩口語皆成高韻  
朱子語錄云摩詰輞川詩余深愛之每以語

人轉無解  
余意者

古人非傲吏自關經世務偶寄一微官婆娑數枝樹

崔九弟欲往南山馬上口號與別

城隅一分手幾日還相見山中有桂花莫待花如雪

上平田

朝耕上平田暮耕上平田借問問津者寧知沮溺賢

劉云語  
調並高

南垞

輕舟南垞去北垞森難即隔浦望人家遙遙不相識

樂家類

颯颯秋雨中淺淺石溜瀉跳波自相賤白鷺驚復下

白石灘

清淺白石灘綠蒲向堪把家住水東西浣沙明月下

竹里館

獨坐幽篁裏彈琴復長嘯深林人不知明月來相照

萍池

春池

一作水

深且廣會待輕舟迴靡靡綠萍合垂楊掃

崔九

卷三

日一

青眉中堂



復開

鹿柴

劉云無言而有意

空山不見人但聞人語響返景入深林復照青苔上

山中寄諸弟

山中多法侶禪誦自為羣城郭遙相望惟應禮一作見

白雲

雜詩

家住孟津河門對孟津口常有江南船寄書家中否

其二

君自故鄉來應知故鄉事來續念前寒梅著花未



遺廟丹青在空山草木長猶問辭後主不復卧南陽

八陣圖

功盡三分國名成八陣圖江流石不轉遺恨失吞吳

絕句

江動月移石溪虛雲傍花鳥棲知故道帆過宿誰家

其二

江碧鳥逾白山青花欲然今春看又過何日是歸年

其三

江邊踏青罷廻首見旌旗風起春城暮高樓鼓角悲  
常應物



閨門懷古

獨鳥下高樹遙知吳苑園淒涼千古事日暮倚閨門

西樓

高閣一長望故園何日歸煙塵擁幽谷秋鴈過來稀

聞鴈

劉云更不語言

故園眇何處歸思方悠哉淮南秋雨夜高齋聞鴈來

秋夜寄丘二十二員外

懷君屬秋夜散步詠涼天空山松子落幽人應未眠

詠夜

明從何處去暗從何處來但覺年光老半是此中催

詠聲

萬物自生聽大空恒寂寥還從靜中起却向靜中銷

對殘燈

獨照碧窓久欲隨寒燼滅幽人將遽眠鮮帶翻成結

同褒子秋齋獨宿

山月皎如燭霜風時動竹夜半鳥驚栖窓間人獨宿

宿永陽寄璨律師

遙知郡齋夜凍雪封松竹時有山僧來懸燈獨自宿

令狐楚

殺士燬煌人山南節度使

酬李益



蘇子 卷二 七  
戚戚一西東十年今始同可卜風雨夜相對兩衰翁  
從軍行

孤心眠夜雪滿眼是秋沙萬里猶防塞三年不見家

其二

却望冰河濶前登雪嶺高征人幾多在又擬戰臨洮

其三

胡風千里驚漢月五更明縱有還家夢猶聞出塞聲

宮中樂

月上宮花靜煙含苑樹深銀臺門已閉仙漏夜沉沉

其二

九重青瑣闥百尺碧雲樓明月秋風起珠簾上玉鉤

思君恩

小苑鶯歌歇長門蝶舞多眼看春又去翠輦不曾過

其二

紫禁香如霧青天月似霜雲韶何處奏祇是在昭陽

長相思

幾度春眠覺紗窓曉望遠朦朧殘夢裏獨自在遼西

游春詞

聞闔春風起蓬萊雲水消相將折楊柳爭取長條

李益



幽州

征戍在桑乾年年剡水寒殷勤驛西路北去向長安

贈盧綸

洪容齋隨筆云二詩讀之使人悽然皆奇作也

世故中年別餘生此會同却將愁與病獨對朗陵翁

江南曲

嫁得瞿塘賈朝朝誤妾期早知朝有信嫁與弄潮兒

照鏡

衰境臨朝鏡將看却自疑慚君明似月照我白如絲

惜春

畏老身全老逢春解惜春今年看花伴已少去年人

鷓鴣詞

湘江斑竹枝錦翅鷓鴣飛處處湘雲合郎從何處歸

代人乞花

繡戶朝眠起開簾滿地花春風解人意吹落妾西家

柳談仲庸京兆人

江行

繁陰乍隱州落葉初飛浦蕭蕭楚客帆暮入寒江雨

權德輿

玉臺體

秋風一夜至吹盡後庭花莫作經時別西隣是宋家



其二

昨夜裙帶解今朝蟄子飛鉛華不可棄莫是臺石歸

江行曉

曉風搖五兩殘月映石壁稍稍曙光開片帆在空碧

江行夜

撥聲到枕上愁夢紛難理寂寂深夜寒清霜落秋水

文宗

官中題

大和九年詠王涯鄭注後仇土良專權左右上每登臨遊幸往往獨語莫敢進

問因賦北詩

輦路生秋草上林花滿山憑高何恨意無復侍臣知

李賀

馬詩

寶玦誰家子長鬣狹骨香堆金買駿骨將送楚襄王

其二

香襍赭羅新盤龍蹙鏡鱗迴看南陌上誰道不逢春

其三

汗血到王家隨鸞撼玉珂少君騎海上人見是青驪

白居易

新辭

霽色鮮宮殿秋聲脆管絃聖明千載樂歲歲似今年



池上

小娃撐小艇偷取白蓮回不解藏蹤跡浮萍一道開

杜牧牧之京兆人  
中書舍人

長安望秋

樓倚霜樹外鏡天無一毫南山與秋色氣勢兩相高

歸家

稚子牽衣問歸來何太遲共誰爭歲月贏得鬢成絲

于武陵杜曲人

高樓

遠天明月出照此誰家樓上有羅衣裳涼風吹不休

韓偓致元萬年人  
兵部侍郎

效崔國輔貞豐  
車骨

澹月照中庭海棠花自落獨立俯開階風動鞦韆索

其二

雨後碧苔院霜來紅葉樓門階上斜日鸚鵡伴人愁

其三

羅幕生春寒繡窓愁未眠南湖夜來雨應濕采蓮船

絕句六言

王維

田園樂



采菱渡頭風急策杖村西日斜杏樹壇邊漁父撿花  
源裏人家

萋萋芳草春綠落落長松夏寒牛羊自歸村巷童稚  
不識衣冠

山下孤煙遠村天邊獨樹高原一瓢顏回陋巷瓦柳  
先生對門

桺紅復含宿雨柳綠更帶朝煙花落家僮未掃烏啼  
山客猶眠

酌酒會臨泉水抱琴好倚長松南園露葵朝折西舍  
黃梁夜春



峽思君不見下渝州

劉涇溪云含情悽婉有竹枝縹緲之音

贈汪倫

范云非此詩之必佳要見古人風致如此

李白乘舟將欲行忽聞岸上踏歌聲  
桃花潭水深千尺不及汪倫送我情

巴陵贈賈舍人

賈生西望憶京華湘浦南遷莫怨嗟  
聖主恩深漢文帝憐君不遣到長沙

聞王昌齡左遷龍標尉遙有此寄

楊花落盡子規啼聞道龍標過五谿  
我寄愁心與明月隨風直到夜郎西



黃鶴樓送孟浩然之廣陵

故人西辭黃鶴樓，煙花三月下揚州。  
孤帆遠影碧空盡，惟見長江天際流。

永王東巡歌

三川北虜亂如麻，四海南奔似永嘉。  
但用東山謝安石，爲君談笑靜胡沙。

陪旌叔刑部侍郎曄及中書舍人賈至遊洞庭湖

洞庭西望楚江分，水盡南天不見雲。  
日落長沙秋色遠，不知何處弔湘君。

早發白帝城

朝辭白帝彩雲間，千里江陵一日還。  
兩岸猿聲啼不住，輕舟已過萬重山。

春夜洛陽聞笛

誰家玉笛暗飛聲，散入春風滿洛城。  
此夜曲終聞折柳，何人不起故園情。

蘇臺懷古

舊苑荒臺楊柳新，菱歌清唱不勝春。  
只今唯有西江月，曾照吳王宮裏人。

少年行



五陵年少金市東銀鞍白馬度春風落花踏盡遊何處笑入胡姬酒肆中

劉云謠氣凌厲秋活夢亦難忘

清平調詞

雲想衣裳花想容春風拂檻露華濃若非群玉山頭見會向瑤臺月下逢

一枝濃艷露凝香雲雨巫山枉斷腸借問漢宮誰得似可憐飛燕倚新粧

名花傾國兩相歡長得君王帶笑看解釋春風無限恨沉香亭北倚闌干

答俗人問

問余何事栖碧山笑而不答心自閒桃花流水杳然去別有天地非人間

王維

少年行

新豐美酒斗十千咸陽游侠多少年相逢意氣爲君飲擊馬高樓垂柳邊

九月九日憶山東兄弟

獨在異鄉爲異客每逢佳節倍思親遙知兄弟登高處遍插茱萸少一人

送元二使安西



渭城朝雨裊輕塵，客舍青青柳色新。  
勸君更盡一杯酒，西出陽關無故人。

寒食泥上作

廣武城邊逢暮春，汶陽歸客淚沾巾。  
落花寂寂啼山鳥，楊柳青青渡水人。

私成口號誦示裴迪

萬戶傷心生野煙，官何日更朝天。  
秋槐葉落空宮裏，凝碧池頭奏管絃。  
維時爲給事中，賊陷京師，爲所擒，維吞藥，伴瘡，祿山愛其才，逼至洛陽，供職，拘於善提寺。裴迪來相見，說逆賊等宴凝碧池上，作音樂，梨園供奉等舉聲，使一時淚下，維痛悼賦此詩，以示迪。詩後聞于行在，賊後受僞官者皆罪之，獨維得免。

寄河上段十六

與君相見即相親，聞道君家在孟津。  
爲覓行舟試借問，客中時有洛陽人。

送別

送君南浦淚如絲，君向東周使我悲。  
爲報故人憔悴盡，如今不似洛陽時。

戲題盤石

可憐盤石臨一泉，泉水復有垂楊拂酒杯。  
若道春風不解意，何因吹送落花來。

題崔處士林亭



綠樹重陰蓋四鄰青苔日厚自無塵科頭簪頭長松

下白眼看他世上人

阮籍能為青白眼見禮俗之士白眼對之

嚴武

季膺華州人劍南節度使

軍城早秋

昨夜秋風入潼關朔雲邊月滿西山更催飛將追驕虜莫遣沙場匹馬還

杜甫

漫興

懶漫無堪不出村呼兒自在掩柴門蒼苔濁酒林中靜碧水春風野外昏

劉云善自遣

書堂飲既夜復邀李尚書馬月下賦

湖月秋風相與清

殘樽下馬復同傾久拆野鶴如雙

鬢邊莫隣鷄下五更

裴旻雖黃云遊吳蓋但語猶言儘教也

奉和嚴國公軍城早秋

秋風嫋嫋動高旌玉帳分弓射虜營已收滴博雲間

戊更奪蓬婆雪外城

江南逢李龜年

岐王宅裏尋常見崔九堂前幾度聞正是江南好風景落花時節又逢君

韋應物



滁州西澗

獨憐幽草澗邊生，上有黃鸝深樹鳴。  
春潮帶雨晚來急，野渡無人舟自橫。

登樓寄王卿

踏閣攀林恨不同，楚雲滄海思無窮。  
數家砧杵秋山下，一郡荆榛寒雨中。

劉云高視城邑真復如此開合野興其濃正是絕意

寒食寄京師諸弟

雨中禁火空齋冷，江上流鶯獨坐聽。  
把酒看花想諸弟，杜陵寒食草青青。

九日

今朝把酒復惆悵，憶在杜陵田舍時。  
明年此日知何處，世難還家未有期。

休暇日訪王侍御不遇

九日驅馳一日閒，尋君不遇又空還。  
惟來詩思清人骨，門對寒流雪滿山。

登寶意寺上方舊遊

翠嶺香臺出半天，萬家煙樹滿晴川。  
諸僧近住不相識，坐聽微鐘記往年。

酬柳郎中春日歸楊州南郭見別之作

廣陵三月花正開，花裏逢君醉一迴。  
南北相過殊不



遠暮潮從去早潮來

子規啼

高秋滴露夏夜清南山子規啼一聲隣家嬌婦抱兒

泣我獨展轉何時明一作爲靜

李益

宮怨

露濕晴花春殿香月明歌吹在昭陽似將海水添宮  
漏共滴長門一夜長

汴河曲

汴水東流無限春隋家宮闕已成塵行人莫上長堤

望風起楊花愁殺人

聽曉角

邊霜昨夜隨關榆吹角當城片月孤無限塞鴻飛不  
度秋風吹入小單于

夜上西城聽涼州曲

鴻鴈新從北地來聞聲一半却飛回金河戍客腸應  
斷更在秋風百尺臺

臨澤沱見蕃使列名

漠南春色到澤沱邊柳青青塞馬多萬里江山今不  
閉漢家頻許到支和

崔峒

卷二

二

清渭中堂



上汝州郡樓

黃昏鼓角似邊州三十年前上此樓今日山川對  
淚傷心不獨為悲秋

早發破訥沙

破訥沙頭鴈正飛鷓鴣泉上戰初歸平明日出東南  
地滿磧寒光生鐵衣

送客還幽州

惆悵秦城送獨歸剡門煙一作樹遠依依秋來莫射  
南飛鴈縱遣乘春更北飛

夜上受降城聞笛

迴樂峰前沙似雪受降城外月如霜不知何處吹  
管一夜征人盡望鄉樂度曲又為寫征人思鄉之詩是也

樂度曲又為寫征人思鄉之詩是也

畫者迴樂峯前沙似雪之詩是也

寶常中行京兆人收向長子國子祭酒

香山館聽子規

楚塞餘春聽漸稀斷猿今夕讓沾衣雲埋老樹空山  
裏彷彿千聲一度飛悲未若子規尤悲也

寶牟貽周常弟國子司業

奉誠園聞笛

曾絕朱纓吐錦茵欲坡荒草訪遺塵秋風忽洒西園

卷二 清渭中堂



淚滿目山陽笛裏人

竇羣丹列年弟左拾遺

初入諫司喜家宏室

一旦悲歡見孟光十年新苦伴滄浪不知筆硯緣封

事猶問慵書日幾行

竇羣曹卿羣弟婺州刺史

上陽宮

愁雲漠漠草離離太乙勾陳處處疑日莫毀垣春雨

裏殘花猶發萬年枝

冬夜寓懷寄王松林

滿地霜蕪葉下枝幾回吟斷四愁詩漢家君欲論

禪須及相如未病時

竇羣友封庫弟御史中丞

南遊感興

傷心欲問前朝事唯見江流去不回日莫東風春草

綠鷓鴣飛上越王臺

宮人斜

離宮路遶北原斜生死恩深不到家雲雨今歸何處

去黃鸝飛上海棠花劉云宮人承恩幸之時朝雲慕

但見虛墓之傍聽美鵬之聲問海棠之色宮人之音容與草木禽鳥同一斯盡亦可哀矣



尋道者隱處不遇一作于

籬外消涓澗水流  
槿花半照夕陽收  
欲題名字知相訪  
又恐芭蕉不耐秋

李賀

蝴蝶舞

楊花撲帳春雲熱  
龜甲屏風醉眼纈  
東家蝴蝶西家飛  
白綺少年今日歸

昌谷北園新筍

斫取青光寫楚辭  
賦香春粉黑離離  
無情有恨何人見  
露壓煙啼千萬枝

柳談

涼州曲

關山萬里遠征人  
一望關山淚滿巾  
青海城頭空有月  
黃沙磧裏本無春

長孫佐輔

朔方人

別友人

愁多不忍醒時別  
想極還尋靜處行  
誰遣同衾又分手  
不知行路本無情

尋山家

獨訪山家歇還涉  
茅屋斜連隔松葉  
主人聞語未開



門繞籬野菜飛黃蝶若溪漁隱云余嘗居林落間食鮑支節縱步擬隣家之扉小立

待之眼前景物悉如詩中語然後知其工也

權德輿

舟行夜泊

蕭蕭落葉送殘秋  
寂寞寒波急暝流  
今夜不知何處泊  
斷猿晴月引孤舟

令狐楚

少年行

少小邊州慣放狂  
驕蕃馬射黃羊  
如今年老無筋力  
獨倚營門數鴈行

白居易

王昭君

漢使却回憑寄語  
黃金何日贖蛾眉  
君王若問妾顏色  
莫道不如宮裏時

後宮詞

淚盡羅巾夢不成  
夜深前殿按歌聲  
紅顏未老恩先斷  
斜倚熏籠坐到明

寒閨怨

寒月沉沉洞房靜  
真珠簾外梧桐影  
秋霜欲下手先知  
燈底裁縫剪刀冷



同李十一醉憶元九

花時同醉破春愁，醉折花枝當酒籌。  
憶故人天際去，計程今日到梁州。

杏園花下贈劉郎中

惟君把酒偏惆悵，曾是貞元花下人。  
自別花來多少事，東風二十四回春。

春題華陽觀

帝子吹簫逐鳳凰，空留仙洞號華陽。  
落花何處堪惆悵，頭白宮人掃影堂。  
期不至

紅燭清尊久延佇，出門入門天欲曙。  
星稀月落君不來，煙柳隴隴鵲飛去。

杜牧

過華清宮

長安回望繡成堆，山頂千門次第開。  
一騎紅塵妃子笑，無人知是荔枝來。

登樂遊原

長空澹澹孤鳥沒，萬古消沉向此中。  
看取漢家何事業，五陵無樹起秋風。

赤壁



折戟沉沙鐵半消  
自將磨洗認前朝  
東風不與周郎便  
銅雀春深鎖二喬

泊秦淮

煙籠寒水月籠沙  
夜泊秦淮近酒家  
商女不知亡國恨  
隔江猶唱後庭花

寄楊州韓綽判官

青山隱隱水迢迢  
秋盡江南木末凋  
二十四橋明月夜  
玉人何處教吹簫

送隱者

無嫌徑路蕭蕭  
蕭蕭自是雲林遠  
市朝公道世間惟

髮貴人頭上不曾饒

秋夕

銀燭秋光冷畫屏  
輕羅小扇撲流螢  
天階夜色涼如水  
卧看牽牛織女星

齊安郡中偶題

兩竿落日谿橋上  
半縷輕煙柳影中  
多少綠荷相倚恨  
一時回首背西風

息夫人廟

細腰宮裏露粧新  
脉脉無言度幾春  
至竟息亡緣底事  
可憐金谷墜樓人



念昔遊

李白題詩水西寺古木回巖樓閣風半醒半醉遊三日紅白花開煙雨中

山行

遠上寒山石徑斜白雲生處有人家停車坐愛楓林晚霜葉紅於二月花

宣州開元寺

松寺曾同一鶴栖夜深臺殿月高低何人爲倚東樓柱正是千山雪漲谿

宮怨

監宮引出暫開門隨例趨朝不是恩銀鑰却收金鎖合月明花落又黃昏

長安晴望

翠屏山對鳳城開碧落搖光霽後來面識六龍巡幸處飛煙閒遶望春臺

江南春

千里鶯啼綠映紅水村山郭酒旗風南朝四百八十寺多少樓臺煙雨中

漢江

溶溶漾漾白鷗飛綠淨春深好染衣南去北來人自



老夕陽長送釣船歸

懷吳中馮秀才

長洲苑外草蕭蕭，却弄遊程歲月遙。  
唯有別時今不

忘，暮煙秋雨過楓橋。

將赴吳興登樂遊原

清時有味是無能，閑愛孤雲靜愛僧。  
欲把一麾江海去，樂遊原上望昭陵。

賈生

宣室求賢訪逐臣，賈生才調更無倫。  
可憐夜半虛前席，不問蒼生問鬼神。

漢宮

青雀西飛竟未回，君王長在集靈臺。  
侍臣最有相如渴，不賜金莖露一杯。

李邕

楚望長安人侍御史

宿虛白堂

秋月斜明虛白堂，寒蛩唧唧樹蒼蒼。  
江風徹曉不得寐，二十五聲秋點長。

李洞

文江京兆人唐宗室也

一作才江

送三藏歸西域

十萬里程多少難，沙中彈舌授降龍。  
五天到日應頭



白月落長安半夜鐘

繡嶺宮

春草萋萋春水綠野棠開盡飄香玉繡嶺宮前鶴髮翁猶唱開元太平曲

李拯

昌時隴西人考功郎中一作李極

朝退望終南山

紫宸朝罷綴鸞鸞丹鳳樓前駐馬看惟有終南山色

在清明依舊滿長安

謝云此詩復長安後車駕還京人物蕭條感慨而作唯終南山

舊依

韓偓

寄隣庄道侶

聞說經旬不啓關藥窓誰伴醉開顏夜來雪壓前谿竹剩見谿南幾尺山

襄漢旅道軍後有感

水自潺湲日自斜盡無雞犬有鳴鴉千村萬落如寒食不見人煙空見花

野塘

侵曉乘涼偶獨來不因魚躍見萍開卷荷忽被微風觸瀉下清香露一杯

韋莊

端已杜陵人起居舍人



江上別李秀才

千山紅樹萬山雲把酒相看日又曛一曲離歌兩行淚不知何地再逢君

前年相送霸陵春今日天涯各避秦莫向尊前惜沉醉與君俱是異鄉人

金陵圖

江雨霏霏江草齊六朝如夢鳥空啼無情最是臺城柳依舊煙籠十里堤

謝曰國亡主滅陵谷變遷淮臺城柳必梁朝所種矣

晏起

近來中酒起常遲卧看南山改舊詩開戶日高春未

寔數聲啼鳥上花枝

東陽酒家贈別

天涯方嘆異鄉身又向天涯別故人明日五更孤店月醉醒何處各沾巾

搖落

搖落秋天酒易醒淒淒長似別離情黃昏倚柱不歸去腸斷綠荷風雨聲

鍾離權

咸陽人羽工

題道院

莫怪追歡笑語頻尋思離亂可傷神閒來屈指從頭



數得到清平有幾人

近體五言

玄宗

早度蒲關

鐘鼓嚴更曙山河野望通鳴鑾下蒲坂飛旆入秦中  
地嶮關逾壯天平鎮尚雄春來津樹合月落戍樓空  
馬色分朝景雞聲逐曉風所希常道泰非復侯繻同

蘇頌字子瞻 建郎封許國公謚文憲

奉和登驪山高頂應制

仙蹕御層岑高高積翠分岩聲中谷應天語半空聞

豐樹連黃葉函關入紫雲聖圖恢禹縣歌賦少橫汾

李白

塞下曲

塞虜乘秋下天兵出漢家將軍分虎竹戰士卧龍沙  
邊月隨弓影胡霜拂劍花玉關殊未入少婦莫長嗟

秋思

燕支黃葉落妾望自登臺海上碧雲斷單于秋色來  
胡兵沙塞合漢使玉關回征客無歸日空悲蕙草摧

太原早秋

歲落衆芳歇時當大火流霜威出塞早雲色度河秋



夢遶邊城月心飛故國樓思歸若汾水無日不攸愁

侍從遊宿溫泉宮作

羽林十二將羅列動星文霜仗懸秋月霓旌卷夜雲  
嚴更千戶肅清樂九天聞日出瞻佳氣葱葱遶聖君

過崔八丈水亭

高閣橫秀氣清幽併在君簷飛宛溪水空落敬亭雲  
猿嘯風中斷漁歌月裏聞間隨白鷗去沙上自爲群

觀胡人吹笛

胡人吹玉笛一半是秦聲十月吳山曉梅花落敬亭  
愁聞出塞曲淚滿逐臣纓却望長安道空懷戀主情



水綠南薰殿花紅北闕樓鶯歌聞太夜鳳吹繞瀛洲  
素女鳴珠珮天人弄絲球今朝風日好宜八未央游

其二

柳色黃金嫩梨花白雪香玉樓巢翡翠金殿鎖鴛鴦  
選妓隨雕輦徵歌出洞房宮中誰第一飛燕在昭陽  
送友人尋越中山水

聞道稽山去偏宜謝客才千岩酒落萬壑樹縈迴  
東海橫秦望西陵遶越臺湖清霜鏡曉濤白雪山來  
八月枚乘筆三日張翰杯此中多逸興早晚向天台  
送儲邕之武昌

黃鶴西樓月長江萬里情春風三十度空憶武昌城  
送尔難爲別銜杯惜未傾湖連張樂地山逐泛舟行  
謔謂楚人重詩傳謝朓清滄浪吾有曲寄入棹歌聲

秋日登揚州西陵塔

寶塔凌蒼蒼登攀覽四荒頂高元氣合標出海雲長  
萬象分空界三天接畫梁水搖金剎影日動火珠光  
鳥拂瓊簾度霞連繡拱張目隨征路斷心逐去帆揚  
露浩楸梧白霜催摘柚黃玉毫如可見於此照迷方  
中丞宋公以吳兵三千赴河南軍次潯陽脫余  
之囚叅謀幕府因贈之

572920  
n.9, 1929



獨坐清天下專征出海隅九江皆渡虎三郡盡還珠  
組練明秋浦樓船入郢都風高初選將月滿欲平胡  
殺氣橫千里軍聲動九區白猿慙劍術黃石借兵符  
戎虜行當剪鯨鯢立可誅自非劇孟何以佐良圖

王維

從岐王過楊氏別業應教

楊子談經處淮王載酒過興闌啼鳥緩坐久落花多  
徑轉迴銀燭林開散玉珂巖城時未啓前路擁笙歌  
同崔員外秋宵寓直

建禮高秋夜承明候曉過九門寒漏徹萬井曙鐘多

月迥藏珠斗雲消出絳河更慙衰朽質南陌共鳴珂

早朝

柳暗百花明春深五鳳城城鴉睥睨曉宮井轆轤聲  
方朔金門侍班姬玉輦迎仍聞遣方士東海訪蓬瀛

晚春嚴少尹諸公見過

松菊荒三徑圖書共五車烹葵邀上客看竹到貧家  
雀乳先春草鷺啼過落花自憐黃髮暮一倍惜年華

送東川李使君

萬壑樹參天千山響杜鵑山中一夜雨樹杪百重泉  
漢女輸寶布巴人訟羊田文翁翻教授不敢倚先賢



送楊長使赴果州

褒斜不容幘之子去何之鳥道一千里猿聲十二時  
官橋祭酒客山木女郎祠別後同明月君應聽子規

送友人南歸

萬里春應盡三江鴈亦稀連天漢水廣孤客郢城歸  
郎國稻苗秀楚人菰米肥懸知倚門望遙識老萊衣  
送丘爲下第歸江東

憐君不得意况復柳條春爲客黃金盡還家白髮新  
五湖三畝宅萬里一歸人知爾不能薦羞稱獻納臣  
歸嵩山作

清川帶長薄車馬去閑閑流水如有意暮禽相與還  
荒城臨古渡落日滿秋山遙遙嵩高山一作下歸來且  
閉關

終南山

太乙近天都連山到海隅白雲迴望合青靄入看無  
分野中峯變陰晴衆壑殊欲投人處宿隔水問樵夫  
漢江臨泛

楚塞三湘接荆門九派通江流天地外山色有無中  
郡邑浮前浦波瀾動遠空襄陽好風日留醉與山翁  
送張道士歸山



先生何處去王屋訪茅君別婦留丹訣  
雞入白雲人間若剩住天上復離群  
當作遼城鶴仙歌使爾聞

送李判官赴江東

聞道皇華使方隨皂蓋臣封章通左語  
冠冕化文身樹色分揚子潮聲滿富春  
遙知辨璧吏恩到泣珠人

送嚴秀才還蜀

寧親爲令子似舅即賢甥別路經花縣  
還鄉入錦城山臨青塞斷江向白雲平  
獻賦何時至明君憶長卿

送平淡然判官

不識陽關路新從定遠侯黃雲斷春色  
書爾起邊愁

韓海經年別

一作到

交河出塞流須令外國使知歎月

支頤

送岐州源長史歸

握手一相送心悲安可論秋風正蕭索  
客散子帶門故騎通槐里長亭下槿原  
征西舊旌節從此向河源

山居即事

寂寞掩柴扉蒼茫對夕暉鶴巢松樹遍  
人訪葦門稀嫩竹含新粉紅蓮落故衣  
渡頭燈火起處處采菱歸

冬夜書懷

獨坐悲雙鬢空堂欲二更雨中山果落  
燈下草蟲鳴

崔

卷二

五

青



白髮終難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營面看射鵰處千里暮雲平

過香積寺

不知香積寺數里入雲峰古路無人迹深山何處鐘  
泉聲咽危石日色冷青松薄暮空潭曲安禪制毒龍

遊感化寺

翡翠香烟合瑠璃寶殿平龍宮連棟宇虎穴傍簷楹  
谷靜惟松響山深無鳥聲瓊峯當戶折金澗透林鳴

郢路雲端迥秦川雨外晴鴈王銜果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋一作美擔陪清梵末端坐學  
無生

奉和聖製辛王霄公主山莊因題石壁十韻之

作應制

碧落風煙外瑤臺道路賒如何連帝苑別自有仙家

比一作地廻鸞駕緣溪轉翠華洞中開日月窓裏發

雲霞庭養冲天鶴谿留上漢杏種田生白玉泥竈化

丹砂谷靜泉逾響山深日易斜御羹和石髓香飯進



胡麻大道今無外，長生詎有涯。還瞻九霄上，來往五雲車。

奉和聖製上巳於望春庭觀禊飲應制

長樂青門外，宜春小苑東。樓開萬戶上，輦過百花中。  
畫鷁移仙妓，一作金貂列上公清歌邀落日，妙舞向春風。  
渭水明秦甸，黃山入漢宮。君王來祓禊，灞滻亦朝宗。

送祕書晁監歸日本

積水不可極，安知滄海東。九州何處遠，萬里若乘空。  
向國惟看日，歸途一作但信風驚身。映天黑魚眼，射

波紅。鄉樹扶桑外，主人孤島中。別離方異域，音信若為通。

曉行巴硤

際曉投巴硤，餘春憶帝京。晴江一水浣，朝日衆雞鳴。  
水國舟中市，山橋樹杪行。登高萬井出，眺迥二流明。  
人作殊方語，鶯爲故國聲。一作國聲賴語多山水趣稍解，別離情。

杜甫

送翰林張司馬南海勒碑

相國製文

冠冕通南極，文章落上台。詔從三殿去，碑到百蠻開。



野館濃花發春帆細雨來不知滄海上天遣幾時回

登岳陽樓

唐子西曰岳陽樓詩氣象開放涵蓄深遠殆與洞庭爭雄

昔聞洞庭水今上岳陽樓吳楚東南圻乾坤日夜浮  
親朋無一字老病有孤舟戎馬關山北憑軒涕泗流

登兗州城

東郡趨庭日南樓縱目初浮雲連海岱平野入青徐  
孤嶂秦碑在荒城魯殿餘從來多古意臨眺獨躊躇  
晚出左掖

晝刻傳呼淺春旗簇仗齊退朝花底散歸院柳邊迷  
樓雪融城濕宮雲去殿低避人焚諫草騎馬欲雞西

酬崔十三侍御登玉壘山思故園見寄

玉壘天晴望諸峯盡覺低故園江樹北斜日嶺雲西  
曠野看人小長空共鳥齊山高徒仰止不得日攀躋

春日懷李白

白也詩無敵飄然思不群清新庾開府俊逸鮑參軍  
渭北春天樹江東日暮雲何時一樽酒重與細論文

春望

國破山河在城春草木深感時花濺淚恨別鳥驚心  
烽火連三月家書抵萬金白頭搔更短渾欲不勝簪

獨酌成詩



燈花何太喜酒綠正相親醉裏從爲客詩成覺有神  
兵戈猶在眼儒術豈謀身苦被微官縛低頭愧野人  
春宿左省

花隱掖垣暮啾啾棲鳥過星臨萬戶動月傍九霄多  
不寢聽金鑰因風想玉珂明朝有封事數問夜如何

端午日賜衣

宮衣亦有名端午被恩榮細葛含風軟香羅疊雪輕  
自天題處濕當暑著來清意內稱長短終身荷聖情  
初月

光細弦欲上影斜輪未安微升古塞外已隱暮雲端

河漢不改色關山空自寒庭前有白露暗滿菊花團  
後遊

寺憶曾遊處橋憐再渡時江山如有待花柳更無私  
野潤煙光薄沙暄日色遲客愁金爲減捨此復何之  
漫成

江臯已仲春花下復清晨仰面貪看鳥回頭錯應人  
讀書難字過對酒滿壺頻近識峨眉老知余懶是真  
春夜喜雨

好雨知時節當春乃發生隨風潛入夜潤物細無聲  
野徑雲俱黑江船火獨明曉看紅濕處花重錦官城



草堂即事

荒村建子月獨樹老夫家  
雪裏江船渡風前筴竹斜  
寒魚依密藻宿鷺起圓沙  
蜀酒禁愁得無錢何處賒

客亭

秋窓猶曙色木落更天風  
日出寒山外江流宿霧中  
聖朝無棄物老病已成翁  
多少殘生事飄零任轉蓬

送元二適江左

亂後今相見秋深復遠行  
風塵爲客日江海送君情  
晉室丹陽尹公孫白帝城  
經過自愛惜取次莫論兵

夜宴左氏莊

風林纖月落衣露淨琴張暗  
水流花徑春星帶草堂  
檢書燒燭短看劍引盃長  
詩罷聞吳詠扁舟意不忘

江漢

江漢思歸客乾坤一腐儒  
片雲天共遠永夜月同孤  
落日心猶壯秋風病欲蘇  
古來存老馬不必取長途

野望

清秋望不極迢遞起層陰  
遠水兼天淨孤城隱霧深  
葉稀風更落山迥日初沉  
獨鶴歸何晚昏鴉已滿林

天河

當時任顯晦秋至最分明  
縱被微雲掩終能永夜清



含星動雙闌伴月落邊城牛女年年度何曾風浪生

別房大尉墓

他鄉復行役駐馬別孤墳近淚無乾土低空有斷雲

劉云鍾情若語著低近對墓陪謝傳把劍覓徐君惟二字惟孟東野有之

見林花落鶯啼送客聞劉云好景凄絕

月

天上秋期近人間月影清入河蟾不沒搗藥免長生

只益丹心苦能添白髮明干戈知滿道休照國西營

洞房

洞房環珮冷玉殿起秋風泰地悲新月龍池滿舊宮

繫舟今夜遠清漏往時同劉云意限言外萬里黃山北圍陵

白露中劉云語不迫切而意獨至悲慨滿目然不低回故自可傷

曉望

白帝更聲盡陽臺曙色分高峯上寒日疊嶺宿靈雲

地坼江帆隱天清木葉聞劉云語至不耳可解則妙耳荆扉對麋鹿

應共爾為群

夜

絕岸風威動寒房燭影微嶺猿霜外宿江鳥夜深飛

獨坐親雉劍哀歌嘆短衣煙塵繞閭闔白首壯心盡

擣衣

卷二 青冢中



亦知成不返秋至拭清砧已近苦寒月况經長別心  
寧辭搗衣倦一寄塞垣深用盡閨中力君聽空外音

秦州雜詩

秦州城北寺傳是隗囂宮苔蘚山門古丹青野殿空  
月明垂葉露雲逐渡溪風清渭無情極愁時獨向東

其二

滿目悲生事因人作遠遊遲迴度隴怯浩蕩及關愁  
水落魚龍夜山空鳥鼠秋西征問烽火心折此淹留  
旅夜書懷

細草微風岸危檣獨夜舟星垂平野闊月湧大江流

名豈文章著官應老病休飄飄何所似天地一沙鷗

江亭

坦腹江亭煖長吟野望時水流心不競雲在意俱進  
寂寂春將晚欣欣物自私故林歸未得排悶強裁詩

天末懷李白

涼風起天末君子意如何鴻鴈幾時到江湖秋水多  
文章憎命達魑魅喜人過應共冤魂語投詩贈汨羅

千秋節有感

自罷千秋節頻傷八月來先朝常宴會壯觀已塵埃  
風紀編生日龍池塹劫灰湘川新涕淚秦樹遠樓臺



寶鏡羣臣得金吾萬國廻衢樽不重飲白首獨餘哀

九日

故里樊川菊登高素澹源他時一笑後今日幾人存  
巫峽蟠江路終南對國門繫舟身萬里伏枕淚雙痕  
爲客裁烏帽從兒具綠樽佳辰對羣盜愁絕更堪論

重經昭陵

草昧英雄起謳歌曆數歸風塵三尺創社稷一戎衣  
翼亮貞文德丕承哉武威聖圖天廣大宗祀日光輝  
陵寢盤空曲能罷守翠微再覩松柏路還見五雲飛

太歲日

楚岸行將老巫山坐復春病多猶是客謀拙竟何人  
閭闔開黃道衣冠拜紫宸劉云等榮光懸日月賜予  
出金銀愁寂鴛行斷參差虎穴鄰西江元下蜀北斗  
故臨秦散地逾高枕生涯脫要津天邊梅柳樹相見  
幾回新

哭李尚書

漳濱與萬里逝水竟同年欲挂留徐劍猶迴憶戴船  
相知成白首此別間黃泉風雨嗟何及江湖涕泫然  
脩文將管輅奉使失張騫史閣行人在詩家秀句傳  
客亭鞍馬絕旅櫬網蟲懸復魄昭丘遠歸魂素澹偏



樵蘇封葬地喉舌罷朝天秋色凋春草王孫若箇邊

謁先王廟

慘澹風雲會乘時各有人力侔分社稷志屈偃經綸

劉云來得渾渾有無限可感開基孝世君臣心事憂不分遠近不立賓主老人人口老人耳彷彿盡之

漢留長策中原仗老臣雜畔心未已嘔血事酸辛霸

氣西南歇雄圖曆數屯劉云寂寞錦江元過楚劍閣

復通秦劉云分之未幾而復合于彼舊俗存祠廟空傷痛無如此兩語舊解誤甚

山立鬼神虛蒼交鳥道枯木半龍鱗劉云寂寞竹迳

清溪月苔移玉座春閨閨兒女換歌舞歲時新絕域

歸舟遠荒城繫馬頻如何對搖落况乃久風塵劉云十字

開合古今孰與關張金功臨耿鄧親應天才不小劉云使

天運元德才亦豈小哉得士契無隣劉云謂武侯相得無遲莫

堪帷幄飄零且釣緝劉云其自向來憂國淚寂寞洒

衣巾劉云首尾曲折句句典實有味真大手真蜀先王廟詩評意者合

授贈哥舒開府翰二十韻

今代麒麟閣何人第一功君王自神武駕馭必英雄

劉云頌贊有休得故事外意開府當朝傑論兵邁古風先鋒百勝

在略地兩隅空青海無傳箭天山早挂弓廉頗仍走

敵魏絳已和戎每惜河湟棄新兼節制通智謀垂睿

想出入冠諸公日月低秦樹乾坤遶漢宮劉云此語在授贈中



有若鋪寫官闕則胡人愁逐北宛馬又從東受命

邊沙遠歸來御席同軒墀曾寵鶴劉云寵鶴衛懿公

夫改獵舊非能劉云謂得之微賤詩中開茅土加名

數山河誓始終策行遺戰伐契合動昭融勲業青冥

上交親氣槩通未為珠履客已見白頭翁壯節初題

柱生涯獨轉蓬幾年春草歇今日暮途窮軍事留孫

楚行間識呂蒙防身一長劍將欲倚崆峒劉云歸倚

上青左丞

鳳曆軒轅紀龍飛四十春八荒開壽域一氣轉洪鈞

霖雨思賢佐丹青憶老臣應圖求駿馬驚代得麒麟

沙汰江河濁調和鼎鼐新常賢初相漢范叔已歸秦

盛業今如此傳經固絕倫豫樟深出地滄海闊無津

北斗司喉舌東方領縉紳持衡留藻鑑聽履上星辰

獨步才超古餘波德照鄰聰明過管輅尺牘倒陳遵

豈是池中物由來席上珍廟堂知至理風俗盡還淳

才傑俱登用愚蒙但隱淪長卿多病久子夏索居貧

回首驅流俗生涯似衆人巫咸不可問鄒魯竟容身

感激時將晚蒼茫興有神為公歌此曲涕淚在衣巾

寄李十二白

昔年有狂客號爾謫仙人筆落驚風雨詩成泣鬼神



聲名從此大汨沒一朝伸文彩承殊渥流傳必絕倫  
龍舟移棹晚獸錦奪袍新白日來深殿青雲滿後塵  
乞歸優詔許遇我宿心親未負幽棲志兼全寵辱身  
劇談憐野逸嗜酒見天真醉舞梁園夜行歌泗水春  
才高心不展道屈善無鄰處士禰衡俊諸生原憲貧  
稻粱求未足蕙艾謗何頻五嶺炎蒸地三危放逐臣  
幾年遭鵬鳥獨泣向麒麟蘇武先還漢黃公豈事秦  
楚筵辭醴日梁獄上書辰已用當時法誰將此義陳  
老吟秋月下病起暮江濱莫在恩波隔乘槎與問津

韓休

太子少師長安人

奉和御製平胡

南牧正紛紛長河起塞氛玉兵徵選士金鉞拜將軍  
疊鼓搖邊吹連旌暗朔雲妖星乘夜落害氣入朝分  
始見幽峰警俄看烈火焚功成奏凱樂戰罷策歸勳  
盛德陳清廟神謨屬大君叨榮逢偃伯率舞詠時文  
常應物

奉送從兄宰晉陵

東郊暮草歇千里暮雲生立馬愁將夕看山獨送行  
依微吳苑樹迢遞晉陵城慰此斷行別邑人多頌聲  
送汾城王主簿



少年初帶印汾上又經過芳草歸時徧情人故郡多  
禁鐘春雨細宮樹野煙和相望東橋別微風起夕波

送榆次林明府

無差千里遠亦是宰王畿策馬雨中去逢人關外稀  
邑傳榆石在路遶晉山微別思方蕭索秋風一葉飛

送元倉曹歸廣陵

官閒得去住告別戀音微舊國應無業他鄉到已歸  
楚山明月滿淮甸夜鍾微何處孤舟泊遙遙心曲違

賦得暮雨送李胄

楚江微雨裏建業暮鐘時漠漠帆來重宜宜鳥去遲

海門深不見浦樹遠含滋相送情無限沾襟比散絲  
送崔押衙赴相州

禮樂傳家子英豪燕趙風驅雞管理邑走馬却從戎

白刃千夫闢黃金四海同嫖姚恩顧下諸將指揮中  
別路怜芳草歸心伴塞鴻鄴城新騎滿魏帝舊臺空

望闕應懷戀遭時貴立功萬方如已靜何處欲輸忠

竇叔向

遺直扶風人左  
拾遺內供奉

春日早朝應制

紫殿俯千官春松應合歡御爐香燄暖馳道玉聲寒  
乳燕翻珠綴祥鳥集露盤宮花一萬樹不敢舉頭看



寶常

北固晚眺

水國芒種後梅天風雨涼露凝開晚簇江燕語危檣  
山址北來固潮頭西去長年年此登眺人事幾消亡  
白居易

池上

嫋嫋涼風動淒淒霜露零蘭衰花始白荷破葉猶青  
獨立樓沙鷗雙飛照水螢若爲寥落境仍值酒初醒

李洞

送僧還南海

春往海南邊秋聞半夜蟬鯨吞洗鉢水犀觸點燈船  
鳥與分諸國星河共一天長安却回日松偃舊房前  
于武陵一作會昌人

長信宮

簾涼秋氣初長信恨何如拂黛月半指解鬟雲滿梳  
一從悲畫扇幾度泣前魚坐聽南宮樂清風搖翠裾

其二

一失輦前恩羅衣生暗塵唯應清夜月獨伴向愁人  
長信翠娥老昭陽紅粉新君心似秋節不使草長春  
客中



楚人歌竹枝游子淚沾衣異國久爲客寒宵頻夢歸  
一封書未返千樹葉皆飛南過洞庭水更應消息稀

南游有感

杜陵無厚業不得駐車輪重到曾游處多非舊主人  
東風千里樹西日一洲蘋又度湘江去湘江水復春  
友人南遊不還

相思春樹綠千里客依依鄴杜月頻滿瀟湘人未歸  
桂花風半落煙草蝶雙飛一別無消息水南蹤跡稀

李咸用

隴西人  
推官

春日

浩蕩東風裏徘徊無所親危城三面水古木一邊春  
衰世難行道花時不稱貧滔滔天下者何處問通津

江行

瀟湘無事後征棹復嘔啞高岫留殘照歸鴻皆落霞  
魚依沙岸草蝶寄汀流槎共說干戈苦汀洲減釣家

近體七言

常元旦

京兆萬年人  
中書舍人

興慶池侍燕應制

正聲誤作  
宋之問

滄池潏沕帝城邊殊勝昆明鑿漢年夾岫旌旂疏輦  
道中流簫鼓振樓船雲峯四起迎宸幄水樹千重入



御筵宴樂已深魚藻味承恩更欲奏甘泉

蘇頌

侍燕安樂公主新宅應制

駸駸羽騎歷城池帝女樓臺向晚披露洒旌旗雲外  
出風迴岩岫雨中移當軒半落天河水迤徑全低月  
樹枝簫鼓宸遊陪宴日和鳴雙鳳喜來儀

奉和春日幸望春宮應制

東望望春春可憐更逢晴日柳含煙宮中下見南山  
盡城上平臨北斗懸細草偏承迴輦處輕花故落舞  
觴前宸遊對此歡無極鳥吟歌聲雜管絃

李白

劉後村云古人賦善李白登黃鶴樓有眼前  
橫道不得催題詩在上頭之句至金陵

乃作鳳凰臺以  
擬之真敵手也

登金陵鳳凰臺

范公孫臨詩首尾好結  
更無此七言律同法者

鳳凰臺上鳳凰遊鳳去臺空江自流吳宮花草埋幽  
徑晉代衣冠成古丘三山半落青天外一水中分白  
鷺洲總為浮雲能蔽日長安不見使人愁

送賀監歸四明應制

久辭榮祿遂初衣曾向長生說息機真訣自從茅氏  
得恩波應阻洞庭歸瑤臺含霧星辰滿仙嶠浮空島  
嶼微情問欲栖珠樹鶴何年却向帝城飛

屋  
卷二  
清  
習  
中  
堂



別中都兄明府

吾兄詩酒繼陶君試宰中都天下聞東樓喜奉連枝  
會南陌愁爲落葉分城隅綠水明秋日海上青山隔  
暮雲取醉不辭留夜月鴈行中斷惜離群

鸚鵡洲

鸚鵡來過吳江水江上洲傳鸚鵡名鸚鵡西飛隴山  
去芳洲之樹何青青煙開蘭葉香風暖岸夾桃花錦  
浪生遷客此時徒極目長洲孤月向誰明

餘謂情景終覺豪勝此以正平正平看

王維



露葵野老與人爭席罷海鷗何事更相疑

送楊少府貶郴州

明到衡山與洞庭若爲秋月聽猿聲愁看北渚三湘  
遠惡說南風五兩輕青草瘴時過夏口白頭沙裏出  
湓城長沙不久留才子賈誼何須吊屈平

勅借岐王九成宮避暑

帝子遠辭丹鳳闕天書遙借翠微宮隔窓雲霧生衣  
上卷幔山泉入鏡中林下水聲喧語笑巖前樹色隱  
房櫳仙家未必能勝此何處一作吹簫向碧空

春日與裴迪過新昌里訪呂逸人不遇



楓源面面少風塵  
柳市南頭訪隱淪  
到門不敢題凡  
鳥看竹何須問  
主人城外青山如  
屋裏東家流水入  
西隣  
閉戶著書多歲月  
種松皆作老龍鱗

酌酒與裴迪

酌酒與君君自寬  
人情翻覆似波瀾  
白首相知猶按  
劍朱門先達笑彈冠  
草色全經細雨濕  
花枝欲動春風寒  
世事浮雲何足問  
不如高卧且加餐

杜甫

秋興  
劉云八詩大體悲雄富麗哀傷無復畫本  
玉露凋傷楓樹林  
巫山巫峽氣蕭森  
江間波浪兼天

湧塞上風雲接地陰  
叢菊兩開它日淚

劉云此孤舟七字拙

一繫故園心  
寒衣處處催刀尺  
白帝城高急莫砧

夔府孤城落日斜  
每依北斗望京華  
聽猿實下三聲

淚  
劉云奉使虛隨八月槎  
畫省香爐遠伏枕  
山樓粉

堞隱悲笳  
請看石上藤蘿月  
已映洲前蘆荻花

千家山郭靜朝暉  
日日江樓坐翠微  
信宿漁人還汎汎

汎  
劉云汎汎清秋燕子故飛飛  
匡衡抗疏功名薄  
劉向傳經心事違

亦莫知其意之所在落落自可  
學少年多不賤  
五陵衣馬自輕肥

聞道長安似奕碁  
百年世事不勝悲  
王侯第宅皆新



主文武衣冠異昔時直北關山金鼓振征西車馬羽  
書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王

母東來紫氣滿函關劉云律句有此自覺雄渾雲移雉尾開宮扇

日繞龍鱗識聖顏一卧滄江驚歲晚幾回青瑣點朝

班

昆明池水漢時功武帝旌旗在眼中織女機絲虛夜

月石鯨鱗甲動秋風波漂菰米沉雲里露冷蓮房墜

粉紅關塞極天唯鳥道江湖滿地一漁翁

瞿塘峽口曲江頭萬里風煙接素秋花萼夾城通御

氣芙蓉小苑入邊愁

劉云兩句寫幸蜀之悲懷故京之思不分遠近如將見其實

珠簾繡柱圍黃鵠錦纈牙樯起白鷗迴首可憐歌舞

地秦中自古帝王州

昆吾御宿自逶迤紫閣峯陰入漢陂香稻啄餘鸚鵡

粒碧梧棲老鳳凰枝劉云語有悲慨可念佳人拾翠春相問仙

侶同舟晚更移劉云甚有風韻綠筆肯曾干氣象白頭

吟望苦低垂

紫宸殿退朝口號

戶外昭容紫袖垂雙瞻御座引朝儀香飄合殿春風

轉花覆千官淑景移畫漏稀聞高閣報天顏有喜近



臣知宮中每出歸東省會設襲龍集鳳池

和賈至舍人早朝

五夜漏聲催曉箭九重春色醉仙桃旌旗日暖龍蛇動  
宮殿風微燕雀高朝罷香煙携滿袖詩成珠玉在揮毫  
欲知世掌絲綸美池上于今有鳳毛

宣政殿退朝晚出左掖

天門日射黃金榜春殿晴曛赤羽旗宮草菲菲承委  
珮爐煙細細駐遊絲雲近蓬萊常五色雲殘鳩鵲亦  
多時劉云佳處侍臣緩步歸青瑣退食從容出每遲

王基觀滕王造

中天積翠玉臺遙上帝高居絳節朝遂有馮夷來擊  
鼓始知羸女善吹簫江光隱顯鼉鼉窟石勢參差鳥  
鵲橋劉云雖是江更有紅顏生羽翰便憑黃髮老漁  
樵

登樓

花近高樓傷客心萬方多難此登臨錦江春色來天  
地玉壘浮雲變古今石林詩話云七言難於氣象雄渾  
句中有力量而紆餘不失言外之意者自老杜錦江王  
壘之後常恨無復繼者北極朝廷終不改西山寇盜  
莫相侵可憐後主還祠廟日暮聊爲梁甫吟劉云先  
主廟守  
乃亦有後主此亡國者何足祠徒使人思諸葛涼  
父之恨而已梁甫吟亦興廢之感也武侯以之



蜀相

丞相祠堂何處尋  
錦官城外柏森森  
映階碧草自春  
色隔葉黃鸝空好音  
三顧頻繁天下計  
兩朝開濟老臣心  
出師未捷身先死  
長使英雄淚滿襟

一淚矣又云寫得使人不忍讀故以爲至又云千年遺下此語使人意傷

野老

野老籬前江岸迴  
柴門不正逐江開  
漁人網集澄潭下  
賈客船隨返照來

劉云此等亦與人意無異也

長路關心悲劒閣  
片雲何意傍琴臺

秋生畫角哀

公自註云得柳城關

送韓十四江東省觀

兵戈不見老萊衣  
嘆息人間萬事非  
我已無家尋弟妹  
君今何處訪庭闈  
黃牛峽靜灘聲轉  
白馬江寒樹影稀  
此別應須各努力  
故鄉猶恐未同歸

夜

露下天高秋水清  
空山獨夜旅魂驚  
疎燈自照孤帆宿  
新月猶懸雙杵鳴  
南菊再逢人卧病  
北書不至雁無情  
步簷倚杖看牛斗  
銀漢遙應接鳳城

詠懷古跡

群山萬壑赴荆門  
生長明妃尚有村

劉云起一去紫



臺連朔漠留青塚向黃昏畫圖省識春風面環珮  
空歸月夜魂千歲琵琶作胡語分明然恨曲中論

諸葛大名垂宇宙宗臣遺像肅清高三分割據紆籌  
策萬古雲霄一羽毛伯仲之間見伊呂指揮若定失

蕭曹劉云兩語氣緊別是掩上句之勞運移漢祚終

難復志决身殲軍務勞

閣夜

歲暮陰陽催短景天涯霜雪霽寒霄五更鼓角聲悲  
壯三峽星河影動搖野哭千家聞戰伐夷歌幾處起  
漁樵卧龍躍焉終黃土人事音書謾寂寥劉云第三四句對

自是無窮  
俯仰之悲

返照

楚王宮北正黃昏白帝城西過雨痕返照入江翻石  
壁歸雲擁樹失山村劉云字著意衰年肺病唯高枕絕塞

愁時早閉門不可久留豺虎亂南方實有未招魂劉云

語不輕易  
感慨更多

九日登高

風急天高猿嘯哀渚清沙白鳥飛迴無邊落木蕭蕭

下不盡長江滾滾來劉云雄暢萬里悲秋常作客百年

多病獨登臺艱難苦恨繁霜鬢潦倒新停濁酒杯劉云



結復  
鄭重

曲江

一片花飛減却春風飄萬點正愁人且看欲盡花經

眼莫厭傷多酒入唇劉云小縱綈墨最是傾江上小

堂巢翡翠苑邊高塚卧麒麟警策之至可以動田推悟不特麗句而已細推

物理須行樂何用浮名絆此身方虛谷云起二句絕妙一片花飛且不可

而况於萬點手五六離亂

九國宴藍田崔氏莊

老去悲秋強自寬興來今日盡君歡羞將短髮還吹

帽笑倩傍人爲正冠藍水遠從千澗落玉山高

寒明年此會知誰健醉把茱萸仔細看

小寒食舟中作

佳晨強飲食猶寒隱几蕭條戴鶻冠春水船如天上

坐老年花似霧中看劉云意雖索實語不寒儉娟娟戲蝶過閒慢

片片輕鷗下急湍雲白山青萬餘里愁看直北是長

安

李益

送賈校書東歸寄振上人

北風南鴈數聲悲况指前林是別時秋草不堪頻送

遠白雲何處更相期山隨匹馬行看暮路入寒城獨



去遲爲向陳故人道江淹已擬惠休詩

過九原飲弄泉

綠楊着水草如煙舊是胡兒飲馬泉幾處吹笳明月  
夜何人倚劒白雲天從來凍合關山道今日分流漢  
使前莫遣行人照容髮恐驚憔悴入新年

竇叔向

夏夜宿表兄宅話舊

夜合花開香滿庭夜深微雨醉初醒遠書珍重何曾  
達舊事淒涼不可聽去日兒童皆老一作長大昔年親  
友半凋零明朝又是孤舟別愁見河橋酒幔青

竇常

赴武陵寒食次松滋渡

杏花榆莢曉風前雲際離離上峽船江轉數程淹驛  
騎楚曾三戶少人煙看春又過清明節笑老重經癸  
巳年幸在杜山當郡舍在朝長詠卜居篇

白居易

尋郭道士不遇

郤中乞假來尋訪洞裏朝元去不逢看院只留鸞  
鶴入門唯見一青松藥爐有火丹應伏雲碓無人水  
自舂欲問參同契中事未知何日得相從



杜牧

九日齊山登高

江涵秋影鴈初飛，與客攜壺上翠微。  
人世難逢開口笑，菊花須插滿頭歸。  
但將酩酊酬佳節，不用登臨怨落暉。  
古往今來只如此，牛山何必獨沾衣。

題宣城開元寺閣

六朝文物草連空，天淡雲開今古同。  
鳥去鳥來山色在，人歌人哭水聲中。  
深秋簾幕千家雨，落日樓臺一笛風。  
惆悵無因見范蠡，參差煙樹五湖東。

寄題甘泉寺北軒

曾上蓬萊宴裏行，北軒闌檻最留情。  
孤高堪弄桓伊笛，鏘鏘直聞子晉笙。  
天接海門秋水色，煙籠隋苑暮鐘聲。  
他年會著荷衣去，不向山僧道姓名。

李郢

江亭春霽

江離漠漠荇田田，江上雲亭霽景鮮。  
蜀客帆樯持歸燕，楚山花木怨啼鶯。  
春風掩映千門柳，曉色淒涼萬井煙。  
金磬泠泠水南寺，上方臺殿翠微連。

江上逢王將軍

鳳翥樵悴羽林郎，曾入甘泉侍武皇。  
鵬沒夜雲知御



苑馬隨春仗識天香五湖歸去孤舟月六國平來兩  
鬢霜惟有桓伊江上笛卧吹三弄送斜陽

送人之嶺南

關山迢遞古交州歲晏憐君走馬遊謝氏海邊逢姪  
女越王潭上見青牛嵩臺月照啼猿樹石室煙涵古  
桂秋回望長安五千里刺洞花下莫淹留

雍音卷之二

成紀緱鎮邦校并書



雍音目錄卷之三



外編

天水胡纘宗編次

古體四言

韋玄成二首

秦嘉二首

傅毅一首

傅玄一首

又首補見後

摯虞二首

傅咸六首

傅亮一首

樂府

四皓一首

京兆民三首

白渠民一首

隴城民一首

傅玄六首

辛德源三首



韋式 一首

同谷子 一首

李薦 一首

楊奐 二首

馬祖常 二首

外編云者於諸先正非敢有所軒輊也特以雍詩錄有未盡檢有未及者續輯而類編之云爾雖樸不皆蘇李渾不皆李杜澹不皆王韋視今之詩何啻冠履且中有一人一首者亦不復加選古體四言復得八首有樂府復得廿有四首古體五言復得一百十有八首七言復得罕有交首圖而雍有詩矣雍首目錄卷之三 終南路信太華張光孝校讐

雍音卷之三



外編

古體四首

天水胡繼宗編次

常玄成

少卿平陵人父賢後十年繼父相位封侯

自効詩

少卿繼相封侯後十年繼父相位封侯詩著復玷缺之難難以戒示子孫

赫矣我祖侯于豕韋賜命建伯有殷以綏厥績既昭車服有常朝宗商邑四牧翔德之令顯慶流于裔宗周至漢群后歷世肅肅楚傳輔翼元夷厥駟有庸惟慎惟祗嗣王孔佚越遷于邠五世曠寥至我節侯惟我節侯顯德遐聞左右以訓既苟致位



諭蒙

大盈卑百瀆自成浮天潯崇丘下累塊竟為蔽日深  
王者在譙小風惟堯禹心拜言寧賢仁慎德棄珠金  
自滿九族散匪驕百善尋炳茲夏商鑒滅國因今滌

王陶

樂通萬年人觀文殿學士  
贈吏部尚書謚文恪

豪俠嘆一作異服

辛有歎被髮趙靈喜胡服遂成陸渾戎終有沙丘辱  
用爰及變夏亡禮以從俗先王仁義術詎用比求福  
齊桓九合功不以兵車轂仲尼歎微管幾為左衽辱  
爾來豪俠兒往往異裝束耀武何必然禦戎有前躅



何妥 一首

竇威 一首

郭子儀 二首

牛僧孺 一首

于邵 一首

白居易 一首

李廓 一首

寇準 一首

古體五言

李陵 六首

蘇武 二首

秦嘉 三首

徐淑 一首

天水民 一首

趙壹 二首

傅玄 五首

又首補陰鏗 六首

顏之推 二首 補

唐太宗 三首

又三首 補見後

玄宗 一首

德宗 一首

王珪 一首

喬知之 一首

又二首 補

田遊巖 一首

李適 二首

于志寧 一首 補

令狐得蔡 一首

補

蘇頲 二首

又二首 補

韋元旦 一首

韋述 一首

李白 七首

補

杜甫 三首

補

王縉 一首

裴迪 一首

吳筠 五首

又八首 補見後

韋應物 三首

補

57292.0  
n.g. 1939



李幼卿一首

竇參一首

李益六首

權德輿七首

長孫佐輔一首

楊於陵一首

許孟容一首

馮伉一首

白居易二首

李賀二首

杜牧一首

于頔三首

張孜一首

咸陽僕一首

李建勳一首

張載一首

韓王一首

种放二首

王陶一首

李薦一首  
虞集一首

古體七言

李陵一首

梁鴻二首

傅玄一首

蘇蕙一首  
辛酉圖

唐玄宗二首

喬知之二首  
又二首  
補後

富嘉謀一首

蘇源明一首

嚴武一首

李白二首

杜甫一首

常應物三首  
又一首  
補

李益三首

長孫佐輔一首

權德輿四首

李賀一首

白居易三首

杜牧一首



嗟我後人命其靡常靖享爾位瞻仰靡荒慎爾會同  
戒爾車服無媚爾儀以保爾域爾無我親不慎不整  
我之此復惟祿之幸於戲後人惟肅惟栗無忝顯位  
以蕃漢室

秦嘉

士會隴西人郡上掾

贈婦

曖曖白日引曜西傾秋秋鷄雀群飛赴楹皎皎明月  
煌煌列星嚴霜悽愴飛雪覆庭寂寂獨居寥寥空室  
飄飄桂帳熒熒華燭爾不是居帷帳何施爾不是照  
華燭何爲

述婚

羣祥既集二族交歡敬茲新姻六禮不愆羔鴈總備  
玉帛交交君子將事威儀孔閑猗兮容兮穆矣其言  
紛彼婚姻禍福之由衛女興齊褒姒滅周戰兢兢  
懼德不仇神啓其吉果獲令攸我之愛矣荷天之休

傳毅

武仲拔風人蘭臺令史

迪志詩

咨爾庶士迨時斯勗日月逾邁豈云旋復哀我經營  
膂力靡及在茲弱冠靡所樹立於赫我祖顯于殷國  
貳迹阿衡克光其則武丁興商伊宗皇士爰作股肱



惟懿惟奭厥賜祁祁百金泊館國彼扶陽在京之東  
惟帝昌之聖政謀是從繹繹六轡是列是理威儀濟濟  
朝享天子天子穆穆是宗是師四方遐邇觀國之輝  
茅土之繼在我俊兄惟我俊兄是讓是刑於休厥德  
於赫有聲致我小子越雷於京惟我小子不肅會同  
嬭彼車服黜此附庸赫赫顯爵自我隊之微微附庸  
自我招之誰能忍媿寄之我顏誰將遐征從之夷蠻  
於赫三事匪俊匪作於蔑小子終焉其度誰謂華高  
企其齊而誰謂德難厲其庶而嗟我小子于貳其尤  
隊彼令聲申此擇辭四方群后我見我視威儀車服

唯肅是履

戒子孫詩

於肅君子既令儀德服此溫恭棣棣其則咨予小子  
既德靡逮曾是車服恭嫚以隊明明天子俊德烈烈  
不遂我遺恤我九列我既茲恤惟夙惟夜畏忌是申  
供事靡愒天子我監登我三事顧我傷隊爵復我舊  
我既此登望我舊階先后茲度連連孔懷司直御事  
我熙我盛群公百僚我嘉我慶于異卿士非同我心  
三事惟艱莫我肯矜赫赫三事力雖此畢非我所度  
退其罔日昔我之隊畏不此居今我度茲戚戚其懼



萬邦是紀奕世載德迄我顯考保膺淑懿續脩其道  
漢之中葉俊乂式序秩彼殷宗光此勲緒伊余小子  
穢陋靡逮懼我世烈自茲以墜誰能革濁清我濯漑  
誰能昭闇啓我童昧先人有訓我訊我誥訓我嘉務  
誨我博學爰率朋友尋此舊則契濶夙夜庶不懈忒  
秩秩大猷紀綱庶式匪勤匪昭匪壹匪測農夫不怠  
越有黍稷誰能云作考之居息二事敗業多疾我力  
如彼遵衢則罔所極貳志靡成聿勞我心如彼兼聽  
則溷於音於戲君子無恒自逸徂年如流鮮茲暇日  
行邁屢稅胡能有迄密勿朝夕聿同始卒

服驥參驤華初星肅肅臣僕暉光顯赫衆目所屬  
斯之弗稱匪榮伊辱實尚甫受任膺揚德非樊仲  
王命是將百城或蕞無能有匡一州之矜將弛其綱  
得意忘言言在意後夫惟神交可以長久我心之孚  
有盈于缶與子偕老豈曰執手出司萬里牧彼朔濱  
服冕乘軒六轡既均威風先邁百城肅震

贈建平太守李叔龍詩

弘道興化實在良守悠悠建平皇澤未流朝選於衆  
乃子之授南子是佐增衮是綍

答藥弘詩



鍾平作宰是貴是欽  
予旌仍招嘉命胥尋  
鸞鳳養儀戢翼幽  
林未附雅調以和韶  
音鍾平遐逝厲志彌  
深肅肅京司清風裁  
邁乃延群彥龍集鳳  
會亦既斯降萬里有  
賴聲發響應好結傾  
蓋

答潘尼詩

貽我妙文繁春之榮  
匪榮斯尚乃新其聲  
吉甫作頌有復且馨  
寔由樊仲其德克明  
授此瓦礫則彼瑤瑤  
貺非其喻聞寵若驚

摯虞

件洽長安光祿卿

雍州詩

於皇先王經起九有  
有州惟雍居京之右  
土載輿區山包神藪  
嘉生惟繁庶類伊阜  
悠悠州域有華有戎  
外接皮服內含岐豐  
周餘既沒夷德未終  
莫不慕義易俗移風

答杜育

越有杜生既文且哲  
龍躍穎豫有聲彰澈  
賴玄二益如琢如切  
好以義結友以文會  
豈伊在高分定傾蓋  
其人如玉美彼生芻  
鐘鼓匪樂安用百壺  
老夫濯濯離群索居  
懷戀結好心焉悵如

傅亮

季友靈州人書舍



從征詩

息徒西楚佇挹舊鄉止猶岳立動則雲翔烈烈群歸  
尾言啓行汎舟掩河秣馬登臺

牛弘里仁安定人  
吏部尚書

春祈社歌

厚地開靈方壇崇祀建以風露樹之松梓勾萌既出  
芟秣伊始恭祈衆盛孝膺休祉

春祈稷歌

粒食興教播厥有先尊神致繁報本惟虔瞻榆東阜  
望杏開田方憲補符詠豐年

補

傳玄

饗神歌

天祚有晉其命惟新受終于魏奄有兆民燕及皇人  
懷柔百神不顯遺烈之德之純享其玄牡式用肇經  
神祇來絡福祿是臻

樂府

四皓

唐宣明東園公崔廣夏黃公吳實綺里季

周術角里先生皆年八十餘須眉皓  
白初爲秦博士避世隱居商山

采芝操



皓天嗟嗟深谷逶迤樹木莫莫高山崔嵬巖居穴處  
以為幄茵晔晔紫芝可以療饑唐虞往矣吾當安歸

京兆民

五侯歌成帝時

五侯初起曲陽取怒壞决高都連竟外杜土山漸臺

西白虎

高都外杜皆長安里名

牢石歌元帝時

牢邪石邪五鹿客邪印何囁囁綬若若邪中書令石顯僕射牢

梁少府五鹿充宗

鮑司隸歌樂府廣題曰鮑宣子永孫墨皆為司隸而乘一駟馬京師人歌之

鮑氏駢三人司隸再入公馬雖瘦行步工

白渠民

白渠歌太始二年

田於何所池陽谷口鄭國在前白渠起後舉市如雲  
决渠為雨涇水一石其泥數斗且溉且糞長我禾黍  
衣食京師億萬之口衣食皆去聲

隴城民

隴上歌安善於撫接事險與衆同之及其死隴上為之歌劉曜聞而嘉傷令樂府歌之

隴上壯士有陳安軀幹雖小腹中寬愛養將士同心  
肝驕驄父馬鐵瑕鞍七尺大刀奮如湍丈八蛇矛左



右盤十盪十決無當前戰始三交失蛇矛棄我驍  
竄巖幽爲我外援而懸頭西流之水東流河一去不  
還柰子何

傅玄

豔歌行

日出東南隅照我秦氏樓秦氏有好女自字爲羅敷  
首戴金翠飾耳綴明月珠白素爲下裙丹霞爲上襦  
一顧傾朝市再顧國爲虛問女居安在堂在城南居  
青樓臨大巷幽門結重樞使君自南來駟馬立踟蹰  
遣吏謝賢女豈可用行車斯女長跪對使君言何殊

使君自有婦賤妾有鄙夫天地正厥位願君改其圖

短歌行

長安高城曾樓亭亭千雲四起上貫天庭蜉蝣何整  
行如軍征蟋蟀何感中夜哀鳴此蜉蝣樂繁榮其榮  
寢寢念之誰知我情昔君視我如掌中珠何意一朝  
棄我溝渠昔君與我如影如形何意一去心如流星  
昔君與我兩心相結何意今日忽然兩絕

西長安行

所思兮何在乃在西長安何用存問妾香橙雙珠環  
何用重存問羽爵翠琅玕今我兮問君更有兮異心



香亦不可燒環亦不可沉香燒日有歇環沉日自深

秋蘭篇

秋蘭蔭玉池池水且芳香芙蓉隨風發中有雙鴛鴦  
雙魚自湧濯兩鳥時迴翔君其一作期歷九秋與妾同  
衣裳

秋胡行

秋胡納令室三日官他鄉皎皎潔婦姿泠泠守室房  
燕婉不終夕別如參與商憂來徂四海易感難可防  
人言生曰短愁者苦夜長百草揚春華懷腕採柔桑  
素手尋繁枝落葉不盈筐羅衣繫玉體回目添朱華

君子倦仕歸車馬如龍驤精誠馳萬里既去兩相忘  
行人悅令顏借息此樹傍誘以逢卿喻遂下黃金裝  
烈烈貞女忿言辭厲秋霜長驅及居室奉金升北堂  
毋立呼婦來歡情樂未央秋胡見此婦惕然懷探湯  
負心豈不慚永誓非所望清濁必異源鳬鳳不並翔  
引身赴長流果哉潔婦腸彼夫既不淑此婦亦太剛  
董逃行歷九秋篇

歷九秋兮三春遺貴客兮遠賓顧多君心所親乃命  
妙妓才人炳若日月星辰其一序金罍兮玉觴賓主遞  
起寫行杯若飛電絕光交觴接危結裳慷慨歡笑萬



方<sup>其</sup>奏新詩兮夫君爛然虎變龍文渾如天地未分  
齊謳楚舞紛紛歌聲上激青雲<sup>其</sup>窮八音兮異倫奇  
聲靡靡每新微披素齒丹脣逸響飛薄梁塵精爽眇  
眇入神<sup>其</sup>坐咸醉兮沾歡引樽促席臨軒進爵獻壽  
翻翻千秋要君一言願愛不移若山<sup>其</sup>君恩愛兮不  
竭譬若朝日夕月此景萬里不絕長保初醮結髮何  
憂<sup>其</sup>胡越<sup>其</sup>六共攜弱手兮金環上遊飛閣雲間穆若鴛  
鳳雙鸞還幸蘭房自安娛心樂意難原<sup>其</sup>樂既極兮  
多懷盛時忽逝若頽寒暑草御景迴春榮隨風飄摧  
感物動心增哀<sup>其</sup>妾受命兮孤虛男兒墮地稱姝女

弱難存若無骨肉至親更疏奉事他人託軀<sup>其</sup>君如  
影兮隨形賤妾如水浮萍明月不能常盈誰能無根  
保榮良時冉冉代征<sup>其</sup>顧繡領兮含暉皎日迴光則  
微朱華忽示漸衰影欲捨形高飛誰言往思可追<sup>其</sup>  
一齊與麥兮夏零蘭桂踐霜逾馨祿命懸天難明妾  
心結意丹青何憂君心中傾<sup>其</sup>二

辛德源<sup>孝基狄道人中書舍人</sup>

霹靂引

出地聲初奮乘乾威更作雲衝天笑明雨帶星精落  
碎枕神無繞震盪書自若側時<sup>一作</sup>聞吟白虎遠見飛



舞一作玄鶴

短歌行

馳射罷金溝戲笑上雲樓少妻鳴趙瑟侍妓轉吳謳  
杯度浮香滿扇舉細塵浮星河耿涼夜飛月豔新秋  
忽念奔駒促彌欣執燭遊

東飛伯勞歌

合歡芳樹連理枝荆王神女乍相隨誰家妖豔蕩輕  
舟含嬌轉盼騁風流犀棹蘭橈翠羽蓋雲羅霧縠蓮  
花帶女兒年幾十六七玉面新妝映朝日落花從風  
俄度春空留可憐何處新

何妥

栖鳳西城人  
國子祭酒

長安道

長安狹斜路縱橫四達分車輪鳴鳳轡箭服耀魚文  
五陵多任俠輕騎自連羣少年皆重氣誰識故將軍

竇威

文蕭岐州人  
內史令

出塞

匈奴屢不平漢將欲縱橫看雲方結陣却月始連營  
潛軍渡馬邑揚旆掩龍城會勒燕然石方傳車騎名

郭子儀

子儀華州人  
太尉繼忠武

廣運舞



於赫皇祖昭明有融惟文之德惟武之功河海靜謐  
車書混同虔恭孝饗穆穆玄風

保大舞

於穆文考聖神昭彰簫勺羣應含光遠方萬物茂遂  
九夷賓王情愔雲昭德音不忘

牛僧孺思黯鵷鵠人山南東  
道節度使謚文簡

和寧舞

湜湜頤頤融昭德輝不紐不舒貫成九圍武烈文經  
敷施當宜纂堯付啓億萬熙熙

于邵相門萬年人  
批州刺史

武成王與幣登歌

管磬升壇鄉集上公進嘉幣執信以通優如及恢帝  
功錫后邑四維張百度立綿億載邈難挹

白居易

七德舞

七德舞七德歌傳自武德至元和和小臣白居易  
觀舞聽歌知樂意終樂稽首陳其事太宗十八舉義  
兵白旄黃鉞定兩京擒充戮竇四海清二十有四功  
業成二十有九即帝位三十有五致太平功成理定  
何神速速在推心置人腹亡卒遺骸散帛收饑人賣



子分金贖魏徵夢見子夜泣張謹哀聞辰日哭然女  
三千放出宮死囚四百來歸獄翦鬚燒藥賜功臣李  
勣嗚呼一作思殺身含血吮瘡撫戰士思摩奮呼乞  
効死則知不獨善戰善乘時以心感人人心歸今來  
一百九十載天下至今歌舞之歌七德舞七德聖人  
有祚垂無極豈徒耀神武豈徒誇聖文太宗意在陳  
王業王業艱難示子孫

李廓

宗室程之子  
潁州刺史

長安少年行

日高春睡足帖馬賞年華倒插銀魚袋行隨金犢車

還携新市酒遠醉曲江花幾度歸侵黑金吾還到家

寇準

平仲下邳人真宗時拜  
相封萊國公謚忠愍

江南春

波渺渺柳依依孤村芳草遠斜日杏花飛江南春盡  
離腸斷蘋滿汀洲人未歸

古體

五言

李陵

或以爲擬作

錄別詩

有鳥西南飛熠熠似蒼鷹朝發天北隅暮聞日南陵  
欲寄一言辭託之牋綵繒因風附輕翼以遺心蘊蒸



鳥辭路悠長羽翼不能勝意欲從鳥逝駕馬不可乘

其二

爍爍三星列拳拳月初生寒涼應節至蟋蟀夜悲鳴  
晨風動喬木枝葉日夜零遊子暮思歸塞耳不能聽  
遠望正蕭條百里無人聲豺狼鳴後園虎豹步客庭  
遠處天一隅苦困獨零丁親人隨風散歷歷如流星  
三革離不結思心獨屏營願得萱草枝以解饑渴情

其三

寂寂君子坐奕奕合衆芳溫聲何穆穆因風動馨香  
清言振東序良時著西庠乃命絲竹音列席無高唱

悲意何慷慨清歌正激揚長哀發華屋四坐莫不傷

其四

晨風鳴北林熠燿東南飛願言所相思日暮不垂帷  
明月照高樓想見餘光輝玄鳥夜過庭髮髯能復飛  
寒裳路踟躕彷徨不能歸浮雲日千里安知我心悲  
思得瓊樹枝以解長渴饑

陟彼南山隅送子淇水陽爾行西南游我獨東北翔  
轅馬顧悲鳴五步一彷徨雙鳧相背飛相違日已長  
遠望雲中路相見來珪璋萬里遙相思何益心獨傷  
隨時愛景耀願言莫相忘



鍾子歌南音仲尼歎歸與戎馬悲遠鳴遊子戀故廬  
陽鳥歸飛雲蛟龍樂潛居人生一世間貴與願同俱  
身無四凶罪何爲天一隅與其苦筋力必欲榮薄軀  
不如及清時策名於天衢

蘇武

亦以爲擬作

答別詩

童童孤生柳寄根河水泥連翩遊客子于冬服涼衣  
去家千里餘一身常渴饑寒夜立清庭仰瞻天漢湄  
寒風吹我骨嚴霜切我肌憂心常慘戚晨風爲我悲  
瑤光游何速行願菱荷遲仰視雲間星忽若割長帷

低頭還自憐成年行已衰依依戀明世愴愴難久懷

別李陵

雙鳬俱北飛一鳬獨南翔子當留斯館我當歸故鄉  
一別如秦胡會見何詎央愴恨切中懷不覺淚沾裳  
願子長努力言笑莫相忘

秦嘉

留郡贈婦詩

其妻徐淑疾還家不獲面別贈詩云爾

人生譬朝露居世多屯蹇憂艱常早至歡會常苦晚  
念當奉時役去爾日遙遠遣車迎子還空往復空返  
省書情悽愴臨食不能飮獨坐空房中誰與相勸勉



長夜不能眠伏枕獨展轉憂來如循環匪席不可卷

其二

皇靈無私親爲善荷天祿傷我與爾身少小罹笄獨  
既得結大義歡樂苦不足念當遠離別思念叙欸曲  
河廣無舟梁道近隔丘陸臨路懷惆悵中駕正踟躕  
浮雲起高山悲風激深谷良馬不迴鞍輕車不轉轂  
針藥可屢進愁思難爲數貞士篤終始恩義不可促

其三

肅肅僕夫征鏘鏘揚和鈴清晨當引邁束帶待鷄鳴  
顧看空室中髮鬢相姿形一別懷邁恨起坐爲不寧

何用叙我心遺思致歎誠實叙好耀首明鏡可鑒形  
芳香去垢穢素琴有清聲詩人感木瓜乃欲答瑶瓊  
愧彼贈我厚慙此往物輕雖知未足報貴用叙我情

徐淑

答秦嘉

妾身兮不令嬰疾兮來歸沉滯兮家門歷時兮不差  
曠廢兮侍觀情敬兮有違君兮今兮奉命遠遞兮京師  
悠悠兮離別無因兮叙懷瞻望兮踴躍佇立兮徘徊  
思君兮感結夢想兮容暉君發兮引邁去我兮日乖  
恨無兮羽翼高飛兮相追長吟兮求歎淚下兮沾衣



天水民

涼州歌

太守樊驤

游子當苦貧力子天所富寧見乳虎穴不入冀府寺  
大笑期必死忿怒或見置嗟哉樊府君安可再遭值

趙壹

元叔天水西縣人屢辟不仕

疾邪賦詩

河清不可俟人命不可延煩風激靡草富貴者稱賢  
文籍雖滿腹不如一囊錢伊優比堂上翫爵倚門邊

其二

勗家多所宜欬唾自成珠被褐懷金玉蘭蕙化為芻

賢者雖獨悟所困在群愚且各守爾分勿復空馳驅  
哀哉復哀哉此是命矣夫

傳玄

雜詩

閑夜微風起明月照高臺清響呼不應玄景招不來  
厨人進霍茹有酒不盈杯安貧福所與富貴為禍媒  
金玉雖高堂於我賤蒿萊

古詩

東方大明星光景照千里少年捨家遊思心晝夜起

明月篇



皎皎明月光灼灼朝日暉昔爲春鸞絲今爲秋女衣  
丹脣列素齒翠彩裁蛾眉嬌子多好言歡合易爲姿  
正顏盛有時秀色隨年衰常恐新間舊變故興細微  
浮萍本無根一作浮萍無根本非水將何依憂喜更相接樂  
極還自悲

青青河邊草篇

青青河邊草悠悠萬里道草生在春時遠道還如期  
春至草不生立盡歎無聲感物懷思心夢想發中情  
夢君如鴛鴦比翼雲間翔既覺寂無見曠如參與商  
夢君結同心比翼游北林既覺寂無見曠如商與參

河洛自用固不如中岳安回流不及上浮雲往自還  
悲風動思心悠悠誰知者懸景無停居忽如馳駟馬  
傾耳懷音響轉目淚雙墮生存無會期要君黃泉下  
有女篇

有女懷芬芳提提步東廂蛾眉分翠羽明發日清揚  
丹脣翳皓齒秀色若珪璋巧笑露權豪媚不可詳  
容儀希世出無乃古毛嬙頭安金步搖耳繫明月璫  
珠環約素腕翠爵垂鮮光文袍綴藻黼玉體映羅裳  
容華旣以艷志節擬秋霜徽音冠青雲聲響流四方  
妙哉英媛德宜配侯與王靈應萬世合日月時相望



媒氏陳東帛燕鴈鳴前堂百兩盈中路起若鸞鳳翔  
凡夫走踴躍望絕殊參商

陰鏗

青草湖

洞庭春溜滿平湖錦帆張源水桃花色湘流杜若香  
冗去茅山近江連巫峽長帶天澄迥碧映日動浮光  
行舟逗遠樹度鳥息危檣滔滔不可測一篙詎能航  
百花亭懷荆楚

江陵一柱觀潯陽千里潮風煙望似接川路恨成遙  
落花輕未下飛絲斷易飄藤蔓長依格荷生不避穠

陽臺可憶處唯有暮將朝

送劉光祿不及

依然臨送渚長望倚河津鼓聲隨聽絕帆勢與雲鄰  
泊處空餘鳥離亭已散人林寒正下葉釣晚欲收綸  
如何相背遠江漢與城闌

廣陵岸送北使

行人引去節送客艤歸艫即是觀濤處仍爲郊贈衢  
汀洲浪已息邗江路不紆亭嘶背櫂馬檣轉向風鳥  
海上春雲雜天際曉帆孤離舟對零雨別渚望飛鳬  
定知能下淚非但一楊朱



西遊咸陽

上林春色滿咸陽  
遊俠多城斗疑連  
漢河星象躋河影  
裏看飛轂塵前聽  
遠珂還家何意晚  
無處不經過

晚出新亭

大江一浩蕩離悲足  
幾重潮落猶如蓋  
雲昏不作峯遠樹  
唯聞鼓寒山但見  
松九十方稱半歸  
途詎有踪

唐太宗

正日臨朝

條風開獻節  
灰律動初陽  
百蠻奉遐書  
萬國朝未央  
雖無舜禹跡  
幸欣天地康  
車軌同八表  
書文混四方

赫奕儼冠蓋  
紛綸盛服章  
羽旄飛馳道  
鐘鼓振岩廊  
組練輝霞色  
霜戟耀朝光  
晨宵懷至理  
終愧撫遐荒

春日玄武門宴群臣

韶光開令序  
淑氣動芳年  
駐輦華林側  
高宴栢梁前  
紫庭文樹滿  
丹墀玄綬連  
九夷遙理席  
五狄列瓊筵  
娛賓歌湛露  
廣樂奏鈞天  
盈樽浮綠醕  
雅曲韻朱絃  
粵余君萬國  
還漸撫八延  
庶幾保貞固  
虛已厲求賢

經破薛舉戰地

昔年懷壯氣  
提戈初伏節  
心隨朗日高  
志與秋霜潔  
移鋒驚電起  
轉戰長河決  
管碎落星沉  
陣卷橫雲裂



一揮氛沴靜再舉鯨鯢滅於茲撫舊京屬目駐華軒  
沉沙無故跡滅竈有殘痕浪霞穿水淨峰霧拖蓮昏  
世途亟流易人事殊今昔長想眺前蹤撫躬聊自適  
玄宗

經河上公廟

昔聞有者史河上獨遺榮跡與塵竇隔心將道德并  
詎以天地累寧爲寵辱驚矯然溯寥廓如何屈堅貞  
玄玄妙門啓肅肅祠宇清冥漠無先後那能紀姓名  
德宗

九月十八賜百僚追賞因書懷

雨霽霜氣肅天高雲日明繁林已墜葉寒菊仍舒榮  
懿此秋節時更延追賞情池臺列黃宴絲竹傳新聲  
至樂非外獎浹歡同中誠庶敦朝野意永使風化清

王珪

叔珍郾人唐書云  
世居郾禮部尚書

詠淮陰侯

秦王曰凶慝豪傑爭共亡信亦胡爲者劍歌從項梁  
項羽不能用脫身歸漢王道契君臣合時來名位彰  
北討燕承命東驅楚絕糧斬龍堰維水擒豹潛夏陽  
功成享天祿建旗還南昌千金蒼漂母百錢酬下鄉  
吉凶成糾繆倚伏難預詳弓藏狡兔盡慷慨令心傷



喬知之

苦寒行

胡天夜清迥孤雲獨飄揚  
搖曳出鴈關逶迤含晶光  
陰陵久徘徊幽都無多陽  
初寒凍巨海殺氣流大荒  
朔馬飲寒冰行子履胡霜  
路有從役倦卧死黃沙場  
羈旅因相依慟之淚沾裳  
由來從軍行賞存不賞亡  
亡者誠已矣徒令存者傷

田遊巖

京兆人太子洗馬

寄贈宋十一清巖曲盤石

信彼稱靈石居然狎逋棲  
徘徊承翠巘賦駮帶深溪

夕陰起層岫清景半虹蜺  
風來應嘯阮波渡可琴絃  
僕也潁陽客望彼空思齊  
儻見山人至簪蒿且杖藜

李適

子至萬年人脩文館學士

答宋十一入崖口五渡見贈

聞君訪遠山躋險造幽絕  
眇然青雲境觀竒彌年月  
登嶺亦沂溪孤舟事洛越  
夢嶂傳彩翠崖磴互欹缺  
石林上攢叢金澗下明滅  
捫壁窺丹井梯苔瞰乳穴  
忽枉岩中贈對翫未嘗輟  
殷勤獨往事委曲煉藥說  
邀余名山期從爾泛海渤  
歲晏秉宿心斯言匪張設  
汾陰后土祠作



昔余讀舊史徧觀漢世君武皇實稽古建茲百代勳  
號令垂懋典舊經備闕文南巡歷九疑舳艫被江濱  
耀兵十八萬旌旗何紛紛竭來茂陵下英威不復聞  
我行歲方晏望極山河分神光終冥漠鼎氣獨氛氲  
攬涕陟睢上登高見河汾雄圖今安在飛飛有白雲

蘇頌

昆明池晏坐王兵部珣見示以三韻因而有荅

畫舸疾如飛遙遙泛夕暉石鯨吹浪隱玉女步塵歸  
獨有御恩處明珠在釣磯

常元旦

九日侍燕應製

雲物開千里天行乘九月絲言丹鳳池旆轉蒼龍闕  
潮水歡娛地秦京遊俠窟忻承解慍詞聖酒菊花發

常述

萬年人國子  
司業克集賢學士

晚渡伊水

悠悠涉伊水伊水清見石是時春向深兩岸草如積  
迢遞望洲嶼逶迤亘津陌新樹落疎紅遙源上深碧  
回瞻洛陽苑遽有長山隔煙霧猶辨家風塵已爲客  
登涉多異趣往來見行役雲起早已昏鳥飛日將夕  
光陰逝不惜超然慕疇昔遠遊亦何爲歸來存竹帛



王縉

古別離

下堦欲離別相對映蘭叢含辭未及吐淚落蘭叢中  
高堂靜秋日羅衣飄暮風誰能待明月迴首見床空  
裴迪

山寺

靈境信爲絕法堂出塵氛自然成高致向下看浮雲  
迤邐峰岫列參差間井分林端遠堞見風末疎鐘聞  
吾師久禪宗在世超人羣

吳筠

天寶間與李白俱待詔翰林

遊仙詩

愍俗從遷謝尋仙去淪沒三光有真人與我生道骨  
凌晨吸丹景入夜飲黃月百關彌惆悵方寸益清越  
栖神合虛無洞覽周恍惚不覺隨玉皇焚香詣金闕

其二

予因詣金闕飛蓋超西極遂入素中天停輪大濛側  
若華浮流影不使白日匿傾曦復停午六合無暝色  
道化隨感遷此理誰能測

高昇紫極上宴此玄都岑玉蕊散奇香瓊柯流雅音  
靈風生太漠習習吹人襟體混希微廣神凝空洞深



蕭然宇宙外自得乾坤心

覽古

興亡道之運否泰理所全奈何淳古風既往不復旋  
三皇已散樸五帝初尚賢王業與霸功浮僞日已宣  
忠誠及但詐殺混安可甄餘智入九霄守愚淪重泉  
永懷巢居時感涕徒泫然

遊廬山五老峰

彭蠡隱深翠滄波照芙蓉日初金光滿景落黛色濃  
雲外聽猿鳥煙中見杉松自然符幽情瀟灑愜所從  
整策務探討嬉遊任從容玉膏正滴瀝瑤草多華茸

羽人栖層崖道合乃一逢揮手欲輕舉爲余和瓊鐘  
空香清人心正氣信有宗永用謝物累吾將乘鸞龍

李幼卿

長夫隴西人右  
庶子領孫州

遊石橋寺最高頂

拂霧理孤策薄霄瞻層岑迥升煙霧外豁見天地心  
物象不可及遲回空咏吟

竇參

時中岐州人  
御史中丞

登瀛山觀

山勢欲相抱一條微徑盤蘿欹復行始得凌仙壇  
聞道葛夫子此中煉還丹丹成五色光服之生羽翰



靈草空自翠餘霞誰共食至今步虛處猶有孤飛鸞  
幽幽古殿門下壓浮雲端萬丈水聲落四時松色寒  
既入無何鄉轉嫌人事難終當遠塵俗高卧從所安

李益

觀回軍

行行上隴頭隴月暗悠悠萬里將軍沒回旂隴樹秋  
誰令嗚咽水重入故營流

入南山至金師蘭若

木隕水歸壑寂然無念心南行有真子被褐息山陰  
石路瑤草散松門寒景深吾師亦何授自起定中吟

送諸暨王主簿之任

別愁已萬緒離曲方三奏遠宦一辭鄉南天異風候  
秦城歲方老越國春山秀落日望寒濤公門閉清晝  
何用慰相思裁衣寄關右

華山南廟

陰山臨古道古廟閉山碧落日春草中寒芳薦瑤席  
明靈達精意髮鬢如不隔岩雨神降時回風入松栢  
常聞坑儒後此地返秦壁自古害忠良神其輔宗祏

將朔方早發漢武

弭蓋出故關窮秋首邊路問我此何爲平生重一顧



風吹山下草繫馬河邊樹奉役良有期回瞻終未履  
去鄉幸未遠戍衣今已故豈惟幽朔寒念我機中素  
去矣勿復言所酬知者遇

長干行

憶妾深閨裏煙塵不曾識嫁與長干人沙頭候風色  
五月南風興思君下巴陵八月西風起想君發揚子  
去來悲如何見少離別多湘潭幾日到妾夢越風波  
昨夜狂風度吹折江頭樹渺渺暗無邊行人在何處  
好乘浮雲驄佳期蘭渚東鴛鴦綠蒲上翡翠錦屏中  
自憐十五餘顏色桃花紅那作商人婦愁水復秋風

黃山谷云李詩長干行詩意清麗可喜

權德輿

雜詩

淇水春正綠上宮蘭葉齊光風兩搖蕩鳴珮出中閨  
一顧投橫波千金呈孤犀徒然路傍子恍恍復悽悽

月夜江行

扣舷不能寐浩露清衣襟彌傷孤舟夜達結萬里心  
幽興惜瑤草素懷寄鳴琴三奏月初上寂寥寒江深

晚渡楊子江却寄江南親故

夜照滿寒流輕舟任搖蕩支頤見千里煙景非一狀



遠岫有無中片帆風水上天清去鳥滅浦面寒沙漲  
樹晚疊秋嵐江空翻宿浪曾中千萬慮對此一清曠  
回首碧雲深佳人不可望

感寓

殘雨倦歌枕病中時序分寒虫與秋葉一夜隔窓間  
虛室對搖落悟言無與群冥心試觀化世故如絲棼  
但看鳶戾天豈見山出雲一但從蛟鼉朱紱秘南薰  
倚梧夢朝陽上有威鳳文終待九成奏來儀瑞吾君

古意

家人強進酒酒後能忘情持杯未飲時無感紛已盈

明月照我傍庭柯振秋聲空階白露下枕席涼風生  
所思萬里餘水闊山縱橫佳期憑夢想未晚愁雞鳴  
願得一心人當年懽樂并長筵映玉姐素指彈秦箏  
曼睨呈巧笑惠音激淒清此願良未果永懷空如醒

祇命赴京途次淮口因書所懷却寄使府群公

弱植素寡隅趨時非所任感恩再登龍永友皆斷金

彪炳觀竒彩淒鏘聞雅音適欣佳期接遽嘆離思侵

靡靡遵古道忡忡勞寸心難成獨酌謠空奏伐木吟

沉寥清冬時蕭索白晝陰交歡諒如昨滯一紛在今

因風試矯翼倦飛會歸林向晚清淮駛迴首楚雲深



早發杭州泛富春江寄陸三十六公祐

候曉起徒馭春江多好風白波連青雲蕩漾晨光中  
四望浩無際沉憂將此同未離奔走途但恐成悲翁  
俯視觸餌鱗仰目凌霄鴻縷塵日已厚心累何時空  
泛泛此人世所向皆樊籠唯應杯中物醒醉皆窮通  
故人玄圃姿瓊樹分青葱終當此山去共結蘭桂叢  
長孫佐輔

關山月

悽悽還切切戍客多離別何處最傷心關山見秋月  
圓月竟如何由來遠近過始經玄兔塞終照白狼河

忽憶秦樓婦流光應共有已得並蛾眉還知攬纖手  
去歲照同行比翼復連形今宵照獨立顧影自瑣瑣  
餘輝漸西落夜夜看如昨借問映旌旗何如鑒帷幙  
拂曉朔風悲蓬驚鴈不飛幾時征戍罷還向月中歸

楊於陵

達夫漢太尉震之孫也禮部尚書左僕射

和權載之離合詩

校德盡珪璋才臣時所揚放情寄文律方茂經邦術  
王猷符發揮十載契心期晝遊有嘉話書法無隱辭  
信茲酬和美言語芝蘭比昨來恣吟繹日覺祛蒙鄙

許孟容

公範長安人吏部侍郎



和權載之離合詩

敏才司祕府文哲今超古亦有擅風騷六聯文墨曹  
聖賢三代意工藝千金字化識從臣謠人推仙閣吏  
如登崑閬時口誦靈真詞孫簡下威鳳系霜瓊玉枝

馮伉

魏州人徙居京兆兵部侍郎贈禮部尚書

和權載之離合詩

車馬退朝後聿懷在文友動詞宗伯雄重美良史功  
亦曾吟鮑謝二妙尤增價雨霜鴻唳天匝樹鳥鳴夜  
卓思客縱橫早擅希代名息心欲焚硯自覲陪群英

白居易



去夏踈雨餘同倚朱闌語當時樓下水今日到何處  
恨如春草多事與孤鴻去楚岸柳何窮別愁紛若絮

于濱

子瞻寓  
居堯山

旅館秋思

旅館坐孤寂出門成苦吟何事覺歸晚黃花秋意深  
寒蝶戀衰草軫我離鄉心更見庭前樹南枝巢宿禽

山村曉思

開門省禾黍隣翁水頭住今朝南澗波昨夜西川雨  
牧童披短簑腰笛期烟渚不問水邊人騎牛傍山去

沙場夜



城上更聲發城下杵聲歇征人燒斷蓬對泣沙中月  
耕牛朝輓車戰馬夜銜鐃士卒浣戎衣交河水流血  
輕裘兩都客洞房愁宿別何況遠辭家生死猶未決  
張孜京人

雪

長安大雪天烏雀難相覓其中豪貴家搗椒泥四壁  
到處爇紅爐周迴不羅熹暖手調金絲蘸甲斟瓊液  
醉唱玉麈花困融香汗滴豈知幾寒人脚手生皴裂  
咸陽僕

別主人

珍重郭四郎臨行不得別曉漏動離心輕車冒殘雪  
欲出主人門零涕時嗚咽萬里隔關山一心思漢月

李延勳

隴西人  
司空

白鴈

寒溪一白鴈羽毛何皎潔薄暮浴清波斜陽共明滅  
左池失群久幽獨依人旅食賴菰蒲單栖怯霜雪  
邊風昨夜起顧影空哀咽不及牆上烏相將繞雙闕

張載

子厚郿人崇文閣校  
書監明公封郿伯

君子行

君子防未然見幾天地先開物象未形弭災憂患前



公旦立無方不恤流言喧將聖見亂人天厭懲孤偏  
韜攘豈予思瓜李安足論

韓丕

大簡華州鄭人  
也翰林學士

寄岳陽劉從事

秋來憶故人寓目臨大野遠近聞清商依稀奏幽雅  
經霜樹半紅無風葉自下一片洞庭心聊憑塞鴻寫

种放

明逸其先洛陽人寓於長安  
翰林谷隱居不仕自稱居士

夏日山居

陰陰林木靜寂寂無人境紅綻紫葳香嵐沈玉膏冷  
有雲時獨坐慎事常中省何客馭風來新篁動疎景



不見細柳軍介冑容何肅

李薦 華州人

文選樓

申轅應楚聘鄒枚適梁苑潘侯喜賓客賢易廢吳  
黃綺游漢庭羽翼繒繒達秦府十八公攀附名益顯  
昭明衆才子文囿俾蒐選高齋切浮雲雉堞俯晴巘  
尚應魏河間筆削非大典

虞集 魚山其先  
雍州人

寄題周氏水木清華亭

中流汎蘭櫓望彼嘉樹林落日蕩晴水浮雲主夕陰

魚游鱗芳澤鳥鳴在幽岑為樂忘易老吾將脫朝

顏之推 事云徙居關中  
時和入唐詩紀

古意

十五好詩書二十彈冠仕楚王賜顏色出入童華裏  
作賦凌屈原讀書誇左史數從明月讌或得朝雲祀  
登山摘紫芝泛江采綠芷歌舞未終曲風塵暗天起  
吳師破九龍秦兵割十里狐兔冗宗廟霜露沾朝市  
壁入邯鄲宮劍去襄城水未獲殉陵墓獨生良足恥  
憫憫思舊都惻惻懷君子白髮闕明鏡憂傷沒余齒

其二

572920  
71.9.1939



寶珠出東國美玉產南荆  
隋侯曜我色卞氏飛吾聲  
已加明稱物復餘夜光名  
驪龍旦夕駭白虹朝暮生  
華采燭蕙葉價值詎連城  
常悲黃雀起每畏靈蛟迎  
千忍安可忍一毀難復營  
昔爲時所重今爲時所輕  
願與濁泥會思將垢石并  
歸真川岳下抱潤潛其榮

太宗

帝京篇

落日雙闕昏迴輿九重暮  
長煙散初碧皎月澄輕素  
褰幌翫琴書開軒引雲霧  
斜漢耿曾閣清風搖玉樹

其二

飛蓋去芳園蘭橈遊翠渚  
萍間日彩亂何處香風舉  
桂楫滿中川絃歌振長嶼  
豈獨汾河曲方爲歡宴所

元日

高軒暖春色邃閣媚朝光  
彤庭飛彩翠幌曜明璫  
恭已臨四極垂衣馭八荒  
霜戟列丹雘絲竹韻長廊

穆矣薰風茂康哉帝道昌  
繼文遵後軌古鑒前王  
草秀故春色梅艷昔年粧  
巨川思欲濟終以寄舟航

于志寧

仲謚高陵人尚書左  
僕射遷大傅謚曰定

冬日宴群公于宅賦得盃字

陋巷朱軒擁衡門緹騎來俱裁  
七步詠同傾三雅盃



色動迎春柳花發犯寒梅賓筵未半醉

歌不用催

令狐得茶

燉煌人禮部侍郎兼修國史

冬日宴于公宅賦得趣字

高門聊命賞群英於此遇放曠山水情

連文酒趣

夕烟起林蘭霜枝殞庭樹落景雖已傾

軒幸能駐

喬知之

從軍行

南庭結白露北風掃黃葉此時鴻鴈來

鳴催思妾

曲房理針線平砧搗文練鴛綺裁易成

信難見

窈窕九重闥寂寞十年啼紗窓白雲宿

沈月光

蘇頲

和杜主簿春日有所思

朝上高樓上俯見洛陽陌搖蕩吹花風落英紛已積

美人不共此芳好空所惜攬鏡塵網滋當窻蒼蘚碧

緬懷在雲漢良願睽枕席翻似無見時如何久為客

卜園納涼即事

煩暑避蒸鬱居閑習高明長風自遠來曾閣有餘清



散洒納涼氣蕭條遺世情柰何誇大隱終日繫塵纓

李白

李杜詩讀不能釋手者復條於後

古風

孤蘭生幽園衆芳共蕪沒雖照陽春暉復悲高秋月  
飛霜早漸瀝綠艷恐休歇若無清風吹香氣為誰發

其二

登高望西海天地何漫漫霜被群物秋風飄大荒寒  
榮華東流水萬事皆波瀾白日掩徂暉浮雲無定端  
梧桐巢燕雀枳棘棲鴛鴦且復歸去來劍閣行路難

其三

周穆八荒意漢皇萬乘尊滛樂心不極雄豪安足論  
西海宴王母北宮邀上元瑤水聞遺歌玉杯竟空言  
靈跡成蔓草徒悲千載冤

四皓

白髮四老人昂藏南山側偃卧松雪間真翳不可識  
雲白拂青霓石壁橫翠色龍虎方戰爭於焉自休息  
秦人失金鏡漢祖昇紫極陰虹濁太陽前星遂淪匿  
一行佐明兩歛起生羽翼功成身不居舒卷在曾臆  
宵冥令元化茫昧信難測飛聲塞天衢萬古仰遺則  
尋陽紫極宮感秋作



何處聞秋聲  
脩脩北窗竹  
迴薄萬古心  
攬之不能持  
靜坐觀衆妙  
浩然媚幽獨  
白雲南山來  
就我簷宇宿  
嬾從唐生訣  
羞訪李主下  
四十九年非  
一往不可復  
野情轉蕭洒  
世道有翻覆  
陶令歸去來  
田家酒應熟

秋登巴陵望洞庭

清晨登巴陵  
周覽無不極  
明湖應天光  
徹底見秋色  
秋色何蒼然  
際海俱澄鮮  
山青滅遠樹  
水綠無寒煙  
來帆出江中  
去鳥向日邊  
風清長沙浦  
霜空雲夢田  
瞻光惜頽髮  
閱水悲徂年  
北渚旣蕩漾  
東流自潺湲  
潯陽人唱白  
雪越女歌採蓮  
聽此更腸斷  
憑崖淚如泉

登新平樓

去國登茲樓  
懷歸傷暮秋  
天長落日遠  
水靜寒波流  
秦雲起嶺樹  
胡鴈飛沙洲  
蒼蒼幾萬里  
目斷令人愁

杜甫

留花門

北門天驕子  
飽肉氣勇決  
高秋馬肥健  
挾矢射漢月  
自古以為患  
詩人厭薄伐  
修德使其來  
羈縻固不絕  
胡為傾國至  
出入暗金闕  
中原有驅除  
隱忍用此物  
公主歌黃鵠  
君王指白日  
連營屯左輔  
百里見積雪  
長戟烏休飛  
哀笳曉幽咽  
田家最恐懼  
麥倒桑枝折



沙苑臨清渭泉香草豐潔渡河不用船千騎常撒烈  
胡塵踰太行雜種抵京室花門既須留原野轉蕭瑟

贈衛八處士

公與李白高適綸賓和  
反善賓年最少號小友

人生不相見動如參與商今夕復何夕共此燈燭光  
少壯能幾時鬢髮各已蒼訪舊半為鬼驚呼熱中腸  
焉知二十載重上君子堂昔別君未婚兒女忽成行  
怡然敬父執問我來何方問荅未及已兒女羅酒漿  
夜雨剪春韭新炊間黃粱主稱會面難一舉累千觴  
千觴亦不醉感子故意長明日隔山岳世事兩茫茫

劉云陽關之  
後此語為暢

夢李白

浮雲終日行遊子久不至

劉云起語  
千言萬恨

三更頻夢君情

親見君意告歸常君促苦道來不易

劉云夢中賓江  
生語具是

湖多風波舟楫恐失墜出門搔白首苦負平生志冠

蓋滿京華斯人獨憔悴

劉云語出  
情痛自別

孰云網恢恢將老

身及累千秋萬歲名寂寞身後事

劉云結丞慘  
淡情全語塞

吳筠

覽古

食其昔未隅落魄為狂生一朝君臣契雄辯何縱橫  
運籌康漢業憑軾下齊城既以智所遂還以智所烹



豈若終貧賤酣歌本無營

絳侯成大績賞厚位仍尊一朝對獄吏榮辱安可論  
蘇生佩六印奕奕為殃源主父食五鼎昭昭成禍根  
李斯佐二辟巨釁鍾其門霍孟翼三后伊戚及後昆  
天人忌盈滿茲理固永存方知得意者何必乘朱輪  
滅景栖遠壑弦歌對清尊二疏返溪海蔣詡歸林園  
瀟洒去物累此謀誠足敦

聽尹諫師彈琴

至樂本太一幽琴和乾坤鄭聲久亂雅此道稀能尊  
吾見尹仙翁伯牙今復存衆人乘其流夫子達其源

在山峻峰峙在水洪濤奔都忘邇城闕但覺清心魂  
代乏識微者幽音誰與論

題龔山人草堂

世人負一美未肯甘陸沉獨抱匡濟器能懷真隱心  
結廬邇城廓及到雲木深滅跡慕潁陽忘機同漢陰  
啓戶面白水憑軒對蒼岑但歌考槃詩不學梁父吟  
茲道我所適感君齊素襟勗哉龔夫子勿使囂塵侵

登廬山東峰觀九江合彭蠡湖

百川灌彭蠡秋水方浩浩九派混東流朝宗合天沼  
寫心陟雲峰縱目還縹緲宛轉衆浦分差池群山繞



江妃弄明霞彷彿呈窈窕而我臨長風飄然欲騰矯  
昔懷滄洲興斯志果已紹焉得忘機人相從合魚鳥

步虛詞

灼灼青華林靈風振瓊柯三光無冬春一氣清且和  
迴首邇結靈傾眸親曜羅豁落制六天流鈴威百魔  
綿綿慶不極誰謂椿齡多

爰從太微上四觀虛皇尊騰我八景輿威逢入天門  
既登玉晨庭肅肅仰紫軒敢問龍漢末如何闢乾坤  
怡然輟雲璈告我希夷言幸聞至精理方見造化源

同劉主簿承介建昌江泛舟作

吾友從吏隱和光心杳然鳴琴正多暇嘯侶浮清川  
風霽遠登眺昭昭涵洞天坐驚衆峰轉乃覺孤舟遷  
崖嶼非一狀差池過目前徘徊白日暮月色江中鮮  
真興殊未已滔滔且泝泝時歌滄浪曲或誦逍遙篇  
酣暢迷夜久遲遲方告旋此將無相與其旨忘忘筌  
韋應物

有所思

借問堤上柳青青為誰春空遊昨日地不見昨日人  
繚繞萬家井往來車馬塵莫道無相識要非心所親  
獨遊西齋寄崔主簿

蕭然今昔之感



同心忽已別昨事方成昔幽逕還獨尋綠苔見行跡  
秋齋正蕭散煙水易昏夕憂來結幾重非君不可釋

春中憶元二

讀蘇州詩  
如讀道書

雨歇萬井春柔條已含綠徘徊洛陽陌惆悵杜陵曲  
遊絲正高下啼鳥還斷續有酒今不同思君瑩如玉

古體  
七言

李陵

別歌

漢書昭帝即位與匈奴和親許武還陵  
置酒賀武曰異域之人一別長絕因起  
舞而歌泣下數行遂與武決

徑萬里兮度沙漠爲君將兮奮匈奴路窮絕兮矢刃  
摧士衆滅兮名已隕老母已死雖報恩將安歸

梁鴻

遊吳詩

折舊邦兮遐征將遙集兮東南心倏怛兮傷悴志靡  
非兮升降欲乘策兮縱邁疾吾俗兮作讒競舉枉兮  
措直咸先佞兮延延固靡慙兮獨建異一異兮尚賢  
聊逍遙兮遨嬉續仲尼兮周流黨云覩兮我悅遂舍  
車兮即浮過季札兮延陵求魯連兮海隅雖不察兮  
光貌幸神靈兮與休惟季春兮華阜麥含英兮芳秀



哀茂時兮逾邁  
敗芳香兮日臭  
悼吾心兮不獲  
長委結兮焉究  
口囁囁兮余訕  
嗟恒恒兮誰留

思高恢

鳥嚶兮友之期  
念高子兮僕懷  
恩想念恢兮爰  
集茲

傅玄

車遥遥

車遥遥兮馬洋洋  
追思君兮不可忘  
君安遊兮西入

秦願為影兮隨君身  
君在陰兮影不見  
君依光兮妾

所願

蘇蕙  
若蘭始平道質女也  
秦州刺史竇滔之室

仁智懷德聖唐貞妙顯華章臣賢惟聖配英皇倫匹離飄浮江湘津  
傷嗟情家明龍崇志庭閣亂作人說佞奸凶害我忠貞桑凶慈雍思恭基河  
慘歎中無鏡紛為馬明難受消源禍因所恃恣極驕盈倫頑孝和淑自為  
懷懷傷君朗光誰終榮苟不義姬班女婕妤辭華漢成薄浸休家貞記孝塞  
慕所路房容珠感掩城傾在戒后孽變趙氏飛燕寔生景詭退遠敦貞敬殊  
增離曉情飾曜思空英猶炎盛興漸至大伐用昭青青昭愚諱危却所是山  
憂經遐清華英多容形未慎深慮微察遠禍在防萌西滋蒙疑容持從梁  
心荒淫忘想感所欽本鬱嚴峻嶮峨深淵重涯經網羅林光流電逝推生民  
堂妃開飛衣誰追何思情時形寒歲識周松衡居歎如陽移隙施為祗差生  
空后中奮哀為相如感傷在勞貞物知終始舊獨懷何潛西不何誰神無感  
惟自節能我容聲將自致君相嶺嶺哀容是為女賤曜口日激與通者曠  
思典厲不歌冶同情寧致側夢仁賢羽行士念誰賤鄙翳白無憤將上採悲  
諫風樊歟發觀羽纏龍初容衣詩情明顯怨哀情時傾英殊衰殊身節菲路  
和同楚長雙華官憂虎周飾緒始幾圖義年勞歎奇華年有志飭忘舊長  
音南鄭歌商流微歟繁華觀曜終怡心詩典感遠殊浮沉時盛意麗哀遺身  
藏邵衛詠齊曜情多文曜壯類無平蘇氏理往憂感異浮惟必心華惟下微  
摧伯女志與榮傷患深榮累充端比作麗辭日思恭世異逝條遠榮感體微  
悲獨河遠碩翠感生嬰漫丁寃詩風與鹿鳴懷悲哀誰遊候無一俯憂作已

卷三

卷三

卷三

青月月中



發思思透其厥情惟憂何親生時盛昭業傾思求感我流若不忠客何成幽  
曲姿端迄頃難悲若懷思若我草微恨微玄悼歎感知少馳磨離儀贊辭房  
奈王懷上眷舊鄉身加兼愁悴少精神遐幽曠遠離鳳麟龍昭德懷聖皇人  
商遊桑鳩揚仇傷榮身我平集秋衍幸何因備嘗苦辛當神飛文遺分端賤  
絃西醫雙激好摧君深日潤浸思思罪積怨其相難尋所明輕殊孤乖雁為  
激階陰集水悲容仁均物品育施生天地德貴平均勻專通身聚英殊翔女  
楚步林燕清思發離濱漢之步飄飄離微隔焉本誰陰一感寄飾散聲應有  
流東桃飛泉君歎殊心改者感睡親聞達離殊我同衾志精浮光離哀傷柔  
清廊休翔流長愁方禽伯在誠遠舊舊廢故君子惟新貞微雲輝羣悲春剛  
琴芳蘭凋茂熙陽春牆面殊意感故新霜冰簷潔志清純望誰思想懷所親  
四圍縱橫初行八行十五二十二二十九行及仁差斜至春親要廊斜至  
基津以朱畫其形如四隅差情至英多遊桑至長愁神飛至悲春凶慈至  
持從縱橫皆六字以墨畫正面妃閣至難悲移腋至贊辭縱六字橫十  
三字兩旁庭閣至防前身我至惟新縱十三字橫六字以青畫中方正  
面龍坊至麗苑衰情至暮世縱四字橫五字兩旁寒歲至行士詩風至微  
玄縱五字橫四字以紫畫中方四隅思情至側夢嬰漫至苦我愆居至  
賤鄙懷悲至厥知縱橫皆四字又中縱各五字詩情至顯然端比至麗辭  
橫各五字詩始至無端怨義至理辭室中  
心破幾圖始平蘇氏詩心九字以黃畫



喬知之

綠珠篇

石家金谷重新聲，明珠十斛買娉婷。此日可憐君自  
許，此時可喜得人情。君家閨閣未曾開，常將歌舞借  
人看。意氣雄豪非分理，嬌矜勢力橫相干。辭君去去  
終未忍，徒勞掩映傷鉛粉。百年離別在高樓，一代紅  
顏爲君盡。知之有美妾曰碧玉，武承嗣奪，喬作此  
篇以寄之。碧玉赴井死。

古意和李侍郎

妾家巫山隔漢川，君度南庭向胡宛。高樓迢遞想金  
天河，漢昭回更悽然。夜何其，夜未央，閑花照月愁



洞房自矜夫婿勝王昌三十曾作侍中郎一從流落  
戍漁陽懷哉萬恨結中腸南山畧畧鬼絲花北陵青  
青女羅樹由來花葉同一根今日枝條分兩處三星  
差池光照灼北斗西指秋雲薄莖枯綠謝葉憔悴香  
消花盡色零落美人長嘆絕容萎含情收取摧折枝  
調絲獨彈聲未移感君行坐星歲遲閨中宛轉今若  
斯誰能爲報征人知

富嘉謨

武功人右  
臺監察御史

明冰篇

陸蒼茫河海疑南山闌干晝夜冰素彩峨峨明月



楚江長楚寺對楠木幽生赤崖背臨溪插石盤老根  
苔色青蒼山雨痕高枝開葉鳥不度半掩白露朝與  
暮香殿蕭條轉密陰花龕滴瀝垂清露聞道偏多越  
水頭煙生霧歛使人愁月明勿憶湘川夜猿叫還思  
鄂渚秋看君幽靈幾千丈寂寞窮山今遇賞亦知鐘  
梵報黃昏猶卧禪床戀奇響

李白

襄陽歌

落日欲沒峴山西倒着接離花下迷襄陽小兒齊拍手  
攔街爭唱白銅鞮

襄陽脩云此常語也

傍人借問笑何事笑



終山翁醉似泥鷓鴣杓鸚鵡杯百年三萬六千日一  
日須傾三百杯遙看漢水鴨頭綠恰似蒲桃初醱醅  
此江若變作春酒壘麴便築糟丘臺千金駿馬喚小  
妾笑坐雕鞍歌落梅車傍側掛一壺酒鳳笙龍管行  
相催咸陽市上嘆黃犬何如月下傾金壘君不見晉  
朝羊公一片石龜頭剝落生莓苔亦不能爲之墮  
心亦不能爲之哀清風明月不用一錢買玉山自倒  
非人推以母陽脩云然後見其橫放其所舒州杓力士  
鎗李白與爾同死生襄王雲雨今安在江水東流猿  
夜聲

鳴臯歌送岑徵君

時梁園三尺雪在清冷池作

若有人兮思鳴臯阻積雪兮心煩勞洪河凌競不可  
以徑度水龍鱗兮難容舸邈仙山之峻極兮聞天籟  
之嘈嘈霜崖縞皓以合沓兮若長風扇海湧滄溟之  
波濤玄猿綠罷繇談崑崙岌危柯振石駭膽慄鬼群呼  
而相號峰崢嶸以路絕挂星辰於巖壑送君之歸兮  
動鳴臯之新作交鼓吹兮彈絲觴清冷之池閣君不  
行兮何待若反顧之黃鶴掃梁園之群英振大雅於  
東洛巾征軒兮歷阻折幽居兮越巘嶸盤白石兮  
坐素月琴松風兮寂萬壑望不見兮心氤氳羅宜冥



兮霰紛紛水橫洞以下淥波小聲而上聞虎嘯谷而  
 生風龍藏溪而吐雲寡鶴清唳飢鼯嘯呻鳬獨處此  
 幽默兮愀空山而愁人雞聚族而爭食鳳孤飛而無  
 鄰螭涎嘲龍魚目混珍娛母衣錦西施負薪歸來子云此詩  
諄效屈原卜居賈誼吊屈原語而若使巢由桎梏於  
白才自逸蕩故或離而去之云軒冕兮亦奚異乎變龍蹕躡於風塵哭何苦而救楚  
 咲何誇而却秦吾誠不能學二子沽名矯節以耀世  
 兮固將棄天地而遺身白鷗兮飛來長與君兮相親  
范云此篇稍長而詞意易見要亦楚人之流也唯  
其有蝦蟇魚目巢由夢龍等語故前輩常稱之然  
此實非太白之用意處妙不在此  
也與遠別離篇皆佳而被深矣

杜甫

高都護廳馬行

安西都護胡青驄聲價激然來向東此馬臨陣久無  
 敵與人一心成大功功成東養隨所致飄飄遠自流  
 沙至雄姿未受伏櫪恩猛氣猶思戰場利腕促蹄高  
 如蹄鐵交河幾蹴曾冰裂五花散作雲滿身萬里方  
 看汗流血長安壯兒不敢騎走過掣電傾城知青絲  
 絡頭為君老何由却出橫門道

悲陳陶

孟冬十郡良家子血作陳陶澤中水野曠天清無戰



聲四萬義軍同日死群胡歸來血洗箭仍唱胡歌飲  
都市都人迴面向北啼日夜更望官軍至

陪王侍御宴姚通泉攜酒泛江

姚公美政誰與儔不減昔時陳太丘邑中上客有柱  
史多暇日陪聽馬遊東山高頂羅珍羞下顧城郭銷  
我憂清江白日落欲盡復携美人登綵舟笛聲憤怒  
哀中流妙舞逶迤夜未休燈前往往大魚出聽曲低  
昂如有求三更風起寒浪湧取樂喧呼覺船重滿空  
星河光破碎四座賓客色不動請公臨深莫相違迴  
船罷酒上馬歸人生歡會豈有極無使霜露沾人衣

姚通泉冷也  
通泉屬梓州

夜聞簾簾

夜聞簾簾滄江上衰年側耳情所嚮隣舟一聽多感  
傷塞曲三更歛悲壯積雪飛霜此夜寒孤燈急管復  
風湍君知天地干戈滿不見江湖行路難劉云君知  
干戈如此  
則不復恨行路  
矣○實歷喟然

枏樹爲風雨所拔歎

倚江枏樹草堂前故老相傳二百年誅茅卜居終爲  
此五月髮鬢聞寒蟬東南飄風動地至江翻石走流  
雲氣幹排雷雨猶力爭根斷泉源豈天意蒼波老樹



性所愛浦上童童一青蓋野客頻留懼雪霜行人不  
過聽竿籟虎倒龍顛委榛棘淚痕血點垂胸臆我有  
新詩何處吟草堂自此無顏色

樂遊園歌

樂遊古園翠森爽煙綿碧草萋萋長公子華筵勢取  
高秦川對酒平如掌長生木瓢示真率更調鞍馬狂  
歡賞青春波浪芙蓉園白曰雷霆夾城仗閭闔晴開  
映蕩蕩曲江翠幕排銀榜拂水低垂舞袖翻綠雲清  
切歌聲上劉云婉約有態却憶年年人醉時只今未醉已先  
悲劉云語連自別數莖白髮那拋得百罰深杯亦不辭聖朝

亦知賤亡醜一物自何呈天慈此身飲罷無歸處獨  
立蒼茫自咏詩劉云每讀此結不自堪又云吾常墮淚於此

奉先劉少府新畫山水障歌

堂上不令生楓樹惟底江山起煙霧聞君掃却赤縣  
圖乘興遣畫滄洲趣畫師亦無數好手不可遇對此  
融心神知君重毫素豈但祁岳與鄭虔筆跡遠過楊  
契丹得非玄圃裂無乃瀟湘翻悄然坐我天姥下耳  
邊已但聞清猿反巖前夜風雨急乃是蒲城鬼神入  
元氣淋漓障猶濕直宰上訴天應泣野亭春還雜花  
遶漁翁暄踏孤舟立滄浪水深青溟闊歌岸側島秋



毫末不見湘妃鼓瑟時至今班竹臨江活劉侯天機  
精愛畫入骨髓自有兩兒郎揮灑亦莫比大兒聰明  
到能添老樹顛崖裏小兒心孔開貌得山僧及童子  
若耶溪雲門寺吾獨胡爲在泥濘青鞋布襪從此始  
劉云玄淡活脫自在○  
奇清景絕者○又言古今  
之律度也

常應物

送褚校書歸舊山歌

握珠不返泉匣玉不歸山明時重士亦如此忽恠褚  
生何得還方稱羽獵賦未拜蘭臺職漢篋亡書已暗  
傳嵩丘遺簡還能識朝朝待詔青鑣關中有萬年之

樹蓬萊池世人仰望棲此地生獨徘徊意何爲故山  
可往微可采一自人間星歲改藏書壁上苔半侵洗  
藥泉中日還在春風飲餞灞陵原莫厭歸來朝市喧  
當年不見東方朔避世從容金馬門

寇季膺古刀歌

古刀寒鋒青槭槭少年結父平陵客求之時代不可  
知千痕萬穴如星離重疊泥沙更剝落縱橫鱗甲相  
參差古物有靈知所適貂裘拂之橫廣席陰森白日  
掩雲虹錯落池光動金碧知君寶此誇絕代求之不  
得心常愛厭見今時繞指柔片鋒折刃猶堪佩高山



成谷滄海填英豪埋沒誰所捐吳鉤斷馬不知處幾  
度煙塵今獨全夜光投人人不畏知君獨識精靈器  
酬恩結思心自知死生好惡不相棄白虎司秋金氣  
清高天寥落雲崢嶸月肅風淒古堂淨精芒切切如  
有聲何不跨蓬萊斬長鯨世人所好殊遼闊千金買  
鉛徒一割

龜頭山神女歌

龜頭之山直上洞庭連青天蒼蒼煙樹閉古廟中有  
蛾眉成水僊水府沉沉行路絕蛟龍出沒無時節魂  
同魍魎潛太陰身與空山長不滅東晉永和今幾代

雲髮素顏猶眇眇陰深靈氣靜凝美的樂龍綃羅瓊  
珮山精木魅不敢親昏明響像如有人蕙蘭瓊芳積  
煙露碧牕松月無冬春舟客經過莫椒醕巫女南音  
歌激楚碧水冥空斷鳥飛長天何處雲隨雨紅蘅綠  
蘋芳意多玉靈蕩漾凌清波孤峯絕島儼相向鬼肅  
猿鳴垂女蘿皓雪瓊林殊異色北方絕代徒傾國雲  
沒煙銷不可期明堂翡翠無人得精靈變態狀無方  
游龍宛轉驚鴻翔湘妃獨立九疑暮漢女菱歌春日  
長始知仙事無不有可惜吳宮空自白

李益



效古促促曲

促促何促促黃河九回曲嫁與棹船郎空牀將影宿  
不道君心不如石那令妾貌長如玉

古別離

雙劍欲別風淒然雌沉水底雄上天江回漢轉兩不  
見雲交雨合知何年古來萬事皆由命何用臨岐苦  
涕連

登戛州樓城觀征人賦得六州胡兒歌

六州胡兒六蕃語十歲騎羊逐沙鼠沙頭牧馬孤鴈  
飛漢軍遊騎貂錦衣雲中征戍三千里今日征行何



裙勾粉時交合歡扇未央鐘漏醉中聞聯騎朝天曙  
色分雙闕煙雲遙靄靄五衢車馬亂紛紛罷朝鳴珮  
驟歸鞍今日還同昨日歡歲歲年年恣遊讌出門滿  
路光輝遍一身自樂何足言九族爲榮真可羨男兒  
稱意言及時閉門下帷人不知年光看逐轉蓬盡徒  
詠東山招隱詩

和李中丞慈恩寺清上人院牡丹花歌

澹蕩韶光三月中牡丹偏自占春風時過寶地尋香  
逕已見新花出故叢曲水亭西杏園北濃芳深院紅  
霞色擢秀全勝珠樹林結根幸在青蓮域艷榮仙房



次第開含煙洗露照蒼苔  
麝眉倚杖禪僧起輕翅  
縈枝舞蝶來獨坐南臺時  
共美閑行古剎情何已花間  
一曲奏陽春應爲分芳比君子

秋閨月

三五二八光如練海上天涯人共見  
不知何處玉樓前乍入深閨玳瑁筵  
露濃香逕知愁坐風動羅帷照獨眠  
初卷珠簾看不足斜抱箜篌未成曲  
稍映粧臺臨綺窓遙知不語淚雙雙  
此時愁望知何極萬里秋天同一色  
靄靄遙分陌上光迢迢對此閨中憶  
早晚歸來歡讌同可憐歌吹月明中  
此夜不堪腸斷絕願

隨流影到遼東

古興

月中有桂樹無翼難上天海底有驪珠  
隔萬丈淵人生大限雖百歲就中三十  
稱一世晦明烏兔相推遷雪霜漸到雙  
鬢邊沉憂感戚多浩歎不得如意居  
太半一氣暫聚常恐散黃河清苦白石爛

李賀

宮娃歌

蠟光高懸照紗空花房夜擣紅  
守宮象口吹香罷  
暖七星挂城聞漏板寒入  
果臝殿影昏綵鸞簾額著



霜痕啼結弔月鈎闌下屈

一作屋

膝銅鋪鎖阿甄

劉云兩語

極是

憔悴夢入家門上沙渚天河落處長洲路願君光明

如太陽放妾騎魚撇波去

劉云意到語盡無復餘怨麗語猶可及深情難自道

### 白居易

#### 生別離

黃河水白黃雲秋行人河邊相對愁天寒野曠何處宿棠梨葉戰風颼颼生離別生離別憂從中來無斷絕憂積心勞血氣衰末年二十生白髮

#### 寒食詩

烏啼鵲噪皆喬木清明寒食誰家哭風吹曠野紙錢

飛古墓累累春草綠棠梨花映白楊樹盡是死生離別處冥漠重泉哭不聞蕭蕭暮雨人歸去

#### 江南遇天寶樂叟歌

白頭病叟泣且言祿山未亂入梨園能彈琵琶和法曲多在華清隨至尊是時天下太平久年年十月坐朝元千官起居環珮合萬國會同車馬奔金鈿照耀石甕寺蘭麝薰蕙溫湯源貴妃宛轉侍君側體弱不勝珠翠繁冬雪飄飄錦袍暖春風蕩漾霓裳翻歡娛未足燕冠至弓勁馬肥胡語喧幽土人遷避夷狄鼎湖龍去哭軒轅從此漂淪到南土萬人死盡一身存



秋風江上浪無際暮雨舟中酒一尊  
滴魚久失風波勢枯草曾沾雨露恩  
我自秦來君莫問驪山渭水如荒村  
新豐樹老籠明月長生殿暗鎖黃昏  
紅葉紛紛益歌瓦綠苔重重封壤垣  
唯有中官作宮使每年寒食一開門

杜牧

重送孟渾作

手撚金僮姑腰間懸轆轤爬頭風  
北正好去繫取可汗鉗作奴六宮  
雖念相如賦其那防邊重武夫

韋式

興化亭送別賦竹

佇臨池倡玉裏露靜和煙綠抱節  
寧改貞心自束渭曲種偏多王家看  
不足仙杖正驚龍化美實當隨鳳  
孰唯愁吹作別離聲回首駕鸞舞陣速

同谷子

成縣人傳  
失其姓氏

五子歌

邦惟固本自安寧臨下常須馭朽  
驚何事十旬遊不返禍胎從此召  
殷兵

酒色聲禽號四荒那堪峻宇又雕  
牆靜思古今爲君者未或因茲不滅  
亡



唯彼陶唐有冀方少年都解未思量如今弄得當時  
事首為盤遊亂紀綱

明明我祖萬邦君典則貽將示子孫惆悵太康荒墜  
後覆宗絕祀滅其門

佐雙萬姓遂無依顏厚何曾解忸怩五子既歌已  
失一場前事悔難追

李薦

華州人

### 驪山歌

君門如天深九重君王如帝坐法宮人生難處是安  
穩何為來此驪山中複道連雲接金闕樓觀隱煙橫

翠紅林深谷暗迷八駿朝東暮西勞六龍西幸峨眉  
棧悲風便入華清院霓裳蕭散羽衣空麋鹿來遊墟  
市變我上朝元春半老滿地落花人不掃羯鼓樓高  
掛夕陽長生殿古生青草可憐吳楚兩醯鷄築臺未  
就已堪悲長楊五柞漢幸免江都樓成隋自迷由來  
流連多喪德宴安鴆毒因奢惑三風十愆古所戒不  
必驪山可亡國

楊奐

煥然奉天人河南  
路稅課所廩勸使

### 金谷行

洛陽園池天下無金谷近在西城隅晉時花草不復



見野人猶解談齊奴齊奴豪奢誰比數酒酣愛擊珊瑚  
湖株後堂春風滿桃李中有一枝名綠珠千金買步  
障百金買艷艷時時吹笛替郎語雲牕霧戶長歡娛  
層階欲下須人扶豈料一日能捐軀紅飛玉碎頃刻  
裏空使行客悲躊躇樓頭小婦感恩死君臣大義當  
何如

有懷洪仲經父

美人熒熒在何處海闊天低隔煙霧珊瑚零落芙蓉  
空咫尺相望迷去路翠輦金輿雙鳳凰風吹環珮聲  
琅琅壺觴狼籍事已往一日萬里愁茫茫劉郎竟是

誰家客歲晚霜華林葉赤美人熒熒在何處鴨綠江  
頭江月白

馬祖常

狄道人寓光州御  
史中丞諱文貞

車簇簇行

李陵臺西車簇簇行人夜向灤河宿灤河美酒斗十  
千下馬飲者不計錢青旗遙遙出華表滿堂醉客俱  
年少侑盃小女歌竹枝衣上翠金光陸離細肋沙羊  
成體薦共訝高門食三縣白髮從官珥筆行毛袍衝  
雨桓州城

寄鄉友



河邊老父念我出遠寄京華書一行謂言白髮今多  
少又報南園竹樹荒門前石田杭秫熟犢子新生走  
如鹿莫戀官家有俸錢長年作客身如束

補

喬知之

羸駿篇

噴玉長鳴西北來自言當代是龍媒萬里鐵關行入  
貢九重金闕為君開蹀躞朝馳過上苑趨趨瞋走發  
章臺玉勒金鞍何裝飾路傍觀者無窮極小山桂樹  
比權奇上林桃花况顏色忽聞天將出龍沙漢主詩

將駕鼓車去去山川勞日夜遙遙關塞斷烟霞山川  
關塞十年征汗血流離赴月營肌膚銷遠道膂力盡  
長城長城日夕苦風霜中有連年百戰場挫珂齒勒  
金羈盡爭鋒足頓鐵菱傷垂耳罷輕齎棄置在寒谿  
大宛蒲海北滇壑舊岩西沙平留緩步路遠闔頻嘶  
從來力盡君須棄何必尋途我已迷歲歲年年奔達  
道朝朝暮暮催疲老扣冰晨飲黃河源拂雪夜食天  
山艸楚水檀溪征戰事吳塞烏江辛苦地特來報主  
不辭勞宿昔立功非重利丹心素節本無求長鳴向  
君君不留祗應漫漫歸田里萬里低昂任生死君王



倘若不見遺白骨千金猶可市

韋應物

驪山行

君不見開元至化無衣裳厭坐明堂朝萬方訪道靈  
山降聖祖沐浴華池集百祥千乘萬騎被原野雲霞  
草木相輝光禁仗圍山曉霜勁離宮積翠夜漏長王  
階寂歷朝無事碧樹萎蕤寒更芳三清小鳥傳仙語  
九華真人奉瓊漿下元昧爽漏恒秩登山朝禮玄元  
室翠華稍隱天半雲丹閣先明海中日羽旗旄節憇  
瑤臺清絲妙管從空來萬井九衢皆仰望彩雲百鶴

方徘徊憑高覽古嗟寰宇造化茫茫思悠哉秦川  
水長繚繞漢氏五陵空崔嵬乃言聖祖奉丹經以年  
為日億萬齡蒼生咸壽陰陽泰高謝前王出塵外英  
豪共理天下晏戎夷讐伏兵無戰時豐賦斂未告勞  
海闊珍奇亦來獻干戈一起文物乖歡虞已極人事  
變聖皇弓劍墜幽泉古木蒼山閉宮殿續承鴻業聖  
明君威震六合驅妖氛太平遊幸今可待湯泉嵐嶺  
還氛氲

李益

塞下曲



蕃州部落能結束朝暮馳獵黃河曲燕聲一斷塞鴻  
飛牧馬群嘶邊草綠秦築長城城已摧漢武北上單  
于臺古來征戰虜不盡今日還復天兵來黃河東流  
流九折沙場埋恨何時絕蔡琰沒去造胡笳蘇武歸  
來持漢節為報如今都護雄匈奴且莫下雲中詩書  
塞北陰山石願比燕然車騎功

雍音卷之三

天以鄭所校并書



雍音目錄卷之四



絕句五言

天水胡纘宗編次

蘇頲

三首

崔興宗

一首

王維

二首

裴迪

四首

吳筠

一首

李適之

一首

韋應物

五首

李益

二首

令狐楚

二首

權德輿

一首

韋處厚

二首

辛弘智

一首

白居易

二首

柳公權

一首

李賀

二首

于武陵

一首





嚴雖不逮內編亦歷代諸名家所選編者吾秦學者苟於此沉潛之涵咏之亦可博騷步而探風雅矣然學漢當法蘇李學唐當法李杜王韋而晉傅休矣陳陰子堅亦非宋元寇平仲余廷心所及吾雍後學其知所從事矣哉

岐陽王完大華張光孝 校讐

卷之四終

雍音卷之四



絕句 五言

天水胡縉宗編次

蘇頲

汾上驚秋

北風吹白雲萬里渡河汾心緒逢搖落秋聲不可聞

山鷓鴣詞

玉關征戍久空閨人獨愁寒露濕青苔別來蓬髮秋

其二

人坐青樓晚鶯語百花時愁多人自老腸斷君不知

崔興宗

藍田人



九日侍宴應制

重九開秋節得一動宸儀金風飄菊蕊玉露滋更枝  
睿覽八紘外天文七曜披臨深應在即居高豈慮危  
韓休

奉和聖製送張尚書巡邊

一德光台象三軍掌夏卿來威伸廟畧出總叶師貞  
受鉞辭金殿憑軒出鼎城曙光搖組甲踈吹繞雲旌  
左律方先凱中輦即訓兵定功彰武事陳頌紀天聲  
祖宴初留賞宸章更寵行車徒零雨送林野夕陰生  
路極河流遠川長朔氣平南轅逢返旆歸奏謁承明



于濟 一首 咸陽僕 一首

楊奐 五首

絕句七言

唐玄宗 一首 德宗 一首

李適 一首 李迥秀 一首

趙彥昭 一首 蘇頲 二首

蘇頲 二首 李白 四首

崔興宗 一首 杜甫 一首

元載 一首 韋應物 一首

李益 五首 竇常 一首

竇鞏 四首 權德輿 三首

令狐楚 一首 白居易 一首

李賀 二首 楊炎 一首

李翱 一首 柳公權 一首

韋弁 一首 韋臯 一首

白行簡 一首 杜牧 五首

李穀 一首 韓偓 一首

張孜 一首 韋莊 三首

李建勳 一首 涼州士人 三首

572920  
21.9.1939



魚玄機 二首

鍾離權 一首

牛嶠 一首

寇準 三首

張載 二首

呂大鈞 二首

呂大臨 一首

虞集 二首

馬祖常 六首

余闕 二首

近體五言

唐太宗 一首

高宗 一首

中宗 一首

玄宗 一首

越王貞 一首

韓王元嘉 一首

韋元男 一首

杜之松 一首

顏師古 一首

杜淹 一首

竇威 一首

楊炯 一首

李適 四首

李適秀 一首

趙彥昭 五首

李元紘 二首

蘇瓌 一首

李行言 一首

韋元旦 三首

辛替否 一首

蘇頲 二首

韋安石 一首

韓休 一首

韋抗 一首

宇文融 一首

崔沔 一首

誤正後又一首  
補見後



裴迪 二首

嚴武 一首

李適之 一首

韋應物 四首

李泌 二首

竇叔向 二首

常袞 一首

竇牟 一首

竇羣 一首

李益 五首

令狐楚 二首

權德輿 五首

李賀 二首

白居易 二首

牛僧孺 一首

長孫佐輔 一首

白行簡 一首

韋渠牟 五首

李程 二首

柳公綽 一首

韋紆 一首

杜牧 一首

楊嗣復 一首

李洞 三首

白敏中 一首

于武陵 四首

李廓 一首

韋莊 三首

楊容華 一首

魚玄機 一首

寇準 四首

种放 一首

李孟 一首

顏師古 一首 補  
陳陶 一首 補

近體七言

中宗 一首

李適 五首

趙彥昭 三首

蘇瓌 一首



韋元旦 三首

蘇頲 四首

裴迪 一首

崔興宗 一首

嚴武 二首

韋應物 三首

李幼卿 一首

竇叔向 一首

李益 三首

權德輿 四首

令狐楚 一首

李逢吉 三首

白居易 三首

白敏中 一首

杜牧 三首

李郢 四首

韓偓 五首

李洞 三首

秦韜玉 一首

李穀 一首

韋莊 五首

寇準 一首

李師中 一首

楊奐 一首

趙世延 一首

郝天挺 一首

馬祖常 三首

貞怡然 二首

虞集 一首

補

絕句五言

傅亮 一首

太宗 三首

杜甫 一首

絕句七言

韋元旦 一首

王縉 一首



韓滉

一首

杜牧

一首

聯句

中宗

趙彦昭

李適

蘇題

一首

文宗

柳公權

一首

李之芳

杜甫

一首

李益

杜羔

三首

補

樂府三首

唐集中詩僧頗衆然皆無色里雍豈無一詩備錄  
貼侯續入

絕句古今稱太白摩詰牧之近體古今稱謫仙工  
部右丞外此格調雖或不及而音律近之若致堯  
才江端已亦何可少邪用是博采之非惟逸響猶  
當莊誦而流風餘韻下逮宋元大篇短章抑何可  
逸邪絕句五言復得四十首七言復得八十有三  
首近體五言復得一百有十首七言復得六十有  
八首而雍之詩苟協之律呂不洋洋乎關隴哉其  
聯句今得六首亦諸先正之効栢梁者夫雍詩不  
止此隴外地僻無多史集他如詩統才調觀瀾編  
類百家選諸集皆不及見無從采輯而是編所取



往南山留別王右丞

駐馬欲分襟清寒御溝上  
前山氣景佳獨往還惆悵

王維

贈弟穆十八

與君青眼客共有白雲心  
不向東山去日令春草深  
哭孟浩然

故人不可見漢水日東流  
借問襄陽老江山空蒼

裴迪

鹿柴

日夕見寒山便爲獨往客  
不知松林事但有蹊路跡

臨湖亭

當軒彌滉漾孤月正徘徊  
谷口猿聲發風傳入戶來

南垞

孤舟信風泊南垞湖水岸  
落日下崦嵫清波殊淼漫

輞口遇雨憶終南山

積雨晦空曲平沙滅浮彩  
輞水去悠悠南山復何在

呂筠

題華山人所居

故人住南郭邀我對芳尊  
歡暢日亦暮不知城市喧

李適之

常山隱士孫也左相



罷相作

避賢初罷相樂聖且銜杯爲問門前客今朝幾箇來  
常應物

答李幹

孤客逢春暮紙書寄舊遊海隅人使遠書到洛陽秋  
寄盧陟

柳葉遍寒塘曉霜凝高閣累日此留連別來成寂寞  
懷琅琊深標二釋子

白雲埋大壑陰崖滴夜泉應居西石室月照山蒼然  
登樓

茲樓日登眺流歲暗蹉跎坐厭淮南守秋山紅樹多

聽江笛送陸侍御

遠聽江上笛臨觴一送君還秋獨宿夜更向郡齋聞  
李益

觀騎射

邊頭射鵰將走馬出中軍遠見平原上翻身向暮雲  
感懷

調與時人背心將靜者論終年帝城裏不識五侯門  
令狐楚

遠別離



楊柳黃金穗 梧桐碧玉枝 春來消息斷 早晚是歸時

其二

玳織簪 鸞覆金裝 翡翠簪 畏人相問 著不擬到城南  
權德輿

嶺上逢久別者又別

十年曾一別 征旆此相逢 馬首向何處 夕陽千萬峰

韋處厚

德載萬年人  
中書侍郎

隱月

初映鈎如線 終銜鏡似鈎 遠澄秋水色 高倚曉河流

上士餅泉

綆汲豈無井 巖顛貴非浚 願洗塵垢餘 一雨根莖潤

辛弘智

安定多  
辛氏

國子監進士賦詩

君為河邊草 逢春心更生 妾如臺上鏡 得照始分明

白居易

閨怨詞

珠箔籠寒月 紗窓背曉燈 夜來巾上淚 一半是春冰

庾樓歲旦

歲時銷旅貌 風景觸鄉愁 牢落江湖意 新年上庾樓

柳公權

懸華原人 諫議大夫 知制誥  
太子太保 致仕 贈太子太師



宮嬪

去歲雖無戰今年未得歸  
皇恩何以報春日得春衣

李賀

馬

藕花涼露濕花缺藕根澁  
飛下雌鴛鴦塘水聲澁澁

京城

驅馬出門意牢落長安心  
兩事向誰道自作秋風吟

于武陵

長春宮

莫問古宮名古宮空古城  
唯應東去水不改舊時聲

于漬

青樓曲

青樓臨大道一上一回老  
所思終不來極目傷春草

咸陽僕

青鳥

青鳥銜蒲萄飛上金井欄  
美人恐驚去不敢捲簾看

楊奐

錄汴梁宮人語

邊奏行臺急東華夜啓封  
內人催步輦不候長陽鐘

其二



殿前輪直罷偷去賭金釵怕見黃昏月殷勤上玉階

其三

翠翹珠搔背小殿夜藏鈎驀地羊車至低頭笑不休

其四

畫燭雙雙引珠簾一一開  
簾前齊下拜歡飲辟寒盃

其五

駕前雙白鶴日日候朝回  
自送鑾輿去經年更不來

絕句 七言

玄宗

過大哥山池

澄潭皎鏡石崔嵬萬壑千岩暗綠苔  
林亭自有幽真趣况復秋深爽氣來

德宗

九日

禁苑秋來爽氣多昆明風動起滄波  
中流簫鼓誠堪賞詎假橫汾發棹歌

李適

錢唐永昌赴任東都

聞道飛鳬向洛陽翩翩矯翮度又昌  
因聲寄意三花樹小室高前幾過香



李迥秀

茂之至陽人  
平章政事

和主第錫宴

金榜岩光雲裏開  
玉簫參差天際迴  
莫驚側棄還歸路  
祗爲平陽歌舞催

趙彥昭

與然張掖人  
中書侍郎  
同中書門下平章事

奉和聖製幸常嗣立莊應制

廊廟心存岩壑中  
鑾輿曠在霸城東  
逍遙自有蒙莊子  
漢主徒言河上公

蘇頲

夜宴安樂公主宅

車如流水馬如龍  
仙史高臺十二重  
天上初移漢匹  
街可憐歌舞夜相從

奉和聖製幸常嗣立莊應制

樹色參差隱翠微  
泉流百尺向空飛  
傳聞此處投竿  
住遂使茲辰扈蹕歸

崔興宗

喜群公訪林亭

窮巷深林常閉關  
悠然獨卧對前山  
今朝勿忘莊生  
駕倒徒開門遙解顏

李白



東魯門泛舟

日落沙明天倒開波搖石動水縈迴輕舟泛月尋溪  
轉疑是山陰雪後來

望天門山

天門中斷楚江開碧水東流至北迴兩岸青山相對  
出孤帆一片日邊來

與史郎中欽聽黃鶴樓上吹笛

一為遷客去長沙西望長安不見家黃鶴樓中吹玉  
笛江城五月落梅花

口號吳王美人半醉

風動荷花水殿香姑蘇臺上見吳王西施醉舞嬌無  
力笑倚東牕白玉牀

杜雨

解悶

一辭故國十經秋每見秋瓜憶故丘今日南湖采薇  
蕨何人為覓鄭瓜州

元載

公輔鳳翔人中書  
侍郎同平章事

遊秦別內

年來誰不厭龍鍾雖在侯門但不容看取海山寒翠  
樹苦遭霜霰到秦封



萬應物

閑居寄諸弟

秋草生庭白露時故園諸弟益相思  
盡日高齋無一事芭蕉葉上自題詩

賦得沙際路送從叔象

獨樹沙邊人跡稀欲行秋遠暮鐘時  
野泉幾處侵應盡不遇山僧知問誰

荅東林道士

紫閣西邊第幾峰茅齋夜雪虎行蹤  
遙看黛色知何處欲出山門尋暮鐘

春思

野花如雪繞江城坐見年芳憶帝京  
閨闔曉開凝碧樹曾陪鴛鴦聽流鶯

李益

寫情

水紋珍簾曳筱筱千里佳期一夕休  
從此無心愛良夜任他明月下西樓

從軍北征

天山雪後海風寒橫笛偏吹行路難  
碛裏征人三十萬一時回首月中看



柳楊送客

青楓江畔白蘋洲。楚客傷離不待秋。君見隋朝更何事。柳楊南渡水悠悠。

隋宮燕

燕語如傷舊國春。宮花一落旋成塵。自從一閉風光後。幾度飛來不見人。

春夜聞笛

寒山吹笛喚春歸。還客相看淚滿衣。洞庭一夜無蠻雁。不待天明盡北飛。

竇常

七夕寄懷

露盤花水望三星。髮鬢虛無降巨靈。斜漢沒時人不寐。幾條蛛網下風庭。

竇常

竇與兄弟年常序輩皆為郎工詞章為聯珠集傳於時義取昆弟若五星然

洛中即事

高梧葉盡鳥巢空。洛水泔泔夕照中。寂寂天橋車馬絕。寒鴉飛入上陽宮。

代隣叟

年來七十罷耕桑。就暖支羸強下牀。滿眼兒孫身外



事閑梳白髮對殘陽

永寧小園寄接近校書

故里心期柰別何  
手栽芳樹憶庭柯  
東皇黍熟君應醉  
梨葉初紅白露多

寄南遊弟兄

書來未報幾時還  
知在三湖五嶺間  
獨立衡門秋水闊  
寒鷗飛去日衡山

權德輿

贈天竺靈隱二寺主

石路泉流兩寺分  
尋常鐘磬隔山聞  
山僧半在中峰

佳共占清猿與白雲

題柳郎中故居

下馬荒堦日欲曛  
潯石溜靜中聞  
鳥啼花落人聲絕  
寂寞山窗掩白雲

朝元閣

繚垣複道上層霄  
十月離宮萬國朝  
胡馬忽來清蹕去  
空餘臺殿照山椒

冷孤楚

塞下曲

邊草蕭條塞鴈飛  
征人南望盡沾衣  
黃塵滿面長濱



戰由髮生頭未得歸

白居易

楊柳枝

紅板江橋青酒旗  
館娃宮暖日斜時  
可憐雨歇東風  
定萬樹千條各自垂

李賀

酬荅

雍州二月海池春  
御水鵝鵲暖白蘋  
試問酒旗歌板  
地今朝誰是拗花人

三月過行宮

渠水紅繁擁御墻  
風嬌小葉學娥粧  
垂葉幾度青春  
老堪鑲千年白日長

楊炎

公南鳳翔人門下  
侍郎同平章事

贈薛姪

雪面淡眉天上女  
鳳簫鸞翅欲飛去  
玉容翹翠步無  
塵楚腰如柳不勝春

李翱

習之隴西人山  
南東道節度使

贈藥山高僧惟儼

練得身形似鶴形  
千株松下兩函經  
我來問道無餘  
說雲在青霄水在鉾



選得幽居愜野情終年無送亦無迎有時直上孤峰  
頂月下披雲嘯一聲

柳公權

宮嬪

不分前時忤主恩已甘寂寞守長門今朝却得君王  
顧重入椒房拭淚痕

韋丹

公明京兆人江  
南西道觀察使

寄靈澈

王事紛紛無暇日浮生冉冉只如雲已為平子歸休  
計五老巖前必共開

韋臯

城武萬年人檢校尚書進司  
徒封南康王贈太師謚忠武

寄玉簫

黃雀銜來已數春別時留解贈佳人長江不見魚書  
至為遣相思夢入秦

白行簡

知退下邳人  
度支郎中

望巴郡南山

臨江一嶂白雲間紅綠峯巒不作巴南天外  
意何殊昭應望驪山

涼州士人

涼州歌

開元中西涼府都  
督郭知運所進

凡三疊



漢家宮裏柳如絲上苑桃花連碧池聖壽已傳千歲  
酒天文更賞百僚詩

朔風吹葉鴈門秋萬里烟塵昏戍樓征馬長思青海  
上胡笳夜聽隴山頭

鴛鴦殿裏笙歌起翡翠樓前出舞人喚上紫微三五  
夕聖明方壽一千春

魚玄機

江陵愁望寄子安

楓葉千枝復萬枝江橋掩映暮帆遲憶君心似東流  
水日夜東流無歇時

閣曲淋鈴淚萬行

金谷園

繁花生事散逐香塵流水無情草自春日暮東風然啼  
鳥落花猶似墮樓人

李穀

德卿隴西人  
殿中侍御史

和皮日休悼鶴

道林曾放雪翎飛應悔庭除閉羽衣料得王綦披鶴  
氅倚吟猶待月中歸

韓偓

醉著



萬里清江萬里天一村桑柘一村煙漁翁醉著無人  
喚過午醒來雪滿船

張攷

夢李白

當是古詩

夢破青霄春煙霞無去塵若誇郭璞五色筆江淹却  
是尋常人

韋莊

春愁

自有春愁正斷魂不堪芳草思王孫落花寂寂黃昏  
雨深院無人獨倚門

殘花

江頭沉醉落殘暉却向花前慟哭歸惆悵一年春又  
去碧雲芳草兩依依

古別離

晴烟漠漠柳毵毵不那離情酒半酣更把玉鞭雲外  
指斷腸春色在江南

李建勳

宮詞

宮門長閉舞衣閑略識君王鬢便斑却羨落花春不  
管御溝流得到人間



上卷  
工人

涼州歌

開元中西涼府都督郭知運所進

凡三疊

家宮裏柳如絲上苑桃花連碧池聖壽已傳千歲

天更賞百僚詩

朔風吹葉鴈門秋萬里烟塵昏戍樓征馬長思青海

上胡笳夜聽隴山頭

鴛鴦殿裏笙歌起翡翠樓前出舞人喚上紫微三五

夕聖明方壽一千春

魚玄機

初號西京咸陽女道士

江陵秋夜寄子安

楓葉千枝復萬枝江橋掩映暮帆遲憶君心似東流  
冰日夜東流無歇時

江行

大江橫挹武昌斜鸚鵡洲前萬戶家畫舸春眠朝  
穩夢為蝴蝶也尋花

鍾離權

外傳稱仙翁

邢州開元寺詩

得道高僧不易逢幾時歸去願相從自言住處蓮  
海別是蓬萊第一峰

牛嶠

松卿隴西人拾遺尚書郎



紅薔薇

曉啼珠露渾無力  
繡簇羅襦不着行  
若綴壽陽公主額  
六宮爭肯學梅粧

寇準

新蟬

寂寂官槐雨乍晴  
高枝微帶夕陽明  
臨風忽起悲秋思  
獨聽新蟬第一聲

書河上亭壁

暮天寥落凍雲垂  
一均危亭欲下遲  
臨水數村誰畫得  
淺山寒雪未銷時

追思柳惲汀洲之詠尚有餘妍因書

杳杳煙波隔千里  
白蘋香散東風起  
日落汀洲一望時  
秋情不斷如春水

張載

子厚郿人知太常禮院謚明公封郿伯

別館中諸公

九天宮殿鬱嵒崑  
碧瓦參差逼絳霄  
藜藿野心雖萬里  
不無忠戀向清朝

主牀煙足袖袵煖  
外漫然清世一閑人



呂大鈞

和叔藍田人宣義郎卿延轉運從事

曾點

函丈從容問且酬  
展才無不至諸侯  
可憐曾點推鳴

瑟獨對春風詠不休

呂大臨

與叔大鈞弟秘書省正字

送劉元吉

學如元凱方成癖  
文似相如始類俳  
獨立孔門無一

事唯傳顏子得心齋

佳傳一作瓦輪

虞集

伯生後漢

聽雨

屏風圍暖鬢  
煖煖絲蟬搖光  
照暮酌京國多年  
憐羣

改忽聽春雨憶江南

何處它年寄此生  
山中江上總關情  
無端繞屋長松

樹盡把風聲作雨聲

馬祖常

秋道人史中丞謚文貞

寄家書

春雲閣雨花泥少  
池上波平飛白鳥  
蘄中河水盡天

涯蓮葉圓時身到家

宮詞

華清水殿繡芙蓉  
金鳥香銷寶帳重  
竹葉羊車來別



院何人空聽景陽鍾

銀床井冷露溥溥半臂薰衣釧辟寒不恨長門冬夜

末小奴休報羅單

長門月轉漏聲催自慰寒衣減帶圍休怕官家嫌體

弱細腰曾是楚王妃

八姨粉翠錫千緡脂盃新粧百寶勺白髮上陽宮女

老補衣重拆繡

其鄰

露蘭研粉壽陽粧盃內新燒百刺香圓舌教成鵲

語偷將玉笛送寧王

余闕

廷心武威人徙廬州翰林修撰待制卽元卿

### 南歸偶書

帝城南下望江城此去鄉關半月程同向春風折楊

柳一般離別兩般情

二月不歸三月歸已將行篋捲征衣殷勤為報家園

樹緩緩開花緩緩飛

近體

唐太宗

秋日

爽氣澄蘭沼秋香動桂林露凝千片玉菊散一叢金  
日吐高低影雲垂點綴陰蓬瀛不可望泉石且娛心



高宗

過溫湯

溫渚停仙蹕，豐郊駐曉旌。  
路曲回輪影，巖虛傳漏聲。  
暖溜驚湍駛，寒空碧霧輕。  
林黃疎葉下，野白曙霜明。  
眺聽良無已，煙霞斷續生。

中宗

九月九日

九日正乘秋，三杯興已周。  
泛桂迎罇滿，吹花向酒浮。  
長房莫早熟，彭澤菊初收。  
何藉龍沙上方得，恣淹留。  
時景龍三年也。序云：陶潛盈把既浮，九醞之歡。

卓持螯湏盡一生之與人，題四韻同賦五言。

韋安石得枚字。金風飄菊蕊，玉露滋萸枝。

蘇瓊得暉字。恩深荅效淺，留醉奉宸暉。

李迥秀得風字。霧雲開曉日，仙藻麗秋風。

蘇頲得時字。年數登高日，延齡命賞時。

韋元旦得月字。雲物開千里，天行乘九月。

李適得高字。禁苑秋光入宸遊，霽色高。

餘十餘人皆非  
寡人故不錄

越王貞

過溫湯奉和



鳳輦騰宸駕，驪蹕次乾遊。坎德踈溫液，山隈派煖流。  
寒氛空外擁，蒸氣沼中浮。林凋帷影散，雲斂蓋陰收。  
霜郊暢玄覽，參差落景遒。

韓王元嘉

奉和同太子監守違戀

乾象開曾構，離明啓少陽。卜征從獻吉，守器屬元良。  
耿矣凌周誦，遙哉掩漢莊。好士傾南洛，多才盛北場。  
地分丹鷲嶺，途間白雲鄉。儲誠虔曉夕，宸愛積炎涼。  
珠壁連霄漢，萬物仰重光。

韋元旦

秋日應詔

玉樹涼風舉，金塘細草萎。葉落商飈觀，鴻歸明月池。  
迎寒桂酒熟，含露菊花垂。一奉章臺宴，千秋長願斯。

杜之松

京兆人  
河中刺史

和衛尉寺柳

漢將本屯營，遼河有戍城。大夫曾取姓，先生亦得名。  
高枝拂遠鴈，疎影度遙星。不辭攀折苦，為入管絃聲。

顏師古

籀卿邪人世居關中  
祕書監諫議大夫

奉和正日臨朝

七政璿衡始，三元寶曆新。負宸延百辟，垂旒御九賓。



肅肅皆鴛鴦濟濟盛替紳天涯重致繹日域獻奇琛

杜淹

執禮杜陵人檢校吏部尚書

贈袁天綱

伊呂深可慕松喬定是虛繫風終不得脫徒欲安知且珍純素美當與薜蘿疎既逢楊得意非復久閑居

竇威

文蔚岐州人書令

出塞曲

匈奴屢不平漢將欲橫行看雲方結陣却月始連營  
潛軍度馬邑揚旆掩龍城會勒燕然石方傳車騎名

楊炯

折楊柳

邊地迷無極征人去不還秋容凋翠羽別淚損紅顏  
望斷流星驛心馳明月關葉石何處在楊柳自堪攀

李適

九日登慈恩應制

鳳輦乘朝霽鸚鵡林對晚秋天文貝葉寫聖澤菊花浮  
塔似神功造龕疑佛影留幸陪清漢蹕欣奉淨居遊

奉和聖製九日侍宴應制

禁苑秋光入宸遊霽色高黃房頒采笥菊蕊薦香醪  
後騎縈堤柳前旌拂御桃王枚俱得從淺淺愧飛毫



陪幸臨渭亭賞雪

長樂喜春歸披香愛雪霏花從銀閣度絮繞玉窗飛  
寫曜銜天藻呈祥拂御衣上林紛可望無處不光輝

送金城公主

絳河從遠聘青海赴和親月作臨邊曉花為度隴春  
主歌悲顧鶴帝策重安人獨有瓊簫曲悠悠思錦輪  
李迥秀

慈恩寺九日應制

沙界人王塔金繩梵帝遊言從祇樹嘗行說菊叢秋  
御酒調甘露天花亂綵旒堯年持佛日同此慶時休

趙彥昭

奉和人日清輝閣宴群臣遇雪應制

出震乘東陸憑高御北辰祥雲應早歲瑞雪候初旬  
宮樹千花發階蓂七葉新幸承今日宴長奉萬年春  
奉和七夕兩儀殿會宴應制

青女三秋節黃姑七日期星橋渡玉佩雲閣掩羅帷  
河氣通仙掖天文入睿詞今宵望靈漢應得見娥眉  
安樂公主新宅

雲物中京曉天人外館開飛橋像河漢懸榜學蓬萊  
北闕臨仙檻南山送壽杯一窺輪奐畢慙慙棟梁材



九日臨渭亭

秋豫凝仙覽宸遊轉翠華呼鷹下鳥路戲馬出龍沙  
紫菊宜新壽丹黃辟舊邪須陪長久宴歲歲奉吹花

白鹿觀應制

雲駟驅半景星躔坐中天國誕玄宗聖家尋碧落仙  
玉杯鸞薦壽寶筭鶴知年一觀光華旦忻承道德篇

李元紘

大綱京兆人  
中書同平章事清  
水縣男贈太子少傅謚文忠

綠池怨

征馬操金珂嫖姚向北河綠苔行跡少紅粉淚痕多  
寶至粘花絮銀爭覆網羅別君如昨日青海鴈頻過

相思怨

望月思氛氲朱金懶更薰卷生翡翠帳淚點石榴裙  
燕語時驚妾驚鳥啼轉憶君交河一萬里仍隔數重雲

蘇瓌

九日應制

重陽早露晞睿賞瞰秋磯菊氣先薰酒更香更襲衣  
清切絲桐會縱橫文雅飛恩深各効淺留醉奉宸暉

玄宗

當在前

幸蜀西至劔門

劔閣橫雲峻鑾輿出狩回翠屏千仞合丹嶂五丁開



灌木繁旗轉仙雲拂馬來乘時方在德嗟尔勒銘才

李行言龍西人給事中

秋晚度磨關

秦郊平舊險周德眷遺黎始聞清夜柝俄見落封泥  
物色來無限津途去不迷空亭誰問馬閑戍但鳴鷄  
山月寒彌淨河風曉更淒贈言楊伯起非復是關西

韋元旦

送金城公主和親

柔遠安夷俗和親重漢年軍容旌節送國命錦車傳  
琴曲悲千里簫聲戀九天唯應漢西月來就掌珠圓

錢唐州高使君

桐栢膺新命芝蘭惜舊遊鳴臯夜鶴在遷木早鷺求  
傳擁准源路鐫空灞水流落花分送遠春色別離憂

早朝

霞維方月季宸極衆星尊佩玉朝三陟鳴珂過九門  
挈壺分早漏伏檻耀初曦北倚蒼龍闕西臨紫鳳垣  
詞庭草雖視溫室樹無言鱗翰空為忝長懷聖主恩

辛替否

協時京兆人右臺殿中侍御史

慈恩寺九日應制

洪慈均動植至德俯深玄出豫從初地登高適梵天



白雲飛御藻慧日暖皇編別有秋園藿長傾雨露綠  
蘇題

送金城公主

帝女出天津和戎轉霸輪川經斷腸望地與析支隣  
奏曲風嘶馬銜悲月伴人旋知偃兵革長是漢家親  
恩制尚書省寮宴昆明池

露溼洒雲霄天官次斗杓昆明四十里空水極晴朝  
鴈似銜紅葉鯨疑噴海潮翠山來徹底白日去迴標  
泳廣漁叔溢浮深妓舫搖飽恩皆醉止合舞共歌竟  
韋安石



韋杭

安石從子刑部尚書謚曰貞

送集賢學士張說上官賜讌

廣庭臨壁沼多士侍金閨英宰文儒協明君日月齊  
采賢光首拜政殿發新題早夏初移律餘花尚拂溪  
正觴接雲上經術引關西聖德鴻名遠將陪玉檢泥  
宇文融京兆人黃門侍郎同平章事

奉和御製三相同日上官詩

甫生周日宣慈舉舜年何如偶昌運比德邁前賢  
獲元良密榮瞻端揆遷職優三事老位極百寮先  
極迴宸渥南宮飾宴筵飛文瑤札降賜酒玉杯傳

謬列台衡重俱承雨露偏誓將同竭力相與効塵涓

崔沔

善冲京兆人山東刺史

恩賜樂園宴

五日酺初畢千年樂未央復承天所賜終宴國之陽  
地勝春逾好恩深樂更張落花飛廣座垂柳拂行觴  
庶尹陪三吏諸侯具萬方酒酣同忭躍歌舞詠時康  
韋述

春日山庄

初歲開韶月田家喜載陽晚晴搖水態遙景蕩山光  
浦淨漁舟遠花飛樵路香自然成野趣都使俗情忘

572920

h. 9. 1939



送張說上集賢學士應制

修文中禁啓改字令名加台坐徵人傑書坊應國華  
賦詩開廣宴賜酒酌流霞雲散鳴金闕池開照玉沙  
掖垣留宿鳥溫樹落餘花謬此天光及銜恩醉日斜

王綰

贈雲壁上人

林中空寂舍階下終南山高臥一床地回首六合間  
浮雲幾處滅飛鳥何時還問義天人接無心世界閑  
誰知大隱客兄弟自追攀

遊悟真寺

聞道黃金地仍成白玉田擲山移巨石呪嶺出飛泉  
猛虎同三逕愁猿學四禪買香燃綠桂乞火踏青蓮  
草色搖霞上松風泛月邊山河窮百二世界滿三千  
梵宇聊憑覽王城遂眇然灞陵纔出樹渭水欲連天  
遠縣分朱郭孤村起白煙望雲思聖主披霧憶群賢  
薄宦慙尸祿終身擬尚玄誰言草菴客曾和栢梁篇

送孫秀才

帝城風日好况復建平家玉枕雙紋簟金盤五色瓜  
山中無魯酒松下飯胡麻莫厭田家苦歸期遠復賒  
裴迪



過曇興上人山院

不遠瀟陵邊安居向十年入門穿竹徑留客吠山泉  
鳥轉深林裏心閑落照前浮名亦何意從此願棲禪

夏日過青龍寺謁操禪師

安禪一室內左右竹亭幽有法知不染無言誰敢酬  
鳥飛爭向夕蟬噪已先秋煩暑自茲退清涼何處求  
嚴武

酬別杜二

獨逢堯典日再覩漢官時未効風霜勁空慙雨露私  
夜鐘清萬戶曉漏拂千旗並向殊亭謁俱承別館追

斗城憐舊路濁水惜歸期峯樹遠相伴江雲更對誰  
試迴滄浪棹更和般若詩祇是書牕寄無忘酒共持  
但令心事在未肯鬢毛衰最恨巴山裏清猿惱夢思  
李適之

陸渾水亭

晝眺伊川水巖間翠色明淺沙平有路流水漫無聲  
浴鳥浴波聚潛鱗觸釣驚更尋春岸上幽意滿山楹  
韋應物

贈蕭河南

嚴劇辭京縣褒賢待詔書鄧侯方繼業潘令且閑居



霽後三川冷秋深萬木疎對琴無一事新興復何如  
期盧嵩枉書稱日暮無車馬不赴以詩荅

佳期不可失終願枉衡門南陌人猶度西林日未昏  
庭前空倚杖蒼裏獨留樽莫道無來駕知君有短轅  
賦得昂門送盧耿赴任

名因定鼎地門對鑿龍山水北樓臺近城南車馬還  
曉開春野靜暮掩寺鐘閑此去無差屈前賢尚抱關  
月夜會徐十一草堂

空齋無一事岸幘故人期暫輟觀書夜還題詠月詩  
遠鐘高枕後清露捲簾時暗覺新秋近殘河欲曙遲

李泌

長源河六世孫侍郎同平章事兼縣侯贈太子太傅

泌一作秘唐宗室也

禁中送住山人

子去非長遠君恩取大還補天留采石縮地入青山  
獻壽千秋外來朝數月間莫拋殘藥物竊欲駐童顏  
奉和聖製重陽賜會聊示所懷

大唐造昌運品物荷時成乘秋逢令節賜宴懽群情  
俯臨秦山川高會漢公卿欠一韻未追赤松子且泛黃  
菊英賡歌聖人作海內同休明

竇叔向

秋砧送包大夫



斷續長門夜清冷逆旅秋征夫應待信寒女不勝愁  
帶月飛城上因風散陌頭離居偏入聽况復送行舟

貞懿皇后挽歌

後庭攀畫柳上陌咽清笳命婦羞蘋葉都人插柰花  
壽宮星月異仙路往來賒縱有迎神術終悲隔絳紗

常袞

京兆人侍  
郎同平章事

晚秋集賢院即事寄徐薛二侍郎

穆穆上清居沉沉中秘書金鋪深內殿石甃淨寒凜  
花樹臺斜倚宮煙閣半虛縹囊鋪錦繡翠軸卷瓊瑤  
墨潤水文蘭香消蠹字魚翻黃桐葉老吐白桂花初

舊德雙遊處聯芳十載餘北朝榮更薛西漢盛嚴徐  
侍講親華髮徵詩步綺疏綴簾金翡翠賜硯玉蟾蜍  
移秩東南遠離憂歲月除承明期重入江海意何如  
竇牟

元日喜聞大禮寄四學士六舍人

有事郊壇畢無私日月臨歲華春更早天瑞雪猶深  
玉輦回時令金門降德音翰飛鴛別侶叢植桂為林  
粉澤資鴻筆薰和本素琴禮成戎器下恩徹鬼方沉  
麟爵來稱紀官師退絕箴道風黃閣靜祥影紫垣陰  
壽酒朝時獻農書夜直尋國香燭翠幄庭燎艷紅金



漢魏文章盛竟湯雨露靈密辭投水石精義出沙金  
宸衷親惟敬鈎衡近匪侵長驅千里駿清唳九霄禽  
慶賜迎新服齊莊棄舊簪忽思班女怨遙聽越人吟  
末路甘貧病流年苦滯淫夢中青瑣闥歸處碧山岑  
竊抃聞韶濩觀光想蘇任大哉寰海晏不第子牟心  
竇羣

黔中書懷

萬事非經國千山擁麗譙佩刀看日曬賜馬傍江調  
言語多重譯壺觴每獨謠公流如著翅不敢問歸橈  
李益

獻劉濟

草綠古燕州鶯聲引獨遊鴈歸天北畔春盡海西頭  
向日花偏落馳年水自流感恩知有地不上望京樓  
春行

侍臣朝謁罷戚里自相過落日青絲騎春風白紵歌  
恩從三殿近獵向五陵多歸路南橋望垂楊拂細波  
同蕭鍊師宿太乙廟

微月空山曙春祠謁少君落花壇上拂流水洞中聞  
酒引芝童奠香餘桂子焚鶴飛將羽節遙向赤城分  
洛陽河亭奉酬留守群公追送



離亭錢落暉臘酒咸征衣歲晚烟霞重川寒雲樹微  
戍裝千里至舊路十年歸還似汀洲鴈相逢又背飛

送歸中丞使新羅冊立

東望扶桑日何年是到時片帆通雨露積水隔華夷  
浩渺風來遠虛明鳥去遲長波靜雲月孤島宿旌旗  
別葉傳秋意迴潮動客思滄溟無舊路何處問前期

令狐楚

秋懷寄錢侍郎

晚歲俱為郡新秋各異鄉燕鴻一驚叫郢樹盡青蒼  
山露侵衣潤江風捲簾涼相思如漢水日夜向淪陽



沙平烟樹迥潮滿曉江情從此幽深去無妨隱姓名

送鄭秀才貢舉

西笑意如何知隨貢士科吟詩向月露驅馬出烟蘿  
晚色寒蕪遠秋聲候鴈多自憐歸未得相送一勞歌  
與沈十九拾遺同遊栖霞寺上方夜於亮上人  
院會宿

偶來人境外心賞幸隨君古殿烟霞夕深山松桂重  
岩花點寒溜石磴掃春雲清淨諸天近誼塵下界分  
名僧康寶月上客沈休文共宿東林夜清猿徹曙聞  
李賀



追賦畫江潭苑

十騎簇芙蓉宮衣小隊紅練香燠宋鵲尋箭踏盧龍  
旗濕金鈴重霜乾玉鐙空今朝畫眉早不待景陽鐘

答贈

本作張公子曾名夢綠華沉香燠小像楊柳伴啼鴉  
露重金泥冷盃闌玉樹斜琴堂沽酒客新買後園花

白居易

草

詩語云居易初應舉名未振以詩授預況况  
戲之曰長安物貴者大不易及讀詩離原上  
草一詩即云有句如此居  
亦何難老夫前言戲之耳

離離原上草一歲一枯榮野火燒不盡春風吹又生

遠芳侵古道晴翠接荒城又送王孫去萋萋滿別情

江樓望歸時避難越中

滿眼雲水色月明樓上人旅愁春又越鄉夢夜歸秦  
道路通荒服田園隔虜塵悠悠滄海畔十載避黃巾

牛僧孺

思黯靈臺人山南東道  
節度使贈太尉謚文簡

和除夜

惜歲歲今盡少年應不知淒涼數流輩歡喜見孫兒  
暗減一身力潛添滿鬢絲莫愁花笑老花自幾多時

長孫佐輔

杭州秋日別故友



相見又相別大江秋水深悲歡一世事去住兩鄉心  
浙瀝籬下葉淒清階上琴獨隨孤棹去何處更同衾

白行簡

知退下邳人  
主客員外郎

春從何處來

欲識春生處先從木德來入門潛報柳度嶺暗驚梅  
透雪寒花散消冰水鏡開曉迎郊綺發夜逐斗光回  
淑氣寅中變新聲雨後催偏宜資律呂應是候陽臺

韋渠牟

京兆人為道士  
後至諫議大夫

步虛詞

鸞鶴共徘徊仙官使者催花香三洞啓風雨百神來

鳳篆文初定龍泥印已開何須生羽翼始得上瑤臺

其二

羽節忽排煙蘇君已得仙命風驅日月縮地走山川  
幾處留丹竈何時種玉田一朝騎白虎直上紫微天

其三

幾度遊三洞何方召百神風雲皆守一龍虎亦全真  
執節仙童小燒香玉女春應湏絕巖內委曲問皇人

其四

一作  
吳筠

玉樹雜金花天河織女家月邀丹鳳舄風送紫鸞車  
霧縠籠綃帶雲屏列錦霞瑤臺千萬里不覺往來賒



其五

舞鳳凌天出歌麟入夜聽雲容杳杳風韻曲泠泠  
扣齒端金簡焚香檢玉經仙宮知不遠只近太微星

李程

表臣京兆人  
翰林學士

春臺晴望

曲臺送春目景物麗新晴靄靄烟收翠忻忻木向榮  
靜看遲日上閑愛野雲平風慢遊絲轉天開遠水明  
登高塵慮息觀徼道心清更有遷喬意翩翩出谷鶯

詠冰壺

琢玉性惟堅成壺體更圓虛心含衆象應物受寒泉

溫潤資天質清真稟自然日融光自散雪映色逾鮮

至鑒功寧宰無私照豈偏明將水鏡對白與粉闥連

拂拭終為美提携佇見傳勿令臺髮累遺恨鮑公篇

柳公綽

子寬京兆人  
刑部尚書

和錦樓翫月

此夜年年月偏宜此地逢近看江水淺遙辨雪山重  
萬井金花肅千林玉露濃不唯樓上思飛蓋亦陪從

韋紆

夏卿從子  
萬年人

南至日隔仗望含元殿香爐

抗殿䟽元首高高接上玄節當南至日星是北辰天



寶戟羅仙仗金爐引瑞煙霏微雙闕麗溶洩九州連  
拂曙祥光滿分晴曉色鮮一陽今在曆生植願陶甄  
杜牧

禪智寺

雨過一蟬噪颼蕭松桂秋青苔滿階砌白鳥故遲留  
暮靄生深樹斜陽下小樓誰知竹西路謠吹是揚州

楊嗣復

繼之於陵子也湖州刺史

丁巳歲八月祠畢內顯臨淮公舊碑

齊莊脩祀事旌旆出郊闔薙草軒墀狹塗墻赭聖新  
謀猷期作聖風俗奉為神酌酒成坳澤持兵列偶人

非才庸寵任異代挹芳塵況是平津客碑前淚滿巾  
李洞

贈唐山人

長鬚長我髮七十色如鰲醉眼青天小吟情太華低  
千年松遶屋半夜雨連溪叩蜀路無限往來琴自携  
終南山

關內平田窄東西截杳冥雨侵諸縣黑雲破九門青  
暫看猶無暇長栖信有靈古苔秋漬斗積霧夜昏螢  
怒恐撞天漏深疑隱地形盤根連北嶽轉影落南溟  
窮穴何山出遽變上國寧殘陽高照蜀敗葉遠浮溼



斲竹煙嵐凍偷湫雨電腥閑房僧灌頂浴澗鶴遺翎  
梯滑危緣索雲深靜唱經放泉驚鹿睡聞磬得人醒  
踏逐神仙宅敲開洞府扃基殘秦士局字缺晉公銘  
一谷勢開子孤峯聳起丁遠平丹鳳闕冷射五伏廳  
萬丈水聲折千尋樹影亭望中仙島動行處月輪馨  
疊石移臨砌研膠潑上屏明時獻君壽不假老人星

賦得送賈島謫長江

敲鑪吟雪月謫出國西門行傍長江影愁深汨水魂  
印携過燒寺琴曲在花村饑食山松子誰知賈傳孫

白敏中

用晦居易弟  
門下侍郎

至月上公獻壽酒

候曉天門闢朝天萬國同瑞雲昇觀闕香氣映華宮  
日色臨仙籙龍顏對昊穹羽儀瞻百姓獻壽侍三公  
化被君王洽恩沾草木豐自欣朝玉座宴此詠皇風  
于武陵

孤雲

南北各萬里有雲心更閑因風離海上伴月到人間  
洛浦少高樹長安無舊山徘徊不可住漠漠又東還  
西歸

不繫與舟閑悠悠吳楚間羞將新白髮却到舊青山



一葉忽離樹幾人同入關長安有家住秋至又西還

王將軍宅夜聽歌

朱檻滿明月美人歌落梅忽驚塵起處疑有鳳飛來  
一曲聽初徹幾年愁漸開東南正雲雨不得見陽臺

夜尋僧

僧遊山未歸

數歇渡烟水漸非塵俗間泉聲入秋寺月色遍寒山  
石路幾迴雪竹房猶閉關不知雙樹客何處與雲閑

李廓

程之子穎州觀察使

夏日途中

樹夾炎風路行人正午稀初蟬數聲起戲蝶一團飛

日色欺清鏡槐膏點白衣無成歸故里自覺少光輝

韋莊

婺州水館重陽日作

異國逢佳節憑高獨苦吟一杯今日酒萬里故鄉心  
水館紅蘭合山城紫菊深白衣雖不至鷗鳥自相尋

章臺夜思

清瑟怨遙夜繞絃風雨哀孤燈聞楚角殘月下章臺  
芳草已云暮故人殊未來鄉書不可寄秋鴈又南迴  
哭麻處士

却到歌吟地閑門草色中百年流水盡萬事落花空



總帳寒秋月詩樓冷夜虫少微何處墮留恨白楊風

楊容華

盈川姪也

新粧

宿鳥驚眠罷房櫳乘曉開鳳釵金作縷鸞鏡玉為臺  
粧似臨池出人疑向月來自憐終不已欲去復徘徊  
魚玄機

臨江樹

草色連荒岸煙姿入遠樓葉鋪秋水面花落釣人頭  
根老藏魚窟枝低傍客舟蕭蕭風雨夜驚夢復添愁  
寇準

夜清江上

歲暮峽中村維舟古樹根羣峯初落月夜後獨聞猿  
流水自無盡客愁那可論平明離楚岸迢遞指吳門  
春日登樓懷歸

高樓聊引望杳杳一川平野水無人渡孤舟盡日橫  
流村生斷靄古寺語流鶯舊葉遙清渭沉思忽自驚  
楚江夜懷

西風生遠水蕭颯度吟臺明月夜還滿故人秋未來  
寒蛩啼暗壁敗葉下蒼苔誰念空江水年年首重回  
題太湖



三萬六千頃湖侵海內田逢山方得地見月始知天  
南國吞將盡東溟勢欲連何當洒為雨無處不豐年  
种放

酬陳齊民見寄

竹扉常晝掩幽僻置身安自委漁樵分因思出處難  
周庭方設燎漢將尚封壇莫問漁樵意人寰事萬端

李孟

道復漢中人集賢侍講學士通封魏國公謚文忠

進詩

十年陪顧問一旦決安危自合成功去應漸見事違  
長城何自壞孤注莫相疑辟穀求仙者高明百世師

補

玄宗

送賀知章

遺榮期入道辭老竟抽簪豈不思賢達其如高尚心  
寰中得秘要方外散幽襟獨有青門錢群僚悵別深  
顏師古

奉和正日臨朝應詔

七政璿衡始三元寶曆新負宸延百群垂旒御九賓  
肅肅皆鸞鷟濟濟盛纓紳天涯致重譯西域獻奇珍  
陳潤

白樂天外祖  
鹿城縣令



賦得浦外虹

日影化為虹，彎彎出浦東。一條微雨後，五色片雲中。  
輪勢隨天度，橋形跨海通。還將飲水處，持送使車雄。

送駱徵君

野人膺辟命，溪上掩柴扉。黃卷猶將去，青山豈更歸。  
馬留苔蘚迹，人脫薜蘿衣。他日相思處，天邊望少微。

近體七言

中宗

立春日游苑迎春

仙輦福地三秦邑，玉臺金闕九仙家。寒水猶留舊日泉。

柳淑景催臨建始，花彩蝶黃驚未欲。舞梅香柳色已  
矜誇，迎春正啟流霞席。疑是舊義論，勿遽斜。

李適

興慶戲競渡應制

拂霧金輿丹旆轉，凌晨黼帳碧池開。南山倒影從雲  
落，北澗搖光寫浪迴。急舸爭標排岸度，輕帆截浦觸  
荷來。橫汾宴鎬歡無極，歌舞年年聖壽盃。

安樂公主山莊

平陽金榜鳳凰樓，沁水銀河鸚鵡洲。綵仗遙尋丹旆  
裏，仙輦遙幸綠亭幽。前池錦幔蓮花艷，後嶺香爐桂



藥秋貴主稱觴萬年壽還輕漢武濟汾池

人日大明宮應制

朱城待鳳韶華至碧殿乘龍淑氣來寶帳金屏  
帖圖花學鳥勝初裁林香近接宜春苑山翠遙添  
壽杯向夕憑高風日麗天文垂曜象昭回

望春宮迎春應制

玉輦金輿天上來花園四望錦屏開輕絲半拂朱  
柳細纈全披畫閣梅舞蝶分行飄御席歌鶯度曲繞  
仙盃聖詞春日光輝滿漢主秋風莫道才

奉和立春遊苑迎春

金輿翠輦迎嘉節御苑仙宮待獻春淑氣初銜梅色  
淺條風半拂柳條新天杯慶壽齊南岳聖藻光輝動  
北辰稍覺披香歌吹近龍驂薄暮下城闌

趙彥昭

人日侍宴大明宮應制

寶契無為屬聖人珎輿出幸翫芳辰平樓半入南山  
霧飛閣旁臨東野春夾路穠花千樹發垂軒弱柳萬  
條新處處風光今日好年年願奉屬車塵

侍燕安樂公主新宅應制

六龍齊軫御朝曦雙鷁維舟下綠池飛觀仰看雲外



登浮橋直見海中移靈泉巧鑿天孫渚孝荀能抽帝  
女枝幸願一生同草樹年年歲歲樂於斯

奉和初春幸太平公主南莊應制

主第岩扃架鵲橋天門閭闔降鸞輿歷亂旌旂轉雲  
樹參差臺榭入烟霄林間花雜平陽舞谷裏鶯和弄  
玉簫已陪泌水追歡日行奉茅山訪道朝

蘇環

興慶池侍燕應制

金闕平明宿霧收瑤池式燕俯清流瑞鳳飛來隨帝  
輦祥魚出戲躍王舟唯齊綠樹當筵密蓋轉細荷接

岸浮如臨竊比微臣懼若濟叨陪聖主遊

韋元旦

幸安樂公主山莊應制

銀河南渚帝城隅帝輦平明出九衢刻鳳蟠螭凌桂  
邸穿池疊石寫蓬壺璫簫暫下釣天樂綺綴長懸明  
月珠仙榜承恩爭旣醉方知朝野更歡娛

望春宮迎春應制

九重樓閣半山霞四望韶陽春未賒侍蹕妍歌游灞  
浹留觴舞態出京華危萍競捧中街月戲鳥爭街上  
苑花景色歡娛長若此承恩不醉不還家



立春遊苑應制

灞溪長安常近日  
殷正臘月早迎新  
池魚戲葉仍含凍  
宮女裁花已作春  
向苑雲疑承翠幄  
入林風若起青蘋  
年年斗柄東無限  
願挹瓊觴壽北辰

蘇頌

扈從鄆杜間奉呈刑部尚書

明崔黃門馬常侍

翠輦紅旂出帝京  
長楊鄆杜昔知名  
雲山一一看皆美  
竹樹蕭蕭盡不成  
羽騎將過持袂拂  
香車欲度捲簾行  
漢家曾草巡遊賦  
何似今來應聖明  
人日燕大明宮賜采縷  
人勝應制

龍磽道切昭回建鳳旗  
門遶帝臺七葉仙  
棠承月吐千株御柳拂  
烟開初年競帖宜春勝  
長命先添獻壽杯  
是日最靈知竊幸  
群心能捧大明來

興同慶池侍燕應制

降鶴池前迴步輦  
棲鸞樹杪出行宮  
山光積翠遙疑逼  
水態含青近若空  
直視天河垂象外  
俯窺京室畫圖中  
皇情未使恩波極  
日暮樓船更起風

奉和初春幸太平公主南莊應制

主第山門起灞川  
宸遊風景入初年  
鳳凰樓下交天仗  
烏鵲橋頭敞御筵  
徃徃花間逢綵石  
時時竹裏見



紅泉今朝扈蹕平陽館不羨乘槎雲漢邊

裴迪

訪逸人不遇

恨不逢君出荷蓑青松白屋更無他陶令五男曾不  
有蔣生三徑任相過芙蓉曲沼春流滿薜荔成帷晚  
靄多聞說桃源好迷客不如高臥眎庭柯

崔興宗

和王維勅賜櫻桃詩

未央朝謁正逶迤天上櫻桃錫此時朱實初傳九華  
殿繁華化舊維萬年枝全勝晏子江南橘莫比潘家大

谷梨聞道令人好顏色神農本草自應知

嚴武

巴嶺谷子美見憶

卧向巴山落月時兩鄉千里夢相思可但步兵偏愛  
酒也知光祿最能詩阮籍江頭赤葉楓愁客籬外黃  
花菊對誰跋馬望君非一度冷猿秋鴈不勝悲

寄題杜二錦江野亭

漫向江頭把釣竿懶眠沙草愛風湍莫倚善題鸚鵡  
賦何須不著鷄鵩冠仲腹中書籍幽時曬肘後醫方  
靜處看龍發曾能馳駿馬終須重到使君灘



韋應物

自輦洛舟行入黃河即事寄府縣僚友

夾水蒼山路向東東南山豁大河通寒樹依微遠天  
外夕陽明滅亂流中孤村幾歲臨伊岸一鴈初晴下  
朔風為報洛橋遊宦侶扁舟不繫與心同

寓居澧上精舍寄于張二舍人

萬木叢雲出香閣西連碧澗竹林園高齋獨宿遠山  
曙微霰下庭寒雀喧道心淡泊對流水生事蕭條空  
掩門劉云寂寥時意故交那得見曉排閭闔奉明恩

寄李儋元錫

去年花裏逢春別今日花開已半年世事茫茫難自  
料春愁黯黯獨成眠身多疾病思田里邑有流亡愧  
俸錢蒼溪云士君子當以此切存心彼一意聞道  
欲來相問訊西樓望月幾回圓

李幼卿

隴西人右庶子領除州

似是奇獨孤及

近日霜毛幾番新別來芳草兩迴春不堪花落花開  
處况是江南江北人薄宦龍鍾心懶慢故山寥落水  
齋淪綠君愛我疵瑕少願竊仁風寄老身

竇叔向



酬李袁州嘉祐

嘉祐以詩送叔向并寄其弟紆故叔向詩有瓊枝之句

少年輕會復輕離老大關心總是悲強說前程聊自慰未知携手定何時公才岳指登黃閣匪服胡顏上赤墀想到長安誦佳句滿朝誰不念瓊枝

李益

過馬嵬

金甲銀旌盡已回蒼茫羅袖隔風埃濃香猶自隨鸞輅恨魄無由離馬嵬南內真人悲悵殿東溟方士問蓬萊唯留坡畔彎環月時送殘輝入夜臺

鹽州過胡兒飲馬泉

綠楊著水草如烟舊是胡兒飲馬泉幾處吹笳明月夜何人倚劒白雲天從來凍合關山路今日分流漢使前莫道行人照容鬢恐驚憔悴入新年

鸛雀樓

鸛雀樓西百尺檣汀洲雲樹共茫茫漢家蕭鼓空流水魏國山河半夕陽事去千年猶恨速愁來一日即為長風烟並起思鄉望遠目非春亦自傷

權德輿

和司門殷員外早秋省中直夜寄荆南衛端公共嗟王粲滯荊州才子為郎憶舊遊涼夜偏宜粉署



直清言遠待玉人酬風生北渚烟波濶露下南宮星  
漢秋早晚得為同舍族知君兩地結離憂

送張閤老中丞持節弔回鶻

旌旆翩翩擁漢官君行當得遠人歡分職南臺知禮  
重校書東觀見才難金章玉節鳴騶遠白草黃雲出  
塞寒欲散別愁唯有酒慙煩賓從駐征鞍

田家即事

閑卧藜床對落暉翛然便覺世情非漠漠稻花資  
食青青荷葉製儒衣山僧相勸期中飯漁父同遊或  
夜歸待學尚平婚姻畢渚烟溪月共忘機

待漏假寐夢歸江東舊居因寄惠閣梨茅處士

時德興秉政  
未果會也

十年江浦卧郊園閑夜分明結夢魂舍下烟蘿通古  
寺湖中雲雨到前軒南宗長老知心法東郭先生識  
化源覺後忽聞清漏曉又隨簪佩入君門

令狐楚

酬樂天夢得

宣節度  
宣武

蓬萊仙監

樂天

客曹郎

劉為  
主客

曾枉高車客大梁見擁旌

旄治軍旅知親筆硯事文章愁看柳色懸離恨憶過  
花枝助酒狂洛下相逢肯相寄南金耀錯玉淒涼



李逢吉虛舟龐西人尚書左僕射

送令狐秀才赴舉

子有雄文藻思繁  
齡年射策向金門  
前隨鸞鶴登霄漢  
却望風沙走塞垣  
獨憶忘機陪出處  
自憐何力繼飛翻  
那堪兩地生離緒  
蓬戶長扃行旅喧

和嚴撥省中宿齋遇令狐員外當直之作

致齋分直宿南宮  
越石盧諶此夜同  
位極班行猶念舊  
名顯章奏亦從公  
曾驅瓜士三邊靜  
新贈髯參六義窮  
竟夕文昌如有月  
可憐如在吏樓中

白居易

與劉夢得偶同到墩詩宅感而題壁

山東纔副蒼生望  
川上俄驚逝水波  
履道淒涼新第宅  
宣城流落舊笙歌  
園荒惟有薪堪採  
門冷兼無雀可羅  
今日相隨偶同到  
傷心不是故經過

送客之湖南

年年漸見南方物  
事事堪傷北客情  
山鬼趨跳惟一足  
峽猿哀怨過三聲  
帆開青草湖中去  
衣濕黃梅雨裏行  
別後雙魚定難覓  
近來潮不到湓城

白敏中

凱旋進詩



一詔皇城四海頒醜戎無數束身還戍樓吹笛人休  
戰牧野嘶風馬自閑河水九盤收數曲天山千里鎖  
諸關西邊北塞今無事為報東南夷與蠻

杜牧

題青雲館

屬商於

虬蟠千仞劇羊腸天府由來百二強四皓有芝輕漢  
祖張儀無地與懷王帳連雲影蘿陰合枕繞泉聲客  
夢涼深處會容高尚者水田三頃百株桑

早鴈

金河秋半虜弦開雲際驚飛四散哀仙掌月明孤影

過長門燈暗數聲來須知胡騎紛紛在豈逐秋風一  
一回莫厭蕭湘少人處水多菰米岫莓苔

李郢

晚泊松江驛

片帆孤客晚夷猶紅蓼花前水驛秋歲月方驚離別  
盡湮波仍駐古今愁雲陰故國山川暮潮落空江網  
罟收還有吳娃舊歌曲棹聲遙散采菱舟

和湖州杜員外冬至日白蘋洲見憶

白蘋亭上一陽生謝朓新裁錦繡成千嶂雪消溪影  
綠幾家梅綻海波清已知鷗鳥長來狎可許汀洲獨



有名多愧龍門重招引即拋田舍棹舟行

送劉谷

村橋西路雪初晴雲暖沙乾馬足輕寒澗渡頭芳草  
色新梅嶺上鷓鴣聲郵亭已送征車發山館誰將候  
火迎落日千峯轉迢遞知君回首望高城

江亭秋霽

碧天涼冷鴈來疎閑看江雲思有餘秋館池亭荷葉  
後野人籬落荳花初無愁自得山翁術多病能忘太  
史書聞說故園香稻熟片帆歸去就鱸魚

韓堡

苑中

上苑離宮處處迷相風高與露盤齊金階鑄出後視  
立玉柱雕成翡翠啼外使調鷹初得按五方外使以鷹作初調謂  
使能禽獲謂之得案中官過馬不教嘶上乘馬必中官取笙歌  
錦繡雲霄裏獨許詞臣醉似泥

與吳子華侍郎同年玉堂伴直懷昔叙懇因成  
長句兼呈同年

往年鶯谷接清塵今日鰲山作侍臣二紀計偕勞筆  
硯一朝宣入掌絲綸聲名烜赫文章士金紫雍容富  
貴春絳帳恩深無路報語餘相聚却酸辛



春盡

惜春連日醉昏昏  
醒後衣裳見酒痕  
細水浮花歸別澗  
斷雲含雨入孤村  
人閑易得芳時恨  
地迥難招自古魂  
慚愧流鶯相厚意  
清晨猶為到西園

惜花

皺白離情高處切  
膩紅愁態靜中深  
眼隨片片沿流去  
恨滿枝枝被雨淋  
總得蒼苔猶慰意  
若教泥污更傷心  
臨墻一盞悲春酒  
明日池塘是綠陰

避地寒食

避地淹留已自悲  
况逢寒食欲沾衣  
殘春孤館人愁

坐斜日空園花亂飛  
路遠漸憂知己少  
時危又與賞心違  
一名所繫無窮事  
爭敢當年便息機

李洞

過浪仙舊地

鶴外唐來有句星  
長江東注吟滄溟  
境搜松雪仙人島  
吟歇林泉主簿廳  
片月已能臨榜黑  
遙天何益抱墳青  
年年誰不登高第  
未勝騎驢入畫屏

秦韜玉

仲明京兆人  
工部侍郎

對花

長與韶光暗有期  
可憐蜂蝶却先知  
誰家促席臨低



詞譜 卷四  
樹何處橫釵帶小枝麗日多晴疑曲照和風得路合  
偏吹向人強道渾無語幾勸王孫到醉時

李穀

和皮日休悼鸛

才子襟期本上清陸雲家鸛伴閑情猶憐及顧五六  
里何意忽歸十二城露滴誰聞高葉墜月沉休藉半  
階明人間華表堪留語剩向秋風第一聲

韋莊

北原閒眺

春城回首樹重重立馬平原夕照中五鳳灰殘金粟



一夕衡門獨自開  
雨陰深巷少塵埃  
醉醒風傍池邊起  
坐久月從花上來  
何處夜歌初欲斷  
幾家春夢未  
知回  
因思此興無人共  
曉履孤吟步綠苔

李師中

忠州團練使  
下邳人

送唐介之貶所

直誠自許時不與  
孤立敢言人所難  
去路一身輕似  
葉  
高名千古重於山  
並游英俊顏何厚  
已死奸雄骨  
尚寒天意若為宗  
社計肯教夫子不  
生還

楊奐

長安感懷



此心直欲作東周再到長安已白頭往事無憑空擊  
楫故人何處尋登樓月謠銀海秦陵夜露滴金莖漢  
殿秋落日酒醒雙淚眼幾時清渭向西流無憑欲作有心

趙世延子敬秦州漢陽人平章政事涼國公贈太保謚文忠

代祀南嶽登祝融峯

天風吹我躡雲根一覽群山蟻垤紛瀛海波翻初日  
上石壇人語半空聞炎荒作鎮荆吳遠元氣流形天  
地分何日東書煨芋室孤峯絕頂看浮雲

郝天挺維先三原人行政事

題麻姑壇

路入雲關仙境佳石田瑤草帶烟霞貯經洞古無遺  
檢養藥爐存失舊砂青鳥空傳金一作王母信綵鸞應  
到玉皇家巖壑不掩春長在老却一作開碧桃千樹一作  
無花數

馬祖常

書院試事

棘闈粉署隔重牆校藝分官屬正郎五夜風簾燒蠟  
燭九天冰樹齋龍香周旋接武尚書履供帳留茵御  
史陳唱閣門春色曙侍臣應奏慶文章  
送宋顯夫南歸



琵琶溝北識君初藉甚才華二十餘欲賦兔園千孝  
郎不因狗監進相如瀟湘路熟逢知己韋杜天低望  
故居携幼歸來拜丘壟南遊莫戀武昌魚

駕發

蒼龍對闕夾天闌秋駕凌晨出國門十萬貔貅騎  
驍一雙日月繡旗旛講蒐獵較黃羊圈錫宴恩沾白  
獸尊赫矣漢家人物盛馬卿有賦在文園

負怡然

關中人

送陳文理還京師

十年不見

元龍髯鬚蕭蕭帶朔風萬里關河秋月



楚塞金陵靖巴山玉壘空萬方無一事端坐大明宮  
雪霽長楊苑冰開太液池宮中行樂日天下盛明時  
柳色煙相似梨花雪不如春風空有意一一麗皇房  
西鄙人

哥舒歌

北斗七星高哥舒夜帶刀至今窺我馬不敢過臨洮

韋元旦

以下七言

主第夜宴

主第新成雲作榜宮庭廣宴玉為樓靈觴既小仙人  
夜歌舞疑停織女秋



韓晃

聽樂

萬事傷心對管絃  
一身含淚向春煙  
黃金用盡教歌  
舞留與他人樂少年

杜牧

退宮人

閑吹玉殿照華管  
醉折梨園縹蒂花  
十年一夢歸人  
世絳縷猶封繫臂紗

齊安郡後池

菱透浮萍綠錦池  
夏鶯千轉弄黃鸝  
盡日無人看微

雨鴛鴦相對浴紅衣

洛陽秋夕

泠泠寒水帶霜風  
更在天橋夜景中  
清禁漏閒烟樹  
寂月輪移在上陽宮

三首可入內編

牧之雖出晚唐其詩可與中唐並稱故曰小杜

王縉

九月九日

莫將邊地比京都  
八月嚴霜草已枯  
今日登高樽酒  
裏不知能有菊花無



聯句

中宗

趙彥昭

李適

蘇頲

誕辰內殿宴群臣

潤色鴻業寄賢才帝叨居右弼媿鹽梅李嶠運籌帷  
幄荷時來宗楚客職掌圖籍濫逢萊劉憲兩司謬忝  
謝鍾裴崔湜禮樂銓管效塵埃鄭愔陳師振旅清九  
垓彥昭忻承顧問侍天杯適銜恩獻壽栢梁臺黃  
縑青簡奉康哉盧藏用宗伯秩禮天地開薛稷帝歌  
難續仰昭回宋之間微臣捧日變寒灰遠慙班左愧  
遊陪上官婕妤好

文宗

柳公權

夏日

人皆苦炎熱我愛夏日長帝薰風自南來殿閣生微

涼公權

五學上屬和帝獨調公權兩句辭清意足不  
可多得乃令公權題於壁上字方圓五寸帝

視之嘆曰鍾三  
復生無以加矣

李之芳

太宗子蔣王暉之曾孫  
禮部尚書改太子賓客

杜甫

夏夜李尚書筵送宇文石首赴縣

愛客尚書重之官宅相賢甫酒香傾坐側帆影駐江

邊之芳翟表郎官瑞鳥看令宰仙崔或雨稀雲葉斷

夜久燭花偏甫數語歌一作紗帽高文擲綵牋之芳



興饒行處樂離惜醉中眠崔或單父長多暇河陽實  
少年市客居逢自出為別幾凄然之芳

李益

紅樓

佛刹接重城紅樓切大清紫雲連照灼丹檻望崢嶸  
廣宣懷棟煙虹入軒窗日月平參差五陵晚分背八  
川明益絃韻風初過蓮枝浪欲傾敬瞻疑涌見圍繞  
學無生杜羔

蘭陵僻居

潘岳閑居賦陶潛獨酌謠二賢成往事三徑是今朝

廣宣生華逢唐運昌時奉帝堯進能諧啓沃退即淠  
漁樵益蠹簡封延閣彫欄闕上霄相從清曠地秋露  
挹蘭茗杜羔

天津橋南山各題二句

野坐分苔石益山行逸菊叢韋執中雲衣惹不破諸  
蕩覺秋色望來空益

補

長安謠

伊徙鴈鹿徙荒去年與陳實無價伊嘉鹿五鹿充  
宗字字弘陳陳頃

皆石

魚

雁

卷四

卷四

青霄中



上郡歌

大馮君小馮君兄弟繼踵相因循聰明賢知惠吏民  
政如魯衛德化鈞周公康叔猶二君馮野王廢帝立  
和代為上郡太守

守吏民嘉美  
乃歌之云

京兆謹

我府君道教舉恩如春威如虎剛不吐柔不茹愛如

許訓如父

京兆民為  
李慶作

雍音卷之四終

天水鄭珩校并書


題雍音後

天水大中丞可泉胡公夙抱經略馳情藻翰  
士林表儀者蓋自弘德以底今日海內無弗知  
翁所謂文章宿老者是也余於丁未冬入秦中  
值翁所次雍音成先伯主一翁寔與同舉進士  
而公肥遯鳥鼠者踰十年矣諸所揚闡咸垂世  
模矧茲音固雍人所當誦法者乎夫雍州陸海  
之地庖犧氏之所產而文武成康之所昭明以  
先九牧者也夫自宣父取三百篇二南函詩綱



紀乎國風以至雅頌其文郁郁其聲嗶嗶而悅  
神人達政理固雍之大成也迺其刪之棄餘而  
不可毀與夫嗣響紹絕洋洋纚纚於漢魏六代  
唐宋以還又不但如今之所錄者也然彪列之  
下編猶有內外者蓋內以會其正外以盡其變  
皆燉而簡婉而成章吁厥選嚴哉昔者襄城楊  
伯謙氏編次唐音虞伯生氏取其有風雅之遺  
騷夢之變且自附於知言之難夷考二編唐音  
以代爲紀且當六代之後其於風雅騷夢遠矣







其所造張當與空同王當與西玄並馳諸君子關隴  
詩豪也一時述作出騷入雅名聞海宇關隴不有詩  
人乎續宗獲與同時且與同志其諸先進其諸壯遊  
之客其諸巖穴之士續宗未接者尚多故其集未盡  
覩其什未盡傳乃於雍音未入非遺也况我

明國作綿延何啻八百年詩可遷選乎續宗嘗作太

湖六首寄空同子空同子乃作夏日憶太湖洞庭山

無懷可泉太守云山人苦熱思江海忽憶蘇州兩洞

庭湖天平登上下白巖壑對峙東西青四時濕雲樹

孀孀六月涼袖風冥冥不分謫來香案吏竟日吟哦



雙翠屏今李集却不載諸公之詩多入梓者其諸篇  
什未必全收觀空同是詩可知矣然即空同是作亦  
可槩見一時雍賢才思意興矣予詩內一聯云雨山  
雲約東西對五夜是  
搖上下天得空  
同融之更佳關隴不有詩乎故諸君子大篇短章  
泆泆風泆雖云嗣唐可也加以入微不可企漢乎而  
曹子士奇王子完諸後進亦皆探騷夢而繹風雅琤  
琤繩繩曷有已也至若近山用齊平川天宇二老篤  
志於前谿田涇野二子潛心於後而橫渠藍田之學  
不墜不屑言詩矣然出乎情止乎禮義以續三百篇  
詩不有關於風化也哉倘嗣雍音其惟後慕之歌越

蒙之標是本焉續宗世甫識

近山劉公璣平川王公承裕皆戶部苑洛韓公邦  
奇西陂劉公儲秀皆兵部皆尚書涇野呂公枬西  
玄馬公汝驥三渠王公用賓皆禮部皆侍郎谿田  
馬公理光祿卿平田管公樞都察院右副都御史  
太華何公棟少華許公宗魯石壘李公宗樞皆右  
僉都御史定原呂公顥應天府尹蒙谿胡公侍鴻  
臚少卿對山康公海涇原趙公時春槐野王公維  
楨皆翰林院皆修撰漢陂王公九思河濱段公景  
玉壘王公元正皆檢討終南王公元凱兵科給事



中使陵張公鳳翔戶部海山田公瀾兵部太微張  
公治道刑部皆主事東谷張公潛山東三石喬公  
世寧河南皆參政崆峒李公慶陽江西白閣王公  
九峯山西皆憲副五泉韓公邦靖山西參議彭衙  
王公謳河南僉事皆進士太白孫君一元羽士隴  
川胡初仲一識

承務郎皮永 從仕郎石岳  
承事郎楊綸 朱文鵬校



可泉公於舒撰安慶志刻于皖郡於秦撰輦  
郡記刻于隴水於留都編秦漢文刻于吳門  
又刻于冀寧今於林泉編雍音刻于成紀然  
尚有所撰儀禮集註春秋集傳讀子錄漢音  
魏音唐雅未刻刻其在天水乎雍音之刻任  
賢有微勞倘仍刻儀禮春秋諸書任賢亦何  
敢辭勞邪是編刻於丁未初冬成於戊申仲  
春蓋常河凍矣交河王任賢志